


orvard College,
1869.

572.53
Lp 45. 265.



①

COMMENTATIONES PROPERTIANAE.

~~~~~

SCRIPSIT

*Christian*  
CHRISTIANUS LÜTJOHANN,  
DR. PHIL.



c  
KILIAE  
IN AEDIBUS SCHWERSIANIS.  
A. MDCCCLXIX. —

1872, Jan. 12.  
Salisbury Fund.

OTTONI RIBBECKIO

PRAECEPTORI CARISSIMO

D. D. D.

CHRISTIANUS LÜTJOHANN.

Lp 45.265

## Prooemium.

---

Cum ceteri qui Augusti aetate floruerunt poetae Latini nostris temporibus sat multos criticos et interpretes nacti sint, qui in Propertio aut recensendo aut explicando curam posuerint, pauci tantum extitisse videntur. attamen non solum commentarius qui quidem nostrae aetatis diligentiae et doctrinae satisfaciat, verum etiam iusta recensio deest quae omni optimorum codicum varietate accurate excussa pristinum poetae splendorem recuperare conata sit. quibus rebus factum est, ut praeceteris quintum Propertii librum \*) a criticis et interpretibus nimis neglectum acceperimus. postquam enim Lachmannus ne diligentius in illo persanando versaretur, et patria a Gallis periclitante impeditus et ipsorum carminum quae illi visa est indignitate deteritus est, ceterorum viorum, si qui suam Propertio curam navaverunt, industria et diligentia, ut fieri fere solet, in fine operis aliquantum immunita est. sed nuper Heimreichius in symb. philol. Bonn. pp. 674 sqq. nec non Eschenburgius in lib. miscell. a societate philol. Bonn. edito pp. 83 sqq. in hoc libro et critici et interpretis munus strenue suscepserunt. quorum tamen ille haec carmina a Propertio tota abiudicavit, hic tempus tantum eorum diligentius indagare studuit. his autem causis commotus sum, ut post studia in ceteris libris exercitata omnem curam converterem in quintum Propertii librum. de quo quae probabilia invenisse mihi videor nunc quam brevissime proponam. ac primum quidem diversorum mendorum emen-

---

\*) Utar in hae dissertatione numeris editionis Hauptianae tertium recognitae a. 1868.

datione exposita de emendandi huius libri ratione disseram.  
tum consilium quod in his carminibus componendis secutus sit  
poeta explicabo. deinde eorum et dispositiones et rationes  
strophicas aut exemplis propositis illustrabo aut breviter  
significabo. postea tempus quo singula carmina confecta  
videantur accuratius definiam. denique de huius libri auctore  
quaestionem instituam. composui autem hunc libellum iam  
proximi anni aestate, ut summos in philosophia honores rite  
impetrarem ex auctoritate amplissimi philosophorum in aca-  
demia Christiana Albertina Kilonensi ordinis. a quo cum  
probatus sit, nunc eum secundis curis retractatum in publicum  
emitto; speroque fore ut praeceptorum Kiloniensium quos  
semper pia memoria colam disciplina non indignus habeatur.

---

Dabam Lipsiae a. d. XV. Cal. Mart. a. MDCCCLXIX.

---

## Caput I.

### De emendandarum libri quinti Propertiani elegiarum ratione disseritur.

Ac primus quidem locus est de via ac ratione qua etiam nunc libri quinti elegiae emendari possint. quo in explicando initium capere convenit ab aestimandis eis codicibus, in quibus nititur crisis Propertiana. Lachmannus autem cum artis criticae in Propertio exercendae fundamentum solos codices Neapolitanum et Groninganum merito elegerit (cfr. edit. Lipsiensis a. 1816. praef. pp. IX. sq.), in ipso opere adornando palmam detulit Groningano. sed nuper post Hauptium (cfr. index lect. Berol. aestiv. a. 1856.) Heimreichius quaest. Propert. pp. 1. sqq. Groninganum nec singularem prae se ferre originem et a viro quodam indoeto adeo interpolatum esse contendit, ut acquiescendum nunc esset in fide libri Neapolitani. quam tamen normam nec Eschenburgio (cfr. observat. erit. in Propert. p. 23.) nec Luciano Muellero (cfr. Fleckeiseni ann. vol. 91. p. 781.) prorsus persuasit. hos autem viros Heimreichio verius de codicibus Propertianis iudicium tulisse ut evincatur, cum non sim ne-  
scius omnem eorum varietatem executiendam esse, tamen nunc intra libri quinti fines me continebo, aliis hanc materiem plenius tractandam relicturus, in qua quidem cum fruetu quin possit quis etiamnunc versari non dubito. imminuit igitur libri Groningani fidem Heimreichius prolatis eiusmodi testimoniis quibus eum et singulis vocibus et versibus vel totis vel dimidiatis interpolatum ostenderet. atque eius generis e quinto quoque libro haec exerpi possunt: V, 1, 96 *rostra N.*

*signa* G. — 1, 117 *victor oliade* N. *oliade victor* G. transpositis ut versus staret vocabulis. — 2, 11 *praecepimus* N. *percepimus* G. inquinatus a glossatore qui ne praecipiendi verbo notio doendī subieceretur cavere voluit. — 2, 26 *gramina secta* N. *semina iacta* G.; de qua scriptura cfr. Burmannus. — 2, 41 *fama est* N. *cura est* G.; ad quem locum efr. Jacobus et Hertzbergius. — 3, 7 iure omissa esse in N. verba *Bactra per ortus* quae exhibit G. demonstravit Heimreichius quaest. Propert. pp. 5 sqq.\* — 3, 11 *et parce avia noctes* N. *et pactae mihi noctes* G.; quo loco Hauptius in ind. Berol. aest. a. 1856. pp. 6 sqq. e N. vestigiis vere restituit *et pactae in savia noctes*; neque hanc elegantissimam coniecturam superavit Kochius in symb. ph. B. p. 327 scribendo *et pactae a coniuge noctes*. — 3, 14 *ab everso* N. *ab adverso* G. — 3, 52 *meas* N. *tuas* G. quem exemplis prorsus dissimilibus Hertzbergius contra Jacobum ad h. l. tueri conatur. — 4, 23 *omina* N. *tumina* G. — 4, 25 *nymphis* N. *lymphis* G. — 4, 34 *esse* N. *arma* G. futili coniectura emendaturus vocabulum corruptum, pro quo olim Fridericus Gronovius egregie restituit *ora*. — 6, 22 *apta* N. *acta* G. quem me iudice post Broukhusium iniuria secutus est Lachmannus; neque enim *acta* iam dici possunt pila, dum proelium non committitur: itaque nescio an scribendum sit: *pilaque feminine turpiter apta manu*. — 6, 48 *invito* N. *et multo* G.; hoc fortasse inde ortum est, quod postquam *invito* in *multo* vocabulum facili corruptela abiit, versus fingendi causa librarius *et particulam sensu carentem addidit*. — 6, 55 *in* N. *et* G. inquinatus ni fallor ab interpolatore qui structuram inusitatam non perspexit. — 7, 7 *elata* N. *elapsa* G. — 7, 15 *vigilacis* N. *vigilantis* G. pro vocabulo exquisitiore reponens vulgare. — 7, 23 *in-*

\*<sup>o</sup>) Immerito tamen idem etiam vv. 8 — 10 partem posteriorem damnavit. neque enim semper, sed eo ipso tantum tempore quo haec epistula scripta sit in orientalibus regionibus stipendia meruisse Lycotam docetur vv. 35 sq.; 47 sq.; 67 sq. ablativo autem *ea aqua* locum significari certum est coll. Propert. I, 14, 1. *tu licet abicctus Tiberina molliter unda-bibas*; v. etiam Hertzbergium l.p. 135. denique quaenam inter *ustus* et *discolor* vocabula intercederet ratio adnotavit Lachmannus.

*clamavit* N. *inclinavit* G.; de quo loco v. Jacobum et Hertzbergium. — 7, 51 *revolubile* N. *revocabile* G.; de quo versu efr. Lachmannus et Hertzbergius. — 7, 55 *sortita* N. *quesita* G. quod apertum verbi *sortita* paulum ambigui interpretamentum est. — 7, 59 *parta* N. *vecta* G. quod vix perspicitur qua tandem corruptela e *parta* vocabulo nasci potuerit: ergo hie quoque spreta infelici G. coniectura N. vestigia tenenda sunt. e quibus, cum *coronato phaselo* probas mulieres molliter in Elysium delatas esse manifesto designaverit auctor, eiusdem coloris verbum reposuerim pro PARTA scribendo LAPSA\*). coronato autem phaselo labi dicuntur mortui, ut codem sententiae colore Ovidius Her. X, 65 *ut rate felici* inquit *pacata per aequora labar.* praeterea efr. Ovid. Met. XI, 51; Verg. Aen. VIII, 91. — 9, 34 *vana* N. *vestra* G.; e corrupta N. *scriptura* quod verum est *fana* elicit Scaliger. — 9, 40 *advatas* N. *ad natas* G.; quo loco merito N. secutus scribi iussit *ad vastas* Kochius in symb. ph. B. p. 329: neque enim Lachmanni interpretatione satis illa difficulti languere desiit illud *ad natas*. — 9, 70 *exterminium* N. *eximii* G.; quod adiectivum cum Herculi, viro fortissimo, inditum omni pondere careat, ex absurdâ coniectura ortum esse appareat; nam unde in monstro illo *exterminium*, cuius *ni* syllabam dittographia natam esse manifestum est, profecta essent aut *ter* aut *um?* ergo ego quidem nullus dubito Heinsii coniecturam *aeternam* recipere, quippe quae et sententiae satisfaciat et corruptela quo modo orta sit ostendat. — 10, 27 *e* N. *o* G.; atque hoc perspicuum sane est quid significet, non qui corrumpi potuerit. ergo N. vestigia secutus reposuerim *heu*, quod vocabulum ex eadem codicium corruptela restituit Muretus Propert. III, 12, 15. — 10, 34 *vinea qua ductum* N. *vineaque inductum* G.; de qua scriptura v. Lachmannum. — 10, 41 *Virtomanè* N. *Briomarus* G. — 11, 102 *aquis* N. *equis* G.; ubi e N. Broukhusius *avis* restituit. — his

---

\*) Neque propter ipsam illam sententiae naturam scribi potest *raptu*, quod tamen verbum et a N. *scriptura* prope abest et saepe de mortuis usurpatur velut a Propert. V, 11, 66.

aceedunt loci nonnulli, ubi N. exquisitiorem vel rariorem vocabulorum formam servavit. nam praeterquam quod semper fere *inprudens, immerita* \*), *adiciam* \*\*) etc. exhibet, retinuit V, 3, 36 *equus* \*\*\*), 9, 36 *sucepto*; praeterea qua corruptela ortum sit V, 10, 8 in N. *nec versum explicari* vix potest, nisi librarium scripturum fuisse *in eversum suspicari* licet. †) — atque his quidem locis cum Groningani interpolati fides cedat Neapolitano, sunt tamen quamvis pauci quibus ille Neapolitanum superet. quos iam colligam: V, 1, 36 *ire* G. *isse* N. — 2, 3 *ego et* G. *ego* N. — 2, 58 *meta* G. *creta* N. — 5, 20 *pererrat* G. *perure* N. — 7, 65 *sua maternis* G. *summa aeternis* N. — 8, 69 *prostratus* G. *protractus* N. — 8, 78 *sudet* G. *sidet* N.; ubi e G. *scriptura* Koehius in symb. ph. B. p. 328 haud improbabiliter enucleavit *nudet operta*. — 9, 21 *torret* G. *torquet* N. — 9, 22 *festa* G. *faeta* N.; ubi nescio an quod Keilius in observat. crit. in Propert. p. 18 invenit *tosta* recipiendum sit. — 9, 38 *recepta* G. *suscepta* N. quo aperte genuinum verbum explicatur. horum autem cum quaedam coniectura inventa esse possint, alia tamen eodem modo nata esse vix probabile est, cum coniciendi necessitas nulla adasset, velut V, 2, 3; 8, 69; 9, 21. Heimreichius tamen quamecumque aliam eamque meliorem quam N. *scripturam* exhibeat G., eam ex interpolatione hominis satis indocti profectam esse coniecit. at ille eum menda quae quivis possit corrigere intacta reliquerit, num tam diligens fuit, ut lectiones probabiliores vel compluribus codicibus comparatis elegerit vel ipse suo ingenio nisus procreaverit? neque vero ex alio atque N. archetypo ductum esse G. demonstrari potest, quia innumeris corruptelis cum N. ei convenit. sed quoniam G. saeculo quinto decimo exaratus ex archetypo

\*) Cfr. Brambachius de sermonis Latini orthographia pp. 301 sqq.

\*\*) Cfr. Brambachius l. l. pp. 200 sqq.

\*\*\*) Cfr. Brambachius l. l. pp. 224 sq., 229 sqq.

†) Similiter V, 9, 3 quod verum est *ad eductos* primum in *ad eductos* ut fieri solet in hac praepositione corruptum, mox in N. *et adictos*, in G. *et adductos* factum est transposita quae offendebat particula *et*.

quem cum N. communem habet ipso descriptus non est, possint interpolationes quibus maculatus est profectae esse a correctore quodam versato illo in libro aliquo qui inter archetypum et ipsum G. interpositus sit. quae tamen coniectura refellitur minutis eis corruptelis quae nunc G. et N. communes sunt; illas enim cum corrector iste doctior in exemplari unde descriptus est G. sine dubio et ipsas sustulisset, nunc in solo N., non in G. inveniremus. quae cum ita sint, restat ut et G. et N. utrumque ex eodem archetypo coque variis coniecturis interpolationibus interpretamentis obsito interpositis aliis libris ducum dicamus, sed ita ut is librarius cuius opus repetivit G. pluribus locis quam alter quem secutus est N. coniecturas et interpolationes receperit. et hinc quidem bene explicatur quod Heimreichius quaest. Propert. p. 4 ad III, 26, 19 in G. eadem manu adscriptum refert *alii: ponto*, quodque in N. G. V, 5 ante v. 55 propter Coam vestem repetiti sunt ex I, 2 vv. 1, 2. quos iure eiecerunt. nam si lena irrigua erat Properium, ut Jacobo Hertzbergioque videtur, potius velut III, 16 vv. 15 sqq. quibus revera amicae pecunia versus dat poeta, laudabat quam hos qui luxuriam notant mulierum. itaque Groningani posthabenda est auctoritas Neapolitano neque tamen prorsus abicienda.

Iam vero ex archetypo tam corrupto omnia corruptiarum genera quibus soleant obnoxii esse codices in nostros quoque ut consentaneum est propagata esse paucis exemplis illustrabo. — age vero, primum singulas voces depravatas emendemus. quarum cum variae eveniant rationes, una est qua similes litterae bis exarandae semel tantum depictae sunt. ita exstant in N. G. V, 1, 33 haec URBEVIO-LAE pro his URBEBOVILLAE, tum in N. V, 3, 1 hoc HARETHUSA pro his HAEC ARETHUSA. similiterque V, 1, 19 cum pro eis quae summo iure reposuit Lachmannus ANNUAATACCENSO haec scripta essent ANNUA ACCENSO, postea ut versus staret interpolata est *que* particula. haec autem exempla secutus succurrerim V, 2, 39: ubi quae codices exhibent *pastorem ad baculum possum curare* satis explicari vix

possunt. immerito enim Antonio Volso olim dicere visus est Vertumnus se Pana factum oves pastoresque tueri posse, quia de dis vv. 31 — 34 locutus iam ad homines rediit. neque tamen id neglexit ille quod *curare aliquem* aliud non est quam *tueri defendere administrare*; cfr. Liv. III, 2 fin.; XXXVI, 18 init; Cic. orat. III, 61; Horat. epist. I, 4, 15; Tacit. ann. IV, 36. atque quoniam hic est constans huius locutionis usus, eorum opinio spernenda est qui nostri versus integritatem demonstrare conantur his exemplis *censorem implere principem praestare consulem agere ducem exhibere* (cfr. Hertzbergius ad h. v.). quibus allatis Vertumnum pronuntiasse contendunt se pastorem agere posse. atqui haec notio dictionis *curare aliquem* altera, de qua modo locuti sumus, tanto est inusitatior, ut eius ne alterum quidem exemplum afferre possint: qua re Propertius si tamen hanc ei subesse voluisset, summae certe obscuritatis periculum subiisset. itaque cum conjectura loco medela afferenda sit, tamen quod Broukhusius scribendum esse coniecit *pastorem possum curvare* omissio *me* pronomine in aliam prorsus partem atque ipse voluit accipietur. neque a Propertio profectum esse potest quod Ayrmannus *pastor me ad baculum possum curvare* aut Heinsius *pastori ad baculum possum certare* legendum proposuerunt. uterque enim synaloepham minus elegantem admittit. Ayrmannus praeterea non animadvertit pastorem non ad baculum se curvare, sed baculo inniti; cfr. Ovid. ex Ponto I, 8, 52; trist. IV, 1, 11. neque Lachmaunus significantissimum ut ita dicam baeuli apud pastores usum animo informavit reponendo *pastor ego et baculum possum rurale-ferre*. ceteras autem conjecturas praetermitto, quia minus etiam vel sermonis consuetudini vel loci sententiae satisfaciunt. at profecto imitari se posse pastorem Vertumnus simpliciter professus est: quod et cetera huius narrationis exempla probant et ei senserunt interpres qui hanc curandi verbo notionem perperam attribuerunt. hanc autem sententiam recuperamus pro his POS-SUM CURARE scribendo haec POSSUM SIMULARE. ita enim simulandi verbo utuntur Propert. V, 11, 39; Horat. epist.

I, 19, 13; II 1, 240; art. poet. 20; Ovid. fast. IV, 517; Verg. Aen. VI, 591; Martial. II, 35, 1. ceterum ad locutionem *pastorem ad baculum* cfr. Propert. III, 17, 5.

Alias autem corruptelas codices traxerunt e vocabulis transpositis; nam transpositioni interdum, ut versus refingetur, futilis coniecturae additae sunt. cuius rei haec habemus exempla. primum V, 1, 101 N. G. tradiderunt *Junonis facite votum impetrabile*; deinde V, 7, 5 G. verba sic transiecit *cum mihi ab exequiis somnus penderet amoris*; tum V, 1, 117 G. transpositione facta corruptam scripturam *oliade victor* versui accommodavit; denique V, 7, 85 N. verbis corruptis et transpositis *tiburna iacet hac aurea* apposuit etiam in initio *set*; G. autem hanc transpositionem admisit *Tyburtina iacet hac aurea*. hac autem observatiōne ductus Heimreichius quaest. Propert. pp. 54 sq. V, 7, 64, ubi codices exhibent *pectora nota*, sic restituit *narrant historiae nota pericula suae*. iam simili medicina, si quid video, curare possumus V, 7, 57. quo loco cum codices tradant

*una Clytemnestrae stuprum vehit; altera Cressae  
portat mentitae lignea monstra bovis:*

tres mortuorum sedes distinguuntur (cfr. v. 59), quanquam ipse poeta duas tantum, proborum et improborum, significavit v. 55. hanc autem ut abstergerent maeulam, eum pro *altera* voce Lvineius *unaque* Puccius *atraque* Lachmannus *ac rate* Jacobus vel *arteque* vel *ausaque* scribi iuberent, omnes, ut de sententia quam efficiunt taceamus, immerito vocabulum mutarunt cui sequens vox *altera* v. 59 aperte respondet. veram viam inventit Hertzbergius scribendo *unda Clytemnestrae stuprum vehit altera, Cressae* —. quem secutus est Hauptius, nisi quod is etiam *Cressam mentitam* scripsit. sed asyndeton quod admisit Hertzbergius ferri omnino nequit neque exemplis defenditur quae ipse collegit I. p. 125. ergo praesertim eum etiam Hauptii coniectura addenda sit, ne obscura fiat oratio, ego quidem dubito num locum ille persanaverit. atqui cur stuprum potius Clytemnestrae notavit poeta, quam caedem mariti ab ipsa perpetratam? quid? quod magis id miramur, quoniam vv.

63 sqq. cum Pasiphae Andromeda respondeat, tum Clytemnestrae manifesto opposita est Hypermestre, ipsa ob id in primis laudata, quod una sororum Lynceum maritum non interfecerat. itaque ut stuprum non Clytemnestrae, sed potius Pasiphaes cui magis id convenit a poeta memoretur, vocabula transposita leniter sic reformemus:

*unda Clytemnestram vehit altera stupraque Cressae  
portat mentitae lignea monstra bovis.*

atque positionis legem in stupri voce neglectam exemplis firmavit Lucianus Muellerus de re metr. p. 318. quae prae ceteris quidem in primo et paenultimo hexametri pede inveniuntur, sed tamen in aliis etiam apud Horat. serm. II, 2, 36:

— *proceros odisse lupos? quia scilicet illis —*

et Lucret. V, 47:

— *quidive superbia spurcitia ac petulantia? quantus. —*

E litteris autem transpositis corruptela orta esse videtur V, 4, 85. quo in versu quod fertur *omnia praebebant somnos* cum ita tantum interpretari possimus, ut totus festi apparatus ipsumque tempus somnum afferre Romanis dicatur, id etiam versibus qui proxime antecedunt dictum videmus; neque non sentimus potius unum Jovem vigilantem omnibus ceteris sonno sepultis oppositum fuisse poetam. qua de causa neque cum Marklando *omnia praebebat somnus* neque cum Lachmanno *omnia praebebant somni recipere licet*, praeferim cum hae emendationes obscurius dicendi genus prae se ferant quo pro securitate appellantur *omnia*. veram viam ingressus est Kochius in symb. ph. B. p. 328 proposita hac coniectura *omnia torpebant somno*. sed a tradita scriptura nescio an proprius etiam absit hoc *omnia carpebant somnos*. ceterum de hac locutione efr. Verg. Georg. III, 435 et al. l.

Veniamus nunc ad eos locos qui omissa lineola qua M littera indicatur depravati sunt. qua corruptela sublata sanaverunt V, 10, 36 pro eo quod libri tradunt *gradu* scribentes *gradum*. eandemque medicinam adhibendam esse censeo V, 4, 72 cuius traditam scripturam *absciso fertur aperta sinu a puro sermone abhorrere* Lachmannus admonuit. sed corrupti hunc

versum Heimreichius in symb. ph. B. p. 679 codicum memoria  
rit ita mutando *absciso pectus aperta sinu*; quanquam Hauptio  
probavit hanc emendationem. nimirum, ut exemplis appositis  
ostendit, vestis sinum abscissum arbitratus non animadvertisit  
Strymonida non Maenadum sed Amazonum turbae inter-  
ponendam esse propter Thermodontis mentionem. quod  
flumen constanti usu poetae veteres Amazonibus attribuunt,  
velut Propert. IV, 14, 13 sq.; Verg. Aen. XI, 659; Sil. Ital.  
II, 73 sqq.; VIII, 433; Stat. silv. I, 6, 56; Valer. Flaecc. IV, 601  
sqq.; V, 121 sqq.; Seneca Med. 215; Hereul. fur. 250; Hercul.  
Oet. 21; Oedip. 490; Apollon. Rhod. B, 370 sqq.; 970 sqq. ab-  
scissum igitur sinum dictum esse appareat de mammis exsectis,  
quibus nudatis (cfr. Propert. IV, 14, 13 sq.) pugnam Amazones  
ingrediuntur. ergo legendum esse puto *abscissum fertur aperta  
sinum*: qua emendatione *aperta* verbum invenit quo referretur.  
nam quod Broukhusius scribi iussit *abscisos sinus* plurali nu-  
mero, vereor ut latine dici possit de pectore in primisque de  
Amazonum mamma extirpata. at, inquis, num tu puellam  
amantem cum Amazonibus currentibus conferri opinaris?  
audio, sed de hac re postea locuturus sum.

His quae modo tractavimus similia menda eveniunt aut  
omisso aut addito compendio quo N. littera signatur; cfr.  
Ribbeckii proll. Verg. pp. 259 sq. qua ratione factum est, ut le-  
gamus V, 4, 15 pro *hic* in G. *hic*; 6, 60 pro *en* in N. *est* i. e.  
*ē*; 7, 2 pro *evictos* in N. *eiunctos*; 9, 65 pro *hic* in G. m. pr. *hinc*.  
atque his animadversionibus usus succurrat V, 1 v. 139,  
quem codices me iudice madosum sic exhibent:

*nam tibi victrices, quascunque labore parasti,  
eludet palmas una puella tuas.*

neque enim laborem opus epicum, quod condi coeptum hoe  
carmine reprobasse Propertium interpretes statuunt, appellari  
et sententia ipsa quae sic evadit inepta arguit et postea  
clarior etiam aliis argumentis apparebit. tamen ita hunc  
locum intellexisse videtur Eschenburgius in lib. miscell. p. 99.  
immo de aerumnis quibus pressus est Propertius de palmis  
illis certamen ingressus, hic non potest non intellegi laboris

vocabulum. neque vero palmas magnis laboribus vix reportatas totius sententiae indoles et natura fert. quid enim? quicunque hic loquitur, sive Apollo sive horoscopus, unam certam puellam pro omnibus quas iam devicerit Propertius poenas sumpturam esse sua erga amicum superbia et crudelitate pronuntiat. quae frequens est poetarum elegiacorum sententia; cfr. Propert. I, 13, 5 sqq. atqui quid est istud? nova amica eas puellas ulciscitur sua superbia, quarum ipsarum fastus vix superavit poeta? facilem eum de illis victoriam reportasse nonne potius dicendum erat? ergo cum totam sententiam simplici *labore* voce inverti sensisset, Heinsius ut eius modi quem significavimus enuntiatum eliceret, proposuit *victrici labore*. tamen viro eximio non assentior, quia et *victrices palmas* expulit quas bene sese habere ostendit Horat. epist. I, 3, 25 et Seneca Agam. 994 sq., neque sententiam satis perspicuam effecit. quam assequimur, si palmas victrices, quas nova amica ei eruptura est, poeta per amorem ab aliis puellis sibi parasse dicitur. ergo haec LABORE mutabimus ita IAMORE. nam quas *in amore* palmas rettulit, eas eludere novae amicae superbia recte dicitur. ceterum I. visa L. ut V, 2, 35 *eius N. etus*; 4, 1 *Tarpeiae N. Tarpelae*; 5, 36 *maiis N. G. malis*; cfr. Ribbeckii proll. Verg. p. 246; tum M. visa B. ut V, 8, 15 *Cynthia mannis N. G. Cynthia ab annis*; cfr. Ribbeckii proll. Verg. p. 238. — simili ni fallor corruptela laborat V, 10, 42 *nobilis erectis fundere gaesa rotis*, cum *erectae* quae sint rotae explicari omnino non possit. Hertzbergius scripsit *e rectis*; at magnopere hoc languere, nisi addatur vocabulum quo reectoris ars laudetur, ipse Caesaris locus de b. G. IV, 33 docet. sed iure idem Lipsium *e tectis* scribentem sequi noluit, quoniam illud neque ullo testimonio nititur et tales currus describit unde gaesa fundi non possint. Heinsius vero repnendo *aeratos* non falcigeros ut voluit, sed aere munitos effecit currus; at hi propter ipsorum pondus minus accommodati erant ad eam pugnandi rationem, in qua curribus Gallos usos esse Caesar testatur. ad hanc autem si respicimus, nonne cum aliqua probabilitate scribere licet *invectis*? Caesar enim

de b. G. IV, 33 *primo inquit per omnes partes perequitant et tela coniciunt atque ipso terrore equorum et strepitu rotarum ordines plerumque turbant et cum se inter equitum turmas insinuaverunt, ex essedis desiliunt et pedibus proeliantur.* itaque cum IUECTIS scriptum esset, U visa est R.: de qua re cfr. Ribbeckii proll. Verg. p. 254.

His adiungam eos locos, in quibus pro M. littera exaraverunt librarii U.; cfr. Ribbeckii proll. Verg. pp. 249 sq. quo in genere primum V, 1 v. 71 e codicum scriptura hac *quo ruis inprudens vase dicere fata Properti* restituit Heimreichius in symb. ph. B. p. 647 sq. scribendo *mage*. alter est versus V, 5, 29; ubi quod libris traditum accepimus *et simulare virum pretium facit apto sensu caret*. nam ut viri adventum simulet, a lena admoneri puellam iure negavit Lachmannus exposita sermonis in simulandi verbo consuetudine. neque Hertzbergius ita hunc locum interpretatus quasi adhortetur mulier puellam, ut simulatione ex adulescente lucrum faciat, quidquam profecit, quoniam *pretium facere* non idem valet quod *quaestum facere*, sed aut venditoris aut emptoris est pretium alicui rei constituentis; cfr. Plaut. Pers. IV, 4, 37; Martial. I, 85, 7; Liv. XXIV, 15; XXVII, 17 fin.; Cie. pro Quinet. 15, 20. abest prope ab Hertzbergii sententia quod dicunt *operae pretium facere*, sed id tamen eodem modo explicandum. quid? quod id ipsum evincit accusativum velut *virum* cum illa locutione coniungi non posse. itaque etiam V, 1, 81 *nunc pretium fecere deos*, quem locum contulit ille, corruptus est scribendumque *nunc pretium fecere deis* i. e. singulis deis astrologi suum constituerunt pretium, quo soluto deum certum quendam apparere sciscitantibus mentiuntur. quod cum ita sit, ne nostro quidem loco *virum* nomen sanum est. sed suasit sine dubio virginis Acanthis, ut cunetando Veneri maius pretium constitueret, lucrum augeret. quae sententia requiritur non solum v. 30 *maior dilata nocte recurret amor*, verum etiam verbis *utere causis*, adhortantibus illis quidem puellam, ut nescio quae impedimenta excusat. haec enim notio ut in causandi verbo inest, ita etiam in causae nomine apud Verg. Aen. IV, 51; Tibull.

I, 6, 26; Terent. Eun. 138. itaque cum singulis distichis singulas semper sententias incluserit lena, hic quoque eam quam modo circumscripti per totum distichon persecuta esse existimanda est. qua de causa probari nequit quod Heinsius proposuit vel *exstimulare virum* vel *simulare iram* vel *simulare metum*. quarum emendationum prima repetit etiam praeceptum vv. 31 sq. datum, secunda tertiaque unam tantum eamque tam singularem cunctandi causam affert, ut vix conveniat cum illo *utere causis* prorsus in universum dicto. sed eadem de causa qua illud *exstimulare virum* displicet etiam quod Hauptius seripsit *stimulare iram*. ipse eam sententiam, quam huic loco unice aptam esse supra contendi, recuperare conatus sum scribendo et *simulare moram pretium facit*. de A. visa U. cfr. Ribbeckii proll. Verg. p. 236. neque vero hoc praeceptum iterum datur vv. 33 sq.; quibus cum de Venere iam promissa, sed postea dilata mentio fiat, hic puellam callida Acanthis monet, ut antequam sui copiam se facturam esse promittat, amatorem fictis moris magis etiam exstimpluet.

Hac re exposita nunc placet proferre exemplum litterae H. in N. corruptae: id quod usu venire firmat G. V, 2, 5 pro *haec exhibens nec*; cfr. Ribbeckii proll. Verg. p. 246. atque V, 2, 19 *Vertumnus his verbis*:

*mendax fama, noces: alius mihi nominis index,*  
cum ipse sit alius ille nominis sui interpres, mirum in modum sequentibus his:

*de se narranti tu modo crede deo*  
praefari olim vere iudicavit Lachmannus. neque quidquam iocosi in iejuna ista enuntiatione inesse ceteris editoribus concesserim: cfr. Jacobus Hertzbergiusque ad h. v. sed quod proposuit vir egregius *falsa es mihi nominis index* non sine iusta causa displicuit Hertzbergio propter eius quae proxime antecedit sententiae *mendax fama, noces molestam repetitionem*. at haec ipsa num vitio caret? cui enim nocet quod fama falsam Vertumni nominis originem ementitur? profecto neque ipsi Vertumno neque auditori. quodsi tam vanum est illud nocendi verbum, cur famam mentitam esse

simpliciter dicere noluit auctor? quo facto sententiam totius loci stare apparet e v. 20. is autem ipse requirit, ut adloquatur deus auditorem, propter *tu* pronomen. quare huius loci sententiam certe restituisse videmur hac facta emendatione:  
*mendax fama, hospes, male fit mihi nominis index.*

qua mutatione, cum cetera verba incertiora esse confitear, tamen hospitis nomen vere inventum esse putaverim. nam coram hospite verba facere Vertumnus infra demonstrabo.

Age iam litterae L. visae R. exempla quaedam colligamus; efr. Ribbeckii proll. Verg. p. 247. hanc enim permutationem, cum usu veniat V, 3, 34 *in radios*: N. G. *in gladios*, itemque V, 3, 55 *Glaucidos*: N. G. *Graucidos*, inveniri mihi persuasum est etiam V, 7, 69. quem versum libri fere sic produnt:

*sic mortis lacrimis vitae sanamus amores.*

ac primum quidem *lacrimae mortis* quae sint nemo excogitabit. nam si Hertzbergius recte lacrimas apud inferos fusas intellectisset, addito *mortis* nomine carere possemus, quoniam Cynthiam cum ceteris mulieribus illis apud inferos versari scimus. quid? quod per sermonis leges ne licet quidem, si quid video, ita explicare genetivum *mortis*. atqui de lacrimis propter mortem mulierum fusis vel ea de causa nemo cogitabit, quod eis amores non sanantur. ergo verum vocabulum corruptum est quae sita *vitae nominis* oppositione. praeterea autem sanandi verbum ferri nequit. nam ut omittam e poetarum elegiacorum opinione ne morte quidem ipsa amores sanari, non poterat haec dicere Cynthia Propertio. quid enim? si sanasse se amores suos nuntiat, profecto ipsi amatori, cuius perfidiam increpat vv. 13 sqq., se ipsam veteris amici memoria non iam teneri profitetur. eandem autem fere sententiam cum procreent quae propositae sunt emendationes *solamur* et *satiamus*, ne eae quidem admittendae sunt. sed quod Marklandus invenit *vitae sanamus amara* non plane displicet Hertzbergio; neque tamen mihi videtur ferri posse: vitae amara non lacrimis sanantur, sed ipsa morte quae omnia finit; accedit autem quod v. 70. *amores* vocabulum tuetur. hoc enim Cynthia cum multa se celasse dicatermina perfidia

a Propertio commissa, significat profecto se Andromedae Hypermestraeque de amore suo locutam esse. atque similia etiam ab illis narrata esse docent vv. 63 sqq. hanc autem expositionem sententia generali claudit v. 69: nam huic rei inservit *sic* particula. quae si vere statuuntur, *amores* nomen sanum, sed scribendum est *vitae narramus amores*. similem protulit sententiam de mulieribus apud inferos congregatis Propertius III, 28, 27. ceterum de N. visa S. et de R. visa N. efr. Ribbeckii proll. Verg. p. 250. hinc autem de *mortis lacrimis* quid iudicandum sit, facilius perspiciemus. probabilis enim et adeo expressa e mulierum natura sententia evadit, si misere lacrimantes suos inter se amores narrasse dieuntur probae uxores. apparet igitur in genetivo illo latere adiectivum quod de lacrimis dici possit. quod tamen non repperit Heinsius scribendo *ortis*; nam hoc recte dicitur de eis qui subito obortis lacrimis locuntur, neque vero de mulieribus quae longas lamentationes effundere solent. itemque displicet *maestis* quod Burmannus scribi iussit, quia sententiae novi nihil addit. ego totum versum sic reformaverim:

*sic multis lacrimis vitae narramus amores.* —

eiudem generis addam alium locum V, 2, 42. ubi quod codices exhibent:

*hortorum in manibus dona probata meis*

ad hortos Vertumni manu sive artificio et cultu bene curatos et laetos fructus ferentes cum Jacobo referre non licet. neque enim aut probandi verbo haec notio est aut *in praepositio addi* poterat. accedit quod versus sequentes Vertumnnum potius loqui ostendunt de fructibus qui ipsi dono dentur; efr. *prae ceteris* vv. 45 sq.:

*nec flos ulhus hiat pratis, quin ille decenter*

*inpositus fronti langueat ante meae.*

qua de causa cum probandi verbum sensu careat, scriptum olim fuisse suspicor *locata*. quo verbo in simili re usus est Catullus 65, 21 sq.:

*mahum,*

*quod miserae oblita molli sub veste locatum,*

*dum adventu matris prosilit, excutitur.*

ceterum ubi *rocata* scriptum est, mox littera P. addita est, ut V, 3, 34 pro *radios* voce positum est *gladios* etiam adiecta una littera.

Deinde versuum initia facillime corruptelis affici observamus. cuius rei habes exempla in his versibus: V, 1, 6 *quod N. quo G. qua* Heinsius. — 1, 43 *tum G. cum N.* — 1, 59 *si G. sed N.* — 1, 146 *hamina N. timina G.* — 2, 5 *nec G. haec N.* — 2, 9 *at pr. m. om. G.* — 2, 42 *tortorum G. hortorum N.* — 2, 49 *at G. et N.* — 3, 1 *Harethusa N. Haec Arethusa G.* — 4, 15 *hic G. hinc N.* — 5, 56 *ipsius N. istius G.* — 6, 3 *cera N. G. ara* Hauptius. — 6, 74 *perque N. terque G.* — 7, 7 *hosdem N. G. eosdem edit.* — 7, 30 *husisses G. iussisses N.* — 8, 39 *nile tuus N. G. Nilotes* Scaliger. — 8, 41 *magnus N. G. nanus* Beroaldus. — 9, 9 *insula N. G. incola edit.* — 9, 57 *magnam N. G. magno* Lipsius. — 11, 14 *et N. en G.* — 11, 30 *aera G. Afra* Scaliger. — similiter autem V, 1, 40 ubi sine iusto sensu codices tradunt *heu* in hac sententia:

*heu quali vecta est Dardana puppis ave  
non o quod ferunt editiones reponendum est, sed en: quo in  
interrogationibus idque mirabundus sicut hic Propertius etiam  
Verg. Aen. IV, 534 et Cie. pro Sestio 27, 59 usus est. — neque  
verum est quod V, 4, 63*

*et iam quarta canit venturām bucina lucem  
propagarunt N. G. et. qua particula conectuntur semper  
orationis membra: at hic Tarpeia longam suam orationem  
ipsa abrumpit. ergo scribendum est set. — præterea V, 7, 37:*

*at Nomus arcanas tollat versuta salivas  
N. exhibet aut quod certo falsum est: neque at particulae quae  
fertur in G. locus hic est, quia hoc distichon priori nullo modo  
oppositum est. repone igitur et; pro quo etiam V, 2, 49 in  
G. legitur at. — atque eodem modo videtur depravatus esse  
locus qui V, 9, 73 sq. sic legitur:*

*hunc, quoniam manibus purgatum sanxerat orbem,  
sic Sanctum Tatiae composuere Cures.  
Hertzbergius enim modo Herculem modo eius aedes prono-  
mine *hunc* significari exemplis minime aptis demonstrare*

eonatur. quidni enim ab Ovidio fast. VI, 91 sq.:

*venit Apollinea longas Concordia lauro  
nexa comas, placidi numen opusque ducis*

deam ipsam, cuius cultum restituerit Tiberius, eius opus poetica libertate vocari censemus? namque deae templum ad se venisse loquendi causa (cfr. vv. 13 sqq.; 93 sq.) inepte diceret poeta; atqui in hoc periculum vocatur ille Hertzbergii interpretatione. altero autem loco fast. I, 639 sq.

*nunc bene prospicies Latiam, Concordia, turbam:  
nunc te sacrae restituere manus*

intellegere videtur Ovidius utroque versu deae statuam edito loco, unde hominum turbam prospicere poterat, fortasse ante templum ipsum collocatam. quid? quod etiamsi ipsam deam significasset, tamen haec quoque in integrum restituta recte diceretur, quia eius aedes renovatae erant. neque vero componendi verbum simplicem aedificandi notionem habere probavit idem interpres. nam Ovidius fast. I, 708:

*fratribus illa deis fratres de gente deorum  
circa Iuturnae composuere lacus*

de templis loquitur quae Ledaeis deis una dicata sunt; similiterque usus est hoc verbo Propertius II, 6, 5. verum a tali explicatione qualem ille protulit abhorret etiam huius loci sententia, quippe quae id tantum aperte desideret, ut Hercules propter orbem purgatum Sancti, dei Sabini quem et ipsum inde nominatum dicunt, quod sanciat, nomen vel cultum accepisse dicatur. Sanctus autem sive Sancum appellare malis, etiam Dius Fidiüs, quem alii Herculem vocabant, esse putabatur; cfr. Merkelius ad Ovid. fast. p. CCIX. sq. atqui simili modo cum Hercule Sanctum a Sabinis coniunctum et confusum esse manifesto indicat Propertius. cfr. Festus p. 229 M.: *propter viam fit sacrificium, quod est proficisciendi gratia, Herculi aut Sanco qui scilicet idem est deus.* ergo age scribamus nostrum distichon una litterula mutata sic:

*huic, quoniam manibus purgatum sanxerat orbem,  
sic Sanctum Tatiae composuere Cures.*

quo facto Sanctus Herculi comparatus esse fertur ex usita-

tissima componendi verbi notione. ceterum de monosyllabo  
*huic* cfr. Propert. V, 1, 54 et Lucianus Muellerus de re metr.  
 p. 269. — denique ex eodem versuum genere tractabimus V,  
 4, 93 sq. qui in libris sic fere leguntur:

*a duce Tarpeio mons est cognomen adeptus:  
 o vigil, iniuste praemia sortis habes.*

atqui versus posterior sana sententia prorsus caret. quid enim sibi vult illud *sortis*? eredunt quidem poetam indigne ferre quod Tarpeia suo nomine monti indito praemium habeat pro mala sua sorte. nam *sors*, quoniam vox est media, per se quidem in malam partem trahi potest. at Propertius qui Tarpeiam merito imperfectam dicit vv. 17 sq. et v. 92, num mortem eius malam sortem et infortunium iniquum esse concedet? ergo potius, vitato vocabulo quo tale misericordiae signum contineatur, miratus, quod a proditrice puella mons Tarpeius nomen acceperit, scripsisse putandus est hoc:

*o vigil, iniuste praemia mortis habes.*

ita enim „cum mors“ inquit „prodictionis tuae vel parum gravis poena sit (cfr. vv. 17 sq.), tu pro morte etiam praemium habes, quasi de patria morte tua bene merita sis“. hinc iam de versu praecedente melius iudicari licet. in quo omnes fere critici qui sano iudicio utuntur, cum de Tarpeio patre post narrationem quae antecedat dici non posse consentiant, legunt una littera mutata *a duce Tarpeia*. sed si v. 94 necessaria ut speramus emendatione proposuerimus *mortis*, hie ipsa sententiae vi cogente recipiendum erit quod Bassanus invenit *a nece Tarpeiae*. cfr. Lachmannus ad h. v. et haec emendatio non solum constanti fabulae memoria qua mons Tarpeius non a duce Tarpeia, sed ab *interfecta* revera nomen traxisse traditur, verum etiam vv. 1 sq. commendatur quibus montis nomen ortum esse indicat auctor a morte virginis: cfr. v. 1. *Tarpeiae turpe sepulcrum* quod testimonium plus etiam ponderis assequitur totius carminis compositione qua vv. 1 sq. et vv. 93 sq. sibi respondere videbimus.

Versibus in initio corruptis contrarii sunt qui in exitu vocabula depravata ostendunt. sunt autem sic affecti hi ver-

sus: V, 5, 19 *perure* N. *perurat* G. *pererrat* Wakkerus. — 6, 25 *nervis* N. *in arcus* G. — 8, 39 *Phyllis* G. *Phillis* N. *Phidis* Burmannus. — 9, 34 *vīs* N. *viris* G. — 9, 60 *fuit* N. G. *fuit* Fruterius. — 11, 70 *malis* G. *meis* Lachmannus. — 11, 77 *mater* N. *matris* G. — hinc profecti non dubitabimus V, 8, 58:

*territa vicinas Teiu clamat aquas*

pro eo quod codices propagant *aquas* Puccii ut videtur emendationem *anus* recipere; cfr. Jacobus ad h. l. unusquisque enim, si incendium fit, non *vicinas aquas*, sed *aquas* clamat. neque vero, ut Hertzbergio visum est, captae urbis spectaculum (cfr. v. 56) perit admissa hac lectione. nam expugnata urbe hoc quoque evenit, ut homines auxilium cum clamore expetant a vicinis. denique meretrices mulierum sordidarum familiaritate et praesidio frui solent. — his adiungemus eiusdem corruptelae exemplum V, 4 vv. 59 sq.:

*commissas acies ego possum solvere: nuptae,*

*vos medium palla foedus inite mea.*

quibus versibus nuptae mulieres, ut foedus ineant cum Tatio, temere monentur a Tarpeia. neque enim illae inire, sed componere tantum foedus inter Romanos et Sabinos possunt. deinde post illud *nuptae* nonne v. 62:

*credite, vestra meus molliet arma torus*

mulieres circumscribi putabimus pronomine *vestra?* quanquam hoc enuntiatum dici non posse nisi de viris pugnantibus in promptu est. postremo Tarpeia, cum vel v. 62 adseveret se Tatio in iustum matrimonium datam propinquos a pugna retinere posse, tamen v. 59 quo eandem rem haud dubie repetivit commissas acies se solutaram esse pollicita id, in quo sententiae pondus est, conubii nomen omittit. quas difficultates ut effugiamus, una littera deleta totum distichon ita scribamus:

*commissas acies ego possum solvere nupta:*

*vos medium palla foedus inite mea.*

qua emendatione facta v. 60 et v. 62 viros pugnantes adloquitur virgo. eeterum v. 59 corruptit fortasse librarius hic iusto doctior qui intercedentibus mulieribus infestas Roma-

norum Sabinorumque acies dirempta esse post Capitolium captum memoria tenuit.

Denique his addamus corruptelas ortas e scriptura continua perperam distineta; cuius luculentissimum ostendit exemplum V, 7, 61 ubi N. G. pro veris *quaque aera rotunda* tradunt *quaque quaerar ut unda*. et similiter videntur depravati esse V, 8 vv. 87 sq. ubi in eo quod codices exhibent:

*atque ita mutato per singula pallia lecto*

*respondi et toto solvimus arma toro*

duplex corruptela notatur. primum enim *toto toro* vocabula sanam sententiam vix habere vere monet Jacobus. neque tamen idem Puccii coniecturam *toto toro* iure suo commendat, quoniam infestus fuisse Propertio propter meretrices torus nusquam dicitur; languet igitur illud *toto toro*. atque eadem de causa displicet post v. 85 quod Dousa pater scribi voluit *toto toro*. sed, ut aliorum coniecturas praetermittamus, verum invenit olim Heinsius scribendo *noto toro*. nam cum v. 28:

*mutato rohi castra movere toro*

et v. 34 :

*et Venere ignota furtu novare mea*

novam amicam se quaevisisse Propertius dixerit, iam tamen cum veteri *noto toro* pacem se fecisse lepidissime nec sine sua ipsius quadam irrisione confitetur. ergo horum versuum responsione haud dubie Heinsii emendatio stabilitur. verum etiam *respondi* verbum tolerari non posse omnes concedunt. nam de stipulationibus per sponsonem acceptis, de quibus usurpari solet hoc verbum, iam v. 81 dixit poeta. substitui autem posse cum Puccio *despondi* firmis argumentis negavit Hertzbergius. idemque quod Heinsius *et sponda* et quod Marklandus *et spondis* scribendum proposuit iure respuit, quoniam sententiae non satisfaciunt. neque tamen ipse feliciores coniecturas protulit hasce: *et spondeae inecto solvimus arma toro* vel *spondeae iterum inecto solvimus arma toro*; quae antecedentis versus sententiam languide vel repetunt vel explicant. minus etiam probari potest quod Kindscherus in Mus. rhen. vol. 17. p. 229, respiciens ille quidem ad vv. 27 sq., scribi iussit *sos-*

*pite sic voto solvimus arma toro.* neque enim, qui votum quo potitus nondum sit sospes appellaverit, ullum ego invenio scriptorem. denique nuper Kochius in symb. ph. B. p. 328 locum scribendo *ascendi* reformasse sibi visus est. atqui cum Cynthia quoque ascenderit in cubile, singulari numero vel iuxta pluralem *solvimus* uti nequit Propertius. nam prorsus supervacaneum esse, quoniam sponte intellegatur, quod inferat vir doctus praetermitto. itaque ipsi periculum faciemus huius versus emendandi observata totius loci indole. qua resi non quod necessarium, at certe quod probabile sit spero nos inventuros esse. atqui postquam inde a v. 55 belli spectaculum depictum sit (cfr. v. 56, 61, 63, 70), nemo non sentit inde a v. 71 foederis icti vel pacis factae imaginem proponi translati ex harum rerum arte vocabulis. itaque eius generis verbo utitur Cynthia v. 74 *formulam legis* nuncupans: cfr. Liv. XXVI, 24; XXXII, 33; Cie. de leg. I, 4; pro Roseio com. 4. eundemque colorem servant v. 81 *leges indixit* verba, dicta illa quidem de sponsionis quas nos vocamus conditionibus; cfr. Verg. Aeu. XI, 322; Ovid. Heroid. XII, 39; Liv. XXXIII, 30; Verg. Aeu. XII, 315. similiter autem respondendi verbum v. 81 usurpatum esse iam monuimus: cfr. Plaut. Capt. IV, 2, 119. itaque in certas leges foedus per sponsionem cum Cynthia se iniisse Propertius narrat, ita tamen ut illius leges simpliciter acciperet (cfr. v. 81), illi suas imponere non auderet. iam vero v. 88 eodem pacis factae exemplo servato noto toro cum Cynthia *arma soluisse* se refert: cfr. de hac locutione Lachmannus ad h. v.; rata sponsione revera pax facta est. haec autem observatione dueti nonne cum aliqua probabilitate totum nostrum versum sic reformare possumus:

*de sponsis noto solvimus arma toro?*

assumpta igitur Heinsii emendatione pro his RESPONDITTOTO reponimus haec DESPONSISSNOTO. neque vero sine ioco quodam secundum sponsionis leges arma se posuisse dicit poeta.

Iam hinc ut ad graviora munda transeamus, exempla colligemus carminum perperam conglutinatorum.

quo in genere nuper Heimreichius in symb. ph. B. pp. 674 sq. inde a carm. V, 1 v. 71 novum incipere carmen demonstravit quo poeta non epiei carminis componendi consilium, ut arbitrabantur interpretes, abicit, sed horoscopus nescio quis triste prodigium vaticinatur Propertio. neque tamen omnia ille explanavit. initio enim carminis fatorum Propertii canendorum consilio capto, ut vera se posse vaticinari affirmet (cfr. vv. 75 — 80), vv. 89 sqq. expromit oracula antea ab ipso data quae vera fuerint. sed inter hos versus nunc leguntur vv. 81 — 88 non una difficultate impediti, sed etiam ab argumen-to, in quo explicando nunc versatur Horos, prorsus absoni- nam, ut singula primum videamus, ubi *nunc* inquit ille *pretium fecere deis*, opponit eorum qui suo tempore vivunt Chaldaeorum perfidiam et mendacia eorum qui antea fuerunt fidei. attamen de priorum veritate nulla omnino mentio facta est neque fieri potest ulla, quoniam id agit Horos, ut se suique temporis astrologos omnia vera solos vaticinari adseveret neque vero eos qui ante ipsum floruerint. hue accedit, quod illa *oblique signa iterata rotae*, quae manifesto non habent unde pendeant, utecumque explicari velis, vix ita interpretari poteris, ut non aut corrupta aut eis quae sequebantur omissis obscuriora esse concedas. unde vero pendent vv. 83 — 86? verbo *dicam* v. 87 si reguntur, quae editorum opinio esse videtur, ea quae secuntur *Troia cades et Troica Roma resurges* qua structura teneantur non liquet. quid? quod horoscopus non opus astronomicum conditus, sed Propertii fata editurus est. quorsum igitur illud: *felicesque Jovis stellas-dicam?* ergo etiam vv. 83 — 86 frustula esse concedes e suo sententiarum ordine exturbata, etiamsi, ut quidam voluerunt, reposueris pro *stellas accusativo nominativum stellae*. minus etiam Troiam captam et victorum errores Horos compositurus est. quid igitur hue pertinet v. 88:

*et maris et terrae longa sepulcra canam?*

at, inquit Jacobus, cum *dicam* et *canam* verba non futura, sed praesentis temporis coniunctivi sint, posse se illa, si res ferat, vaticinari horoscopus profitetur; cfr. Hertzbergius ad h. l.

scilicet ut fidem suam firmet, Graecorum sub Troiae moenibus et postea in mari pericula omniibus nota et decantata praedice se posse gloriatur. sed his omnibus fragmentis omissis vv. 89 sqq. optime secuntur v. 80: nam promissam fidem sic excipiunt ipsius rei testimonia, atque vv. 89 — 102 arctissime cohaerere cum vv. 79 sq. evincit v. 102:

*illa parit, libris est data palma meis,  
comparatus cum v. 80:*

*inque meis libris nil prius esse fide.*

nihil tamen lueramus vv. 87 sq. post V, 1, 70 vel vv. 83 — 86 post V, 1, 108 Scaligero auctore transpositis. sed vv. 81 — 86, quippe qui de astrologia sint, in eo quod v. 71 incipiat carmine locum suum, sed alium atque nunc teneant habuisse apparet: abhorrent autem ab eiusdem argumento vv. 87 sq. qui Troiae Romaeque et Graecorum victorum fata nescio quem cantaturum esse promittunt. — verum similis natura ut eorum, de quibus modo locuti sumus, est etiam vv. 103 — 118. primum quid tandem sit *hoc* v. 103 quod Jovis Libycei antrum non explicet e versibus antecedentibus nemo eliciet; sed expulsum esse hunc locum e suo sententiarum nexu manifestum est. porro cuiusnam rei exemplum Calchas dicitur v. 109? an hac ratione Horos demonstratus est hoc quod v. 103 tangat usitatis vulgaribusque oraculis pronuntiari non posse? at mirum profecto hoc erit testimonium a re prorsus dissimili petitum. neque enim Calehanta vaticinandi ignarum fuisse, sed oraculis suis quae bonum eventum sperare licenter in exitium Danaos vocasse auctor manifesto significat. atqui hoc ipsum vatis peccatum eur notat Horos qui suis oraculis fidem facere studet? ergo vv. 109 sqq. horoscopi fidem et auctoritatem non modo non confirmant, sed invertunt etiam. iam vero de vv. 113 sqq. consilio quid iudicabimus? horoscopus suae fidei documenta editurus quid Troiam captam consolatur, quid Aiacem libidine sua in perniciem ruentem deridet? at *historiae* (cfr. v. 119) eis narrantur ideoque loco moveri nequeunt. verum etiam vv. 89 — 102 *historiae* exponuntur eaque, sicut quae vv. 119 sqq. proferuntur, etiam ex oraculis ab horoscopo

datis haustae. qua de causa vv. 119 sqq. melius etiam v. 102 excipiunt, quam v. 118. attamen de *novis lacrimis* v. 120 poeta locutus videtur Lachmanno ad illud priseum Graecorum infortunium respiciens. quod si fecit, lacrimas pro adversa fortuna nuncupans locutione, ut mihi videtur, non solum plane inusitata, sed ea usus est quam nemo ad Graecorum perniciem facile referat. ergo cum verbis *nunc ad tua devehur astra* haud dubie Chaldaeus iam Propertio oraculum se editurum esse pronuntiet, ex huius sententiae indole pro LACRIS interim, dum melius quid inveniatur, repone SACRIS. quo vocabulo oraculum, quae eius est gravitas et ipsius vaniloquentia, appellare poterit Babylonius Horos Archytæ soboles. itaque ne haec quidem Lachmanni adnotatio impedit, quominus vv. 103—118 expellamus. eiectis autem his versibus bene procedit oratio a v. 102 ad v. 119. restat, ut illi quo pertineant quaeramus. atque vv. 103—108 huius carminis quod vatis nostri vaticinium contineat partem efficere iterum astrologiae mentio probat. nimirum *hoc* quod explicare Iuppiter Ammon nequit illud est quod Horos Propertio vaticinatus est. sed locus, quem sententia haec sine dubio mutilata ceteris deperditis in hoc carmine olim obtinuisse potest, unus tantum relinquitur. nam v. 80 et v. 89, tum v. 102 et v. 119 bene cohaerere vidi-  
mus, nisi ante v. 89 et post v. 102 alia exciderunt exempla fidei quam sibi vindicat Horos. neque inter vv. 71—80 aut vv. 89—102 aut vv. 121—150 alios versus interponere licet, praeterquam quod ne sententia quidem vv. 103 sqq. his locis accommodata est. quibus observationibus efficitur, ut uno tantum loco, inter v. 120 et v. 121, inseri posse putemus vv. 103—108. atque postquam vv. 119 sq. Propertio vaticinium promisit, statim eius gravitatem (cfr. v. 103) pro sua magniloquentia haud inepte efferet Horos laudata etiam astrologiae virtute vv. 103 sqq. cui consilio etiam vv. 81—86, de quibus supra disserimus, inservire videntur. ab hac autem artis suae laude recte transgreditur vates ad vv. 121 sqq. quibus ipsa hac arte poetæ patriam gentem vitam novisse se simulat (cfr. v. 122). ergo vv. 103—108 unaque vv. 81—86

suam sedem hie olim habuisse suspicor, sed singula vincula, quibus haec fragmenta inter se iugata erant, non iam contin-  
git ut eruamus. ceterum vv. 109—108, quos et ipsos loco  
movimus, ut vv. 57 sq. ad aliud de Troiae clade carmen per-  
tinere in promptu est. — atque eiusdem argumenti sunt etiam  
V, 1 vv. 39—54, et ipsi me iudice ab illo loco alieni. et  
primum quidem, quanquam Romam vel Latium significari  
apertum est, tamen *huc* v. 39 quo proprie referamus non habe-  
mus. namque Jacobus ad h. v., qui illud ad terram Romanam  
tam bello valentem spectare opinatur, et Krahnerus in Philo-  
logi vol. XXVII. p. 64, cui vel virtus Romana describi videtur,  
subaudiunt sententiam eius in versibus antecedentibus ne  
vestigium quidem deprehenditur: quae quidem interpretandi  
ratio diligent et probo poetarum lectore indigna est. minus  
vero cur *melius* Romam penates misisse Troia dicatur per-  
spicimus, quoniam quae comparetur urbs non patet. nam si  
cum toto orbe terrarum Romam conferri eredis, nonne *optime*  
potius exspectas? denique poeta id secutus, ut e parvulis  
initiis et moenia aedificiaque et sacra Romana magnifice-  
tissime aucta esse ostendat, quo tandem consilio dis secundis  
Troiam penates suos in Italiam transmisisse praedicat?  
namque Troiam potentiorum hostium praedam factam bene  
confugisse in terram tam bello valentem poeta pronuntiare  
sine iusta causa Jacobo visus est. quod si verum esset, non  
modo in proximis versibus bellicam Romanorum virtutem  
laudari deceret, sed etiam haec omnia a totius carminis con-  
silio vel propter eam ipsam sententiam diserepare censenda  
essent; neque enim quidquam ea ad id quod poetae proposi-  
tum est explicandum confert. maiorem autem probabilitatis  
speciem sibi vindicat Krahneri l. l. pp. 61 sqq. interpretatio.  
is magnitudinem potestatemque qua sua aetate Roma floreat a  
poeta deduci censem ex insita priscis Romanis morum simplici-  
tate ac virtute, at coniuncta illa cum propvio deorum Troianorum  
Iuliorumque numine. quanquam Propertius hoc quidem car-  
mine non illud sibi proposuit, ut quibus causis opes Ro-  
manae amplificate sint, sed ut esse eas revera vehementer

adauctas exponeret. hanc enim huius elegiae rationem esse pro certo eo comprobatur, quod templa institutaque parca quae antea erant et eadem magnificentissima quibus nunc Roma ornata est vv. 1 — 32 constanter inter se opponuntur. deinde etiamsi huius incrementi causas quoque tangere voluit, tamen hic illud totum ex ipsa gentis Romanae indole et natura una ortum esse dicit. cuius rei documentum sunt vv. 55 sq.:

*optima nutricum nostris lupa Martia rebus,  
qualia creverunt moenia lacte tuo.*

iam vero extrusis his, de quibus quaerimus, versibus quam bene convenientiam vv. 37 sq. et vv. 55 sq. nemo non sentit. — quae cum ita sint, carmen primum quod fertur tria continet carmina. primum vv. 1 — 38 et 55 — 70 perscriptum est. alterius habemus haec fragmina: vv. 39 — 54; 87, 88; 109 — 118: quorum quod fuerit argumentum postea diligentius indagabimus. tertium praeter omissa nonnulla comprehendit vv. 71 — 80; 89 — 102; 119, 120; 103 — 108; 81 — 86; 121 — 150. atque haec quidem ex ordine in posterum his notis signabimus: V, 1a; V, 1b; V, 1c. sed de his satis diximus.

Age vero similiter e carm. V, 6 eximendi sunt vv. 11 — 68, ut singulare de Apollinis Palatini templo efficiant carmen; at vv. 1 — 10 et vv. 69 — 86 poeta bellis celebratis iam ad laetiores res canendas sese animum applicaturum esse profitetur. sed quin carmina bellica quae omittere se scribit v. 69 scripta fuerint de bellis ab Augusto gestis, duabus de causis dubium esse vix potest. namque inter ea argumenta quae aliis poetis canenda cedit haec ipsa enumerat vv. 77 sqq.:

*ille paludosos memoret servire Sycambros,  
Cepheam hic Meroen fuscaque regna canat,  
hic referat sero confessum foedere Parthum.*

deinde *victor Apollo* v. 69 sq. haud dubie in memoriam victoriae Actiacae commemoratus est quam huius maxime dei auxilio paratam esse antiqui poetae saepe scribunt, velut Vergilius Aen. VIII, 704 sqq.:

*Actus haec cernens arcum intendebat Apollo  
desuper: omnis eo terrore Aegyptus et Indi,  
omnis Arabs, omnes vertebant terga Sabaei.*

hinc igitur discimus Propertium epicum de rebus a Caesare gestis opus incohasse, sed nondum absolutum abieciisse. nam si confecisset illud, aliis scriptoribus has res celebrandas se relinquere vix confessus esset vv. 77 sqq. neque incredibile est ante nostrum carmen (vv. 1—10 et 69 sqq.), quod post a. 738 (16.) finem perscriptum esse videbimus, huic operi eum operam dedisse, quoniam illud iam carm. III, 10 quod a. 732 (22.) confectum est Augusto promisit et a Cynthiae amore liber fortasse statim scribere coepit.\* sed, ut redeam unde digressus sum, vv. 11—68 a ceteris ut separem, his adducor causis. nam si omnes huius carminis versus esse tenemus, quod aliud eius argumentum esse potest, si quidem Apollinis Palatini iusto consilio mentionem factam esse volimus, atque quod Hertzbergius I. p. 28 et 228 proposuit, ludorum quinquennalium a. 738 (16.) in pugnae Actiacae honorem celebratorum praeparatio? namque ne post hos ludos habitos ad eos laudandos hoc carmen compositum ducas, vetant verborum coniunctivi in vv. 71 sqq. in primisque futurum tempus in vv. 85 sq. illo tamen consilio capto Syecambros devictos v. 77 commemorare nondum potuit Propertius propter temporis rationes; quas copiosius infra exponemus. praeterea ludorum in toto carmine commemoratio indagabitur nulla, sed et vv. 11 sq. et vv. 67 sq. unde aedes Palatina Apollini dicata sit explicare se disertis verbis poeta testatur. neque quisquam versus illos nunc in media elegia positos prooemiorum et clausularum, quibus ceterae de antiquis urbis Romae locis sacris templis elegiae instructae sint, speciem prae se ferre et naturam negabit collatis V, 4, 1 sq. et 93 sq. aut V, 9, 1 sq. et 45 sqq. at, inquis, vv. 69 sq.:

*bella satis cecini: citharam iam poscit Apollo  
victor et ad placidos exuit arma choros*

\*) Cfr. quae capite quarto de his rebus disputavimus.

refutant carminis divisionem respiciendo ad Apollinis apud Actium auxilium quod vv. 11 — 68 enarratur. bella tamen qui poterit cecinisse sibi videri is qui Apollinis Palatini aedem se relaturum esse promittit vv. 11 sq. quique hoc argumentum maxima carminis parte confecta persecutum se esse scribit vv. 67 sq. denique qui in ipso carmine pugnae mentionem in transcurso tantum iniecit, sed Apollinis Actiaci orationem et auxilium copiosissime explicavit? deinde etiam dissecto hoe carmine versus illos probabilem habere interpretationem supra significavimus: spectant nimirum ad epicum Propertii carmen quo in describendo proelio Actiae in primis Apollo armis insignis laudatus erat. ergo hos versus ad proxime antecedentes referre non cogimur; sed ne possunt quidem illuc respicere. nam tempus quod *iam* (v. 69) et *nunc* (v. 71) particulis definitur ab illo diversum est quo bella cecinit poeta. haec tamen si tractasse fertur proximis versibus eiusdem elegiae qua nunc leviora argumenta se petere adseverat, profecto simul utrius rei operam navavit, quoniam eodem tempore huius carminis versus omnes perscripsit. qua de causa bella antea alio carmine, non nostro cantavit. itaque ne vv. 69 sq. quidem eos qui proxime praeeedunt excipere possunt. porro carmina amatoria compositurus Philetæ et Callimachi exemplum sibi se proponere merito narrat poeta IV, 1, 1 sqq. at hic cum de Apollinis Palatini vel templo vel ludis grande carmen editurus sit, quale et ipse vv. 12 sqq. promittit et Hertzbergii sententia, si vera est, postulat, quid *Philetæos corymbos* (v. 3) et *Cyrenæas aquas* (v. 4) crepat, res ab argumenti gravitate absonas? contra levioris carminis, quale vv. 69 sqq. pertexitur, iusti illi feruntur auctores. at qui *vatem* se appellat et *sacra se facere* pronuntiat v. 1, is grande prooemium condit sublimi carmini unice aptum. sed ridentem poetam nonne agnoscis? qui comissaturus (vv. 71 sqq.) Baccho sacra se facere iactat. an etiam IV, 1, 3 *sacerdos* illud a carminis levitate diserepat? denique v. 10:

*pura novum vati laurea mollit iter,*  
quo novi generis carmen se incohare pronuntiat poeta, optime

excipitur vv. 69 sqq. quibus carminibus epicis valedicit alia cantaturus eaque leviora. quae cum ita sese habeant, duo carmina separabimus, alterum quod vv. 1—10 et 69 sqq., alterum quod vv. 11—68 conficitur; atque illud hac nota V, 6a, hoc tali V, 6b iam distinguemus.

Carminibus autem perperam inter se confusis similes sunt versuum in singulis elegiis ipsis transpositiones. atque cum nuper duce Diltheio de Callimachi Cydippa p. 106 iure post v. 74 transmigraverint V, 9 vv. 71 sq., ipsi eiusdem carminis vy. 65 sq.:

*angulus hic mundi nunc mea fata trahentem*

*accipit: haec fesso vix mihi terra patet*

quin alienam sedem occupaverint non dubitamus. Hertzbergius explicari causam eur tam severum puellis imperium ediderit Hercules sibi persuasit, interpretatus ille quidem *vix* vocabulum de labore quo a mulieribus aditum ad fontes sibi expugnavit. at huic sententiae oppugnat et hexameter qui, quamvis propter anaphorae figuram similem sententiam continere videretur, tamen in aliam atque pentameter partem tenderet, et hoc, quod Hercules non terram, sed fontem potius mulieribus eripuit. ergo his versibus misericordiam potius movere censendus est iniecta laborum mentione quibus confessus vix in Italiam venerit. huius autem consilii cum nulla sit utilitas nisi in ea oratione qua a mulieribus aquam petit, illuc hi versus haud dubie sunt revocandi. sed quemnam in ea locum potissimum obtinuerint ad dijudicandum difficilius est. olim enim post v. 36 inserti facta fatorum (v. 65) mentione optime transduceere mihi visi sunt ad rerum ab Hercule gestarum expositionem (vv. 37 sqq.). sed hic sententiarum nexus nimis quaesitus est neque facile lectori elucebit. deinde ut post v. 38 colloquemus hos versus, eo possimus moveri, quod sic haud inepte significare videtur Hercules eandem terram, quam olim suis humeris sustulerit, nunc tamen sibi vix patere. quanquam vv. 37—41 adeo inter se conexi sunt et ipsa sententia et verbis eisdem repetitis (cfr. v. 37 *auditis*; v. 39 *audit.*), ut aliis intrusis separari vix possint.

praeterea Herculem *hanc terram* v. 66 non eam dicere, quam olim tergo receperit, sed in quam nunc advenerit, probatur nisi fallor additis his: *anguhus hic mundi*. quae cum ita sint, nunc ego quidem vv. 66 sq. ante v. 33 in totius orationis initio posuerim in hunc modum:

*anguhus hic mundi nunc mea fata trahentem  
accipit; haec fesso vix mihi terra patet:  
vos precor, o luci sacro quae luditis antro,  
pandite defessis hospita fana viris.*

quibus coniunctis Herculem, modo fesso sibi hanc terram non patere questum, iam eodem animo pertendentem sacerdotes rogare animadvertes, ut defessis viris fana pandant.

Nunc hinc regrediamur ad V, 8 vv. 19 sq.:

*turpis in arcana somuit cum rixa taberna;  
si sine me, famae non sine labe meae.*

qui versus particula *cum* prioribus additi itineris quod per viam Appiam fecit Cynthia aut impudentiam aut tempus accuratius definituri videntur. attamen utrique consilio pariter non conveniunt, quoniam turpia in taberna convicia neque quidquam ad Cynthiae habitum describendum conferunt neque certum tempus indicant. sed comparatis maxime vv. 57 sqq. nemo dubitat, quin hi versus ad Cynthiae cum meretricibus in obscura taberna (v. 62.) iurgia et proelia spectent. neque eis interfuit Propertius, ad quem a scortis vietrix Cynthia *recurrerit* (v. 63.). qua de causa ad nostram sententiam bene quadrat v. 20 :

*si sine me, famae non sine labe meae.*

atqui haec si recte disputata sunt, vv. 19 sq. in falsam sedem delapsi sunt. nam ad totius carminis argumentum adumbbrandum pertinent: ideoque praesertim cum alius nullus eis locus tribui possit in tota elegia, transferendi sunt post v. 2. hac autem transpositione facta nova oritur difficultas; nam duo enuntiata quae *cum* particula reguntur (v. 2. et 19.) languide sese excipiunt nulla coniunctione conexa. at, etiamsi non adiunguntur vv. 19 sq., tamen de v. 2 integritate dubito. hoc enim turbarum in Esquiliis nocte praeterita factarum

causam poeta adiecta *cum* coniunctione definire videtur. at qualem tandem causam? in novos hortos, quos Maecenas in Esquiliis excoluerat, convenisse seribit vicinam hominum turbam. vicinam scilicet ex adiacentibus regionibus intellegis. atqui propter strepitum, de quo postea verba fiant, vicinam etiam ex aliis vicis turbam accurrisse quis credat? immo potius turbam ei tabernae, in quo tumultus oriatur, vicinam ex ipsis agris Esquiliinis congressam esse consentaneum est. quod si probabiliter expositum est, sententiam solo v. 2 non satis clare expressam esse patet. itaque etiam haec ratione movemur, ut vv. 19 sq. quibus taberna mentio continetur hue revocemus. sic enim sententia quam postulamus plene effertur: cum turpis rixa in arcana taberna sonuit, vicina ei turba ex novis agris accurrit. sed tamen hac transpositione facta, si bis *cum* particula ponitur, posteriorem (v. 19.) priori (v. 2.) subiunctam esse sentimus: quare languida et parum perspicua evenit enuntiati structura. hanc autem ut expoliamus, cum variae emendationes excogitari possint, ego prius illud *cum* mutaverim in *nam* particulam; qua plane definitur quomodo sequentes versus cum primo cohaereant. totum igitur elegiae initium olim hoc erat, praeterquam quod de *sugarit* verbi integritate dubito:

*disce quid Esquilias hac nocte fugarit aquosas:  
nam vicina novis turba cucurrit agris,  
turpis in arcana sonuit cum rixa taberna;  
si sine me, famae non sine labe meae.*

His expositis veniamus ad V, 5 v. 62 qui cum madosus in codicibus sic feratur:

*per tenues ossa sunt numerata cutes,*  
a plerisque electus est. sed quoniam versiculum ab hoc loco, cuius tamen per se tam perspicua est sententia, adeo abhorrentem ab interpolatore concinnatum esse vix credibile est, sine dubio servandus ille est, dummodo probabiliter emendari possit. immerito tamen et Jacobus:

*per tenuem ossa mihi sunt numerata cutes*  
et Hertzbergius:

*per tenues ossa has sunt numerata cutes*

scribi iussit, quia, ut alia praetermittamus, Propertius non tam desiderio amicæ marcescit, quam odio lenae inflammatus est. neque temporis momento, etiamsi gravissimo dolore captus est, ita attenuatur, ut per cutes numerari possint ossa. neque vero ad Propertii amicam, in quam invehitur Aeant his, hic versus referri potest, quia haec cur ita affecta sit minus etiam intellegitur. itaque id unum relinquitur, ut de ipsa lena dici censamus; atque ossa per tenues cutes numerata optime conveniunt in subitam eius mortem quae Veneris numine efficitur. sed etiamsi in hanc sententiam emendari potest, hic tamen versus ille tolerari nequit: ubi subito mortuam esse mulierem nondum narravit, auctor quae fuerit corporis post mortem species inepte exponit. Iam vero v. 68:

*horruit algenti pergula curta foco*

nescio quo modo vagari mihi videtur inter reliquos versus quibus nulla sententiae necessitudine coniungitur. cur enim hoc potissimum loco lenae paupertatem memorat poeta? huius autem statim post orationem, qua puellæ ut divitias sibi pararet suasit mulier, aptius mentio fit, ut huius consilii causa etiam pateat. quae si vere disputata sunt, v. 62 et v. 68 sedem inter se mutare debent. sic enim subita lenae morte vv. 65 sqq. narrata haud inepte adicitur v. 62. qui sic restitutus:

*ossaque per tenues sunt numerata cutes*

suum locum tuetur. ceterum versus transpositionem olim secuta est particulae *que* iam sensu parentis praetermissio et vocabulorum traiectio.

Sed nondum hoc carmen relinquere licet. age enim adspiciamus lenae præcepta. quae, quanquam in singulis ordinandis certam quandam libertatem concedimus poetæ, tamen sine ullo consilio coniecta merito dicuntur. neque enim singularium præceptorum post generalia vv. 21 — 28 exprompta ordinem ita incipere debebat Aeantis v. 29: *et simulare moram pretium facit*, cum alia eiusdem generis adhortatio præcederet nulla. deinde vv. 57 — 60 in totius orationis fine ferri vix

possunt; neque enim quod ut iuventute fruatur, quam quod poetam versus, non aera ferentem ut spernat monetur amica, maxime indignatur Propertius poeta. ergo qui gravissimum illud consilium continent, vv. 55 sq. ultimum necessario obtinebunt locum, ut ipso acumine Acanthis claudat orationem. accedit autem altera causa cur hinc expellantur vv. 57—60. neque enim post tot alia praecepta mulier puellam apte adhortatur, ne iuventute non usa damnum patiatur. sed primaria haec erat admonitio qua illius animum commoveret quaeque plane coniuneta esset cum v. 28: quo eandem ut frangeret damnosae iura pudicitiae incitabat. denique vv. 31—36 praecipitur quibus artibus pecunia extorqueri possit ex amatore iam certis vineulis constrieto; iterumque hic de pecunia quaerenda locus continuatur vv. 47 sqq. medii autem interpositi sunt vv. 37—46: qui tamen, quoniam praescribunt quibus illecebris irretiri et teneri possit dubius etiamtum et incertus amator (cfr. v. 38), merito ceteris omnibus praecedebant. iam vero eiusdem generis ut vv. 37—46 sententia profertur vv. 29 sq. quibus ut supra vidimus, antequam amatori nox detur, simulatis moris magis etiam ille exstimalandus esse dicitur, ut certioribus vineulis constringatur (cfr. v. 30). ergo vv. 29 sq. a vv. 37—46 iniuste divelluntur vv. 31—36 interpositis. quae cum ita sint, turbatum esse versuum ordinem negari vix poterit. sed emendandi rationes cum complures excogitari possint, tamen omnibus quantum potui perpensis mihi quidem leuae oratio versibus ita collocatis olim a poeta composita esse videtur: 21—28; 57—60; 37—46; 29—36; 47—56. hoc enim ordine restituto post praecepta universalia (vv. 21—28) primum quibus artificiis adolescentem irretiat, tum quo pacto lucrum ex eodem faciat puella edocetur.

His explicatis nunc progrediamur ad V, 2 vv. 41—46. quos iam Schraderus iusto loco legi negavit. namque hic eur hortorum cultorum maximam sibi famam esse gloriatur Vertumnus? an ut sirpiculis medio pulvere rosas se ferre posse ostendat? at eeteris huius generis distiehis documenta non addidit: cur huic adiunxit quae ne convenienter quidem om-

nino in rem? nam vv. 45 sq. exempla potius illum afferre demonstrant fructum in suum honorem praeceptorum. de his autem iam vv. 11 sqq. verba facit. similiterque quid fama de ipso eiusque nomine statuerit enarrat vv. 11 — 20 simulque ut testimonia fructus sibi allatos commemorat; cfr. in primis v. 12 et v. 19. his igitur versibus adiungendos esse eos, de quibus disserimus, perspexit Schraderus. sed Lachmanno (ad v. 41), ut causam transpositionis probavit, ita suo iure displicuit quod post v. 18 inseruerat ille vv. 41 — 46. nam cum vv. 15 sqq. iam de hortorum donis ad Vertumnus allatis mentio fiat, quo pacto deus ipse vv. 41 sq. nolle se de his quidquam adiecere adseverat? at post v. 12 quo vulgus nomen suum ab anni fructibus repetere narratur, suam sedem illi versus olim habuerunt, quia et ipsi de fama hominum scripti sunt. praeterea hoc in initium expositionis quadrant etiam illa *nam quid ego adiciam?* quibus adhibita praetermissionis figura ea quae in vulgus nota sint pronuntiare se nolle simulat Vertumnus et tamen statim profert. ceterum vv. 41 — 46 post v. 12 retractis pro *at* particula v. 47 sine dubio scribendum est *sic*; quo vocabulo ea quae vv. 21 — 40 exposita sunt comprehenduntur, velut V, 7, 69.

Denique ultimum versuum transpositorum exemplum tractabimus V, 1 vv. 141 sq.:

*et bene cum fixum mento discusseris uncum,  
nil erit hoc, rostro te premet ansa suo.*

in quibus cur haereamus perspicietur toto hoc loco diligentius examinato. atque priorum editorum, qui in toto carmine unum horoscopum loqui putabant, opinione improbata merito Heimreichius in symb. ph. B. p. 674 vv. 135 sqq. Apollini tribuit loquenti. sed falso dei orationem v. 146 demum finit. omitto quod Apollo, cum pauca poetae dixisse feratur v. 133, vix continuavit verba sua per tot versus. certiora sunt alia. deo enim qui id unum sibi proposuit, ut ad elegos componendos Propertium adhortaretur (cfr. vv. 133 sq.), non convenit illa amoris duri descriptio (vv. 139 sqq.); qua si non impeditur, at certe non promovetur illud quod sequitur consilium. quid? quod ab Apollinis gravitate

vel maxime abhorret velut haec sententia *persuasae fallere rima sat est.* talibus profeeto non usus est idem in simili oratione apud Propert. IV, 3. denique ne horoscopi quidem ars Heimreichii de hoc loco sententiam fert. is enim v. 150 monet Propertium, ut octipedis caneri terga sinistra timeat. quo versu, nobis quidem nunc valde obscuro, at ipsi Propertio sine dubio sat perspicuo, quod tandem malum tangat horoscopus pro certo dici nequit. tamen ego quidem non dubito quin Scaliger vere divinaverit novi amoris pronuntiationem hoc versu contineri; cfr. Hertzbergius ad h. l. namque iocorum potius quam revera triste vaticinium aliquod hic proferri totius carminis indole et natura confirmatur. atqui si iam vv. 139 sqq. Apollo novum amorem Propertio vaticinatus est, horoscopus hoc versu nihil novi ei praedicit: quod quidem artem eius tantis verborum ampullis commendatam minime deceat. praeterea versuum distributioni ab Heimreichio propositae oppugnat etiam *nunc* particula v. 147. haec enim tempus definire non potest propter eam quae sequitur sententiam: nam prodigium illud non ipso hoc temporis momento, sed futuro aliquo minari dicitur vv. 147 sqq. quare potius tanquam conclusione facta ea comprehendit quae versibus praecedentibus efficiuntur. atque notam hanc particulae *nunc* significationem qua similis est vocabulo *ergo* observamus etiam apud Propert. I, 2, 25; 6, 1; 19, 1; II, 3, 33; III, 18b, 23; 26b, 21. suas autem ipsius sententias complecti Horon consentaneum est. ergo Horos potius quam Apollo ante v. 147 locutus est. itaque illi attribuendum est de puellae superbia vaticinium idque erat illud quod certius non definitivit Heimreichius triste prodigium. incipit enim inde a v. 139 iterum loqui astrologus; ibique pro *nam* particula leni emendatione repone *iam* quod respondet *mox* particulae v. 131. in horoscopi igitur oratione exstant vv. 141 sq., de quorum sede dubitamus. atque primum quidem, si recte locum suum tenent, exemplo allato distichon quod antecedit illustrant: quae tamen explicatio inepte *et* particula adiuncta est. praeterea quae tandem est ista dicendi ars qua primo vv. 141 sq. amor

Propertium enecaturus esse dicitur, tum vv. 143 sqq. multo minores dolores praedicuntur? sed leviora haec: gravissimum autem illud est, quod huius distichi sententia ipsa pugnat cum horoscopi vaticinio. exemplum enim quo in his versibus utatur auctor sumptum esse iure suo dieunt interpretes e re piscatoria et duplice unci et ansae nomine sine dubio duplarem hamum significari volunt. at duplex hamus ita solet esse comparatus, ut, si excussus est, non possit altera quasi sua parte pisces iterum secare. quo igitur paeto, si uncus mento discussus est, tamen ansa, quam et ipsam uncum esse contendunt, Propertium premere fertur? immo unco vel ansa, ubi mento excussisset Propertius, tamen aliud statim membrum arreptum esse recte dicebatur. quod cum non factum sit, apparet unco opponi ansam quasi alterum tormentum. dicendi igitur lumine remoto una puella depulsa mox alteram aequem difficultatem amaturum esse poetam vv. 141 sq. audimus. atqui Horos vv. 139 sq. unius puellae fastus disertis verbis extulit et in hac sibi constat sententia vv. 143 sqq. Apollini autem, qui vv. 137 sq. Veneris militiam Propertio indicit, unice adscribi potest illud de amorum post amores redintegratione vaticinium, vel propter orationem figuratam, abhorrentem illam quidem a simplici dicendi genere quo in ceteris versibus usus est astrologus. ergo vv. 141 sq. post v. 138 adiungendi sunt reposita pro et particula voce *ei*. — sed haec quidem hactenus de versibus transpositis.

Solent autem, ubi alii versus e sua sede in falsam transmigrant, alii simul omitti. eius rei primum habemus exemplum V, 3 vv. 43 — 52. atque vv. 49 sq.:

*omnis amor magnus, sed aperto in coniuge maior:  
hanc Venus, ut vivat, ventilar ipsa facem*  
hanc, ut iam Passeratius vidit, continent sententiam: omnem amorem magnum esse, sed maiorem uxoris in coniuge, quam amicæ in amatore amorem. neque coniecturis opus est quibus hos versus critici vexarunt. huius autem sententiae quale tandem testimonium proferunt vv. 51 sq.:

*nam mihi quo? Poenis tibi purpura fulgeat ostris  
crystallusque meas ornet aquosa manus?*

quippe qui *nam* particula incipient? si probamus, ut deceat, Neapolitani in v. 52 scripturam *meas* (efr. Jacobus ad h. v.), „eur mihi“ inquit Arethusa „ornamenta induam? non mea causa, sed ut tibi placeam ornare me soleo“. haec tamen enuntiatio ut praecedentis distichi normani confirmet, tantum abest ut non possit non causam olim attulisse eur Arethusa absente marito se sordidis vestibus indutam quasi maerere questa sit. eius igitur generis aliquot versus ante v. 51 deperditi sunt, nisi *nam* particula sano sensu prorsus carere existimanda est. sed etiamsi ita sententias explemus, tamen vv. 49 sq. neque cum antecedentibus neque cum sequentibus versibus iusto nexu cohaerent. quid enim hanc observationem tam generali sententia prolatam hic intrusit auctor? quae tum demum cum vv. 43 sqq. bene coniungitur, si Arethusa se propter magnum coniugis amorem (vv. 49 sq.) facilius castrorum pericula toleraturam esse, ad bella illum secutam, desertis verbis addit. itaque post v. 50 omissis aliquot versibus hoc enuntiatum haustum est. et haec quidem hactenus de vv. 49 sqq. sententiis explendis. quid vero? num vel restitutis eiusmodi versibus vv. 43 — 50 hanc sedem obtinere possunt? tristem suam in desertis aedibus cum paucis comitibus maxime per noctes vitam vv. 29 — 42 deserbit Arethusa; continuatur autem harum rerum enarratio vv. 51 sqq. at versibus qui inter utrosque medii sunt optat puella, ut altera quasi Hippolyte maritum in bella comitari possit quorum labores amore sibi dulciores fieri sciat. hi igitur nihil huc pertinent. neque vero haec incoencaenitas tollitur vv. 50 — 56 ante v. 43 translatis, quoniam ne vv. 57 sqq. quidem ab illis separari possunt. sed coniunctum est illud votum quam arctissime cum eis querellis quas de mariti absentia legimus vv. 7 — 29. quid? quod v. 29 cui tandem *at mihi* verbis opponatur Arethusa nunc non perspicitur. atqui nemo non sentit Arethusae quae desertum thalamum deploret (vv. 29 sqq.) eandem contrariam esse, si coniugem adversus Parthos secuta feratur (vv. 43 sqq.).

neque inepte uxor eius desiderio maritus tenetur (vv. 27 sq.) optat, ut illius militiae fida sarcina fieri possit (vv. 45 sq.), quibus de causis vv. 43—50 post v. 28 inserendi sunt, sed lacuna inter v. 50 et 29 significata. atque illis remotis vv. 51 sq. excipiunt v. 42, sed hie quoque inter utrosque aliquot versus exciderunt.

Iam transeamus ad V, 4 vv. 71 sq.:

*illa ruit, quidvis celerem prope Thermodonta  
Strymonis abscissum fertur aperta simum.*

qui versus cum praecedentibus non bene coeunt. nam quo tandem iure Tarpeiam, quam modo (v. 67.) somno se permisisse dixit, Maenadum more furere poeta narrat? quid vero? Strymonis, ut supra vidimus, ne Maenadibus quidem, sed Amazonibus adnumeranda est. qua re probata patet ruendi verbum non iam posse furendi significatum habere, sed currendi; qua cum interpretatione convenit *fertur* illud v. 72. nam Amazonum non furor, sed celeritas laudatur, velut a Silio II, 74 et Valerio Flacco IV, 607. atqui hie eur eueurrisse Tarpeia narretur cum nullo modo exegitari possit, ab hoc loco distichon nostrum abhorret. quo autem transponendum sit, quanquam toto carmine perlustrato non elucere videtur, inveniemus accurate interpretati vv. 27 sq.:

*dumque subit primo Capitolia nubila fumo,  
rettulit hirsutis bracchia secta rubis.*

fumum autem, quem olim matutinam nebulam esse voluerunt, vere de vespertinis sive nebulis sive castrorum fumis Hertzbergius intellexit propter v. 31 et vv. 63 sq. sed idem Tarpeiam, quae mane, ut mos erat \*), aut aquam Vestae petendi causa (cfr. vv. 15 sq.) aut omni territa lustrationis causa (cfr. vv. 23 sqq.) ad fontem venerat, per totum diem statuit ad fontem mansisse, ne ante crepusculum ad arcem rediret. at quid tandem Tarpeia per totum id tempus illie morata est?

\*) Namque lustrationes mane factas esse testatur Verg. Aen. VIII, 67 sqq.; Valer. Flacc. V, 330 sqq.; Stat. Theb. IX, 570 sqq.; eodemque tempore virgines Vestales aquam petiisse docet velut Ovid. fast. III, 12.

nam lustrari, si propter hanc rem degressa erat, brevi profecto tempore potuit; sin Vestae aquam petitura erat, ne debuit quidem cunetando huic officio deesse. porro si a flumine rediit virgo, postquam aut aquas hausit aut lustrata est, quo factum est, ut in via hirsutis rubis bracchia laederet? an tam spinosa erat via, ut non posset quisquam ingredi eam, nisi ut bracchia rubis laceraret? o miseram Tarpeiam quae cotidie, ut Vestae aquam libaret, ad fontes degressa rediit in arcem sectis braechiis! immo, si quid video, aliquo die puellam vel ut amicum videret vel alia de causa in planitiem degressam aspergit Tatus, tum fugientem, quia pudor nondum omnis illi extinctus erat, persecutus a via in rubos impulit. huius autem narrationis ante v. 27 omissae *que* particula etiam signum est; qua nunc tam diversae res quales vv. 23 sqq. et vv. 27 sqq. narrantur ineptissime conglutinantur. praeterea etiam Tarpeiae oratio, ni fallor, hanc conjecturam commendat. an Tarpeiam illas querellas sie temere effudisse probabilius est, quam certa aliqua re motam? quodsi posterior sententia praestat, quid verisimilius est quam eam aliquo Tatii impetu excitatam esse? ad illam autem narrationem pertinent etiam vv. 71 sq., ut nunc apparet, ita inserendi ante v. 27, ut ante ipsos lacunae signum ponatur. scilicet Tatum fugiens Tarpeia eucurrit velut Strymonis.

Hinc progrediamur ad V, 7 vv. 35 — 38; quos iam Scaliger alieno loco ferri vidit. quare enim factum est, ut inter querellas quibus vv. 13 — 50 Propertium obruit Cynthia subito eundem adhortaretur, ut servos mortis suae auctores cruciaret? at ne ibi quidem quo eos transtulit Scaliger, post v. 46 locum suum defendant. sed coniunctivi *uratur candescat tollat* demonstrant mandatorum, quae inde a v. 71 se amico daturam esse pronuntiat Cynthia, haec partem aliquam efficeret. itaque ut probas servas (vv. 73 — 76) sequatur infidorum poena, post v. 76 disticha illa reiciemus. ceterum his expulsis inter v. 34 et v. 39 accuratius descriptam fuisse suspicor novam amicam, de qua sunt vv. 39 sqq. nam vel transitus v. 39 a foedi funeris adumbratione (vv. 23 — 34.) ad illam

depingendam factus per pronomen relativum fractus est et elumbis.

His explicatis ciudem carminis vv. 51 — 54 animum advertunt. nam cur fidem suam iureiurando affirmat Cynthia hic, ubi neque ad praecedentium neque ad sequentium versuum sententias quidquam id refert? cur hic argumentum repetivit, in quo tractando iam vv. 12 — 22 versata est? præterea vv. 55 sqq., qui propter *nam* particulam ea quae modo dicta sunt confirmare videntur, tamen eorum nihil omnino probant; incipit enim novus de inferis locus. an Cynthia exponit cur tergeminum canem v. 52 commemoraverit? ergo disticha haec potius post v. 22 inserenda sunt. atque hoc vel eam ob causam probabiliter conicimus, quod iustum oppositionem illud *at* v. 23 nunc desiderat. traiectis autem his versibus fidem Propertium fefellisse, se servasse Cynthia contendit: sed ne sic quidem (v. 23) fidac amiae honestum funus ab eo paratum esse. denique ante v. 55 aliquot versus omissi sunt quibus de sua apud inferos conditione ita loqui coepit Cynthia, ut *nam* particula recte posita esset.

Age nunc transgrediamur ad V, 9 vv. 42 sqq. atque v. 42:

*accipite: haec fesso vix mihi terra patet,*

qui paulo mutatus v. 66 repetatur, immerito hie legi nunc constat fere inter sanos criticos. illatus autem hue est, postquam genuinus versus lacuna haustus est. sed qui hunc secuntur vv. 43 sq.:

*quid si Iunoni sacrum faceretis amarae?*

*non clausisset aquas ipsa noverca suas,*

quo iure hunc locum occupaverint minus etiam perspicitur. nam primum quidem *clausisset* illud pro imperfecto *clauderet* perperam positum est, quia nondum a sacerdotibus Bonac deae Hercules exclusus est a fontibus. accedit quod, nescius huius deae lucum se adiisse, Iunonem illi v. 43 opponere non potest. quid enim? si lucus sacer erat Iunoni? nam ne Herculem ut hominem deis similiorem haec omnia comperta

habuisse contendas: cur Bonae deae lucum ingredi studuisset, quem viris clausum esse scivisset? has autem ob causas vv. 43 sq. post sacerdotis orationem, qua et a fonte propellitur et Bonae deae lucum hunc esse certior fit vir fortissimus, retrahendi sunt, si quid video, ante v. 67. quo facto, cum vv. 65 sq. hinc removerimus, Hercules abrupto dicendi genere indignabundus crudelitatem mulierum vel Iunonis saevitiae comparat itaque ira stimulatus statim tristes de ara maxima leges puellis imponit — nisi forte ipsum orationis initium ante v. 43 deperditum esse probabilius censebis. sublati autem erant e sua sede, ut v. 42, etiam vv. 43 sq. ad lacunam explendam; quam post v. 41 non solum pentameter deperditus agnoscendam esse demonstrat, verum etiam ipsa sententia. namque Hercules, qui vv. 45 sqq. ne propter habitum terribilem expellatur sacerdotes orat, antea haud dubie easdem rogavit, ut aditus ad fontes sibi pateret. eiusmodi igitur aliquot versus post v. 41 olim legebantur. ceterum vv. 42 — 44 una transpositos esse appareat, postquam iam vv. 65 sq. in eum locum delati sint quem vulgo teneant.

His lacunarum exemplis propositis facilius fortasse fidem habebunt duo alia non tam claris argumentis iunisa. quorum primum est ante V, 6 v. 85. namque *sic* inquit poeta *noctem patera, sic ducam carmine.* at vv. 71 — 76 vinum sane se potaturum esse exponit, sed vv. 77 sqq. tantum quid cantaturus non sit declarat. ut alterum *sic recte* sese haberet, nonne quae argumenta carminibus tractaturus esset, vinum scilicet et amores, addidisse putandus est poeta ante v. 85? — alterum autem exemplum invenitur ante V, 10 v. 43. etiamsi hoc carmine argumentum suum non tam exponit, quam tangit auctor, tamen quae tandem est, praesertim cum vv. 41 sqq. tam accurate describi coepitus sit alter adversarius, ista pugnae descriptio qua torquis Virdomaro ab incisa gula decidisse fertur? ferrem hoc fortasse, si direpta illi a Claudio diceretur: nunc non possum non suspicari ante v. 43 pugna copiosius enarrata descriptsse poetam ut Cladius Virdomaro collum ense dissecuerit.

Restat ut id mendorum genus tractemus quo inquinantur scriptores versibus interpolatis. atque cum Eschenburgius observat. erit. in Propert. pp. 1 — 26 merito eiecerit V, 1 vv. 33 — 36, nos in eodem carmine vv. 65 sq.:

*scandentes si quis cernet de vallibus arces,  
ingenio muros aestimet ille meo*

obelo notabimus. atque hos insanos esse intellegitur maxime comparatis vv. 125 sq.:

*scandentisque Asisi consurgit vertice murus,  
murus ab ingenio notior ille tuo;*

e quibus de eadem Umbriae regione dictis nostri manifesto expressi sunt. nam quae tandem est eorum sententia? hexametro sine dubio alti montes intelleguntur, at quales pentametro? Hertzbergius *aestimare* verbum ita aecipi vetat, ut *magni aestimare*. at cur id optat poeta, ut taxetur quomodo cunque patria sua? immo ut magni aestimetur propter suum ingenium rogat; cfr. v. 63. atqui ad magnos illos, de quibus locutus est in hexametro, montes nil attinet poetae ingenio augeri. itaque appetet de exiguis cogitari in pentametro. quod firmatur etiam simili sententia Ovidii amor. III, 15, 11 sqq.:

*atque aliquis spectans hospes Sulmonis aquosi  
moenia quae campi iugera parva tenent,  
„quae tantum“ dicet „potuistis ferre poetam,  
quantulacunque estis, vos ego magna fero“.*

pugnare igitur secum hexametrum et pentametrum negari non poterit. quod cum perspexisset, Marklandius scribi iussit:  
*ingenium muris aestimet ille meum.*

ergo „e murorum“, inquit poeta, „altitudine meum quantulum cunque est ingenium aestimet hospes“. at qui poeta contentus esse potuit tali iudice qui carmina sua laudaverit non propter ipsorum virtutem, sed propter alta patriae moenia? quae cum ita sint, noji dubitare versus istos male sanos expellere.

Atque gravissimis difficultatibus tenentur etiam V, 5 vv. 9 — 12:

*illa velit, poterit magnes non ducere ferrum  
 et volucris nidis esse neverca suis.  
 quippe et, Collinas ad fossam moverit herbas,  
 stantia currenti diluerentur aqua.*

et primum quidem *velit poterit moverit* de mortua lena false usurpantur. accedit quod, sicut V, 1, 33 in versu interpolato, hic quoque inepte posita est *quippe* particula ut ita dicam causalis, qua eorum quae indicata sunt expositionem uberiorem scriptores inducere solent. cur vero herbas ad fossam movet lena? ut victimarum sanguinem illuc infundant, scrobes magicas effodi docet Horat. serm. I, 8, 26 sqq.; Ovid. met. VII, 243 sqq. denique *stantia* participium satis explicari vix potest. perperam enim Hertzbergius tanquam rigida et dura haec accipit; quae ita non vocari videntur, nisi addita velut *getu* voce, ut apud Ovid. ex Ponto IV, 7, 8; Horat. carm. I, 9, 4. nam quae ad V, 11, 4 collegit ille exempla non rigoris, sed altitudinis notionem prae se ferunt. haec igitur ipsa firmare videntur Broukhusii opinionem cui *stantia* esse persuasum est quaecumque supra terram promineant. at haec explicatio propter currentem aquam ferri nequit cui non alta, sed solida opponenda erant. relinquitur, ut *stantia* esse dicamus firma: obstat tamen diluendi verbum cui ea potius contrariaunt, quae inter se ipsa materia cohaerent, quam quae firme stant. parum igitur diligentem hic agnosces orationem, quam coniecturis apud Burmannum collectis emendatam vix duces. praeterea autem saepe natura ipsa fert, ut *stantia* aqua diluantur. itaque ne miraculum quidem, quale hoc loco requiritur, v. 12 enarratur. eademque observatio ex parte aliqua valet etiam in v. 10. quare ego hos versus qui ne amatoria quidem lenae artificia increpant excluserim.

Ultimus eiusdem fabricae locus est V, 6 vv. 45 sq.: quos ita libri exhibent:

*et nimium remis audent prope turpe Latinis  
 principe te fluctus regia vela pati.*

unde Hauptius verbis usque ad *prope* vocabulum a ceteris separatis postea scripsit *Latinos*. quo facto prius illud enuntiatum

*et nimium remis audent prope quam maxime languet propter remis et prope voces omni virtute carentes.* idem autem illud remis pondere prorsus destitutum est, si oratione post audent verbum distincta cum Jacobo scribimus *proh turpe Latinis*. neque melius se habet eandem ob causam quod Lachmannus proposuit:

*et nimium remis audent, pro, turpe Latinis:*  
praeterquam quod Antonius non multas e Latio, sed plurimas ex Oriente naves habebat; cfr. Verg. Aen. VIII, 685 sqq.; 705 sqq. perverse etiam Hertzbergius rem egit qui locum ita constituit:

*et nimium remis audent, proh turpe! Latinis,*  
*principe te fluctus regia vela pati.*

atque huius lectionis hanc sibi indulxit interpretationem: *nimium turpe* est quod naves reginae te principe Romani remigii ope fluctibus committere se audent; quamvis propter vocabulorum collocationem *nimium* et *turpe* coniungi nequeant. quae tamen vocabula si separantur, *nimium* omni sensu cassum est. sed uteunque haec vel emendantur vel explicantur, *principe te* verba propter duplicem causam ferri non possunt. neque enim aut eo tempore quo pugna apud Actium commissa est iam princeps erat Augustus aut ita loquentem Apollinem is poeta induxit qui Caesarem laudet ob libertatem ab Antonio rege defensam: cfr. v. 58. et v. 62. quid? quod ipse huius distichi auctor *regia vela* indigne fert. idem num *principem* Augustum commendasset, nisi ineptum interpolatorem hic teneremus?

Ad haec igitur mendorum genera is animum attendat qui Propertii librum quintum emendaturus est. et sunt etiam nunc satis multa, in quibus haereat diligens lector. sed haec quanquam vix omnia eos fugerunt, tamen tollere noluerunt critici, quia haec carmina ab ipso poeta non absoluta et per polita esse sibi persuaserunt: cfr. Lachmannus ad V, 1, 1; 2, 12; 4, 3; Hertzbergius I p. 216 sq. et ad V, 10, 1 sq. at etiam has elegias maxima ex parte elaboratas et perfectas esse a poeta cum e rei metricae elegantiis, tum e summa

rationum strophicarum concinnitate elucebit. nam ne quis carm. V, 1a, 2, 4, 6b, 9, 10 imperfecti operis membra esse opponat; possunt sine dubio toto opere nondum absoluto singula carmina omnibus numeris absolviri et expoliri. itaque unum tantum carmen undecimum perfectum non esse concedo. nam primum quidem duplarem eorum quae in illo narrentur scaenam esse eamque confusam post alios monuit Lucianus Muellerus in Fleckeiseni ann. vol. 91 p. 422. atque etiam singula disticha, nunc apto nexu carentia, interdum aliter ordinaturum fuisse poetam sensit Peerlkampus qui extremum vitae otium huic carmini, elegiarum reginae, navavit. quamquam nunc iniuria transponendorum versuum remedio eum usum esse merito contendit Lucianus Muellerus l. l. p. 780, quia sic narrationis consilium magis etiam turbatur. sed tamen ego vv. 65 sq.:

*vidimus et fratrem sellam geminasse curulem;*

*consul quo factus tempore, rapta soror,*

qui nunc liberorum enumerationem interrumpunt, post v. 60 inseruerim, quia aliter ne *et tamen* quidem illud v. 60 recto talo stat. itemque vv. 97 sq.:

*et bene habet: nunquam mater lugubria sumpsit:*

*venit in exequias tota caterva meas,*

in quibus nunc *et bene habet* verba sensu carent, post v. 62 revocaverim; quo cum loco vel sententia ipsa cohaerent. neque in has Peerlkampi transpositiones cadit quod vituperat Muellerus. praeterea in initio sententiam quam explicavit vv. 1 — 10 Propertius paucioribus versibus eisque aliter ordinatis fortasse prolatus erat. nec non in oratione quaedam quae duriora nunc sunt explanatus et lenitus erat. in ceteris tamen praeter undecimum carminibus ubi quid sano iudicio displiceat, non video causam eur superstitionis codicem auctoritatem magis quam alibi veneremur.

## Caput II.

Quod in libri quinti carminibus componendis  
consilium secutus sit Propertius explicatur.

Iam libri quinti carminibus pro virili parte emendatis quo singula consilio composuerit auctor quaesituri haud inepte initium capiemus a carm. V, 1a, 2, 4, 6b, 9, 10: quae in uno argumento versari in aperto est. atque quale hoc sit ipse poeta ea elegia qua ceteris praefatur palam profitetur. nimurum urbis Romae non modo *moenia* (V, 1a, 57.), sed etiam *sacra diesque et cognomina prisca locorum* (V, 1a, 69) enarraturus est. ergo non fastos, ut Lachmanno visus est ad V, 1, 1, aut origines potestatis Romanae, ut placuit Hertzbergio I pp. 82, 193, 216 et Krahnero in Philologi vol. XXVII pp. 62 sq., conditurus, sed et topographi et antiquarii officio funeturus erat. quale erat munus eorum hominum quos periegetas antiqui vocabant. periegesin igitur urbis Romae scripturus erat Propertius. — atque hoc consilium ut quivis perspiceret, non argumento solum pronuntiato curavit, verum etiam ipsa prooemii inscriptione. nam V, 1a vv. 1 sq.:

*hoc quodcumque vides, hospes, qua maxima Roma est,*

*ante Phrygem Aenean collis et herba fuit*

adlocutus est hospitem. quem nunc separatis etiam a carm. V, 1a vv. 71 sqq. nemo cum Scaligero horoscopum illum esse credet, sed eum quem ducere se per urbis Romae vias singula quaeque monstrando et explicando simulet poeta. eius autem consilii memoriam semper resuscitat pronomen quo utitur auctor *hic velut* V, 1a, 5. hinc iam perspicies eur V, 2, 19

Vertumnum locutum esse eoram hospite statuerimus. simulque explanavimus id, in quo haesit Heimreichius in symb. ph. B. p. 678, quod cuinam narraret Vertumnus nominis sui originem non appareret. verum etiamsi meam sententiam non probavero, ne tum quidem desperandum erit de carminis secundi fide. neque enim solum hospitem, in quem sane primum se convertit, adloquitur deus, sed totam turbam quam ante pedes suos transeuntem videt (cfr. v. 5 et vv. 55 sq.). id nisi statueris, v. 57 eum se non morari qui ad vadimonia currat sine iusta causa subito exclamabit. nimirum signi titulum, in quo ipsum Vertumnum narrantem inducit auctor, aperte refert hoc carmen. cui rei optime convenit artificis in fine eius nomen et laus. atque hac tantum ratione probata explicantur pronomina *haec* (v. 5) *hac* (v. 7) *tantum* (v. 9) quae gestu aliquo illustrasse deus censendus est, quasi e loco edito publice verba faceret. ergo fastorum Ovidianorum (I, 63 sqq.) imitationem iniuria suspicatus est Heimreichius. — denique ut argumentum et inscriptio carminum, ita etiam ratio qua illud tractavit poeta plane decet periegetam. solebant enim qui periegetarum in urbibus antiquis munus suscipiebant, ut non modo per se credibile est, sed testimoniis etiam velut Pausaniae constat, alia quae non prorsus ementiti erant ita exornare, ut lenociniis captarent audientium aures, alia etiam prorsus comminisci vel inter se pugnantia. quas tamen rerum repugnantias neque ipsi sentiebant suo acumine ducti neque, si auditores animum advertebant, explanare poterant. atqui similem in modum suas narrationes instituisse Propertium duabus maxime rebus evinci potest. nam primum quidem V, 1a vv. 63 sq:

*ut nostris tumefacta superbiat Umbria libris,  
Umbria Romani patria Callimachi*

Callimachum *altriō* auctorem exemplum quod imitaretur se proposuisse sibi significat (cfr. Hertzbergius I p. 198). hos enim versus si ita interpretamur Heimreichio auctore in symb. ph. B. p. 678, ut Umbriam suam patriam eandemque Callimachi Romani i. e. Propertii dicat scriptor, v. 64 qui nunc

grata brevitate causam affert cur superbiat Umbria, temere additus videtur. Callimachum autem in *altior* carminibus argumenta potius ad delectandos quam ad erudiendos lectores comparasse etiamnunc e reliquiis colligi licet (cfr. Dilthejus de Callimachi Cydippa). sed magis etiam in aperto est alterum argumentum ex ipsis carminibus petitum. neque enim ea, quae de urbis Romae locis sacris fabulis antiquis tradita erant, a Propertio ut iustum antiquarium deceat plene planeque exposita, sed e poetica libertate et sui ipsius ingenii sensu immutata contaminata excerpta sunt. quam rem duobus exemplis illustrare placet. de Tarpeia vulgarem fabulam refert Livius I, 11, 6 sqq. in hunc modum: *Spurius Tarpeius Romanae praeerat arci. huius filiam virginem auro corrumpit Tatus, ut armatos in arcem accipiat. aquam forte ea tum sacris extra moenia petitum ierat. accepti obrutam armis necavere, seu ut vi capta potius arx videretur, seu prodendi exempli causa, ne quid usquam fidum proditori esset. additur fabulae quod vulgo Sabini aureas armillas magni ponderis bracchio laevo gemmatosque magna specie anulos haberint; pepigisse eam quod in sinistris manibus haberent; eo scuta illi pro aureis donis congesta. hisque narratis addit sunt qui eam ex pacto tradendi quod in sinistris manibus esset, derecta arma petisse dicant et fraude visam agere sua ipsam peremptam mercede.* atque hanc quidem interpretationem illius pactionis excogitavit Piso annalium scriptor miratus ille suo iure quod proditricis puellae in honorem mons Tarpeius nominatus esset a Romanis. in similem autem suspicionem etiam noster poeta vocavit vulgarem fabulam, si quidem V, 4 vv. 93 sq. supra recte et explicavimus et emendavimus. sed tamen usitam narrationem amplexus armis obrutam esse Tarpeiam idem rettulit v. 91; at mira profecto ille ratione. omni enim acumine cum careat haec res, nisi quod in sinistris manibus haberent a Sabinis pacta esse dicitur Tarpeia, ille amore Tatii adductam esse puellam, ut arcem hostibus proderet, pulchra sane narratione exposuit (vv. 29 sqq.; v. 82.). at ne quis hanc rem novasse poetam contendat non suo iudicio, sed aliena auctoritate fretum, qua

etiam Simulus apud Plutarchum Romuli cap. XVII usus sit: ille amorem quidem et ipse commemoravit, neque vero Sabinis, sed Gallis Capitolium a Tarpeia traditum seripsit. ipse igitur poeta fabulam mutavit amore illo invento, ut hunc iucundissima ea quam nunc legimus Tarpeiae oratione exornare posset. imitatus enim est, id quod non fugit Niebuhrum hist. Rom. I, 241 adn. 632 quodque immerito negavit Hertzbergius ad V, 4 vv. 93 sq., de Scylla fabulam quam ipse tetigit vv. 39 sq. similesque narrationes. eandem autem in argumento tractando libertatem p[re]ae se fert carmen nonum, quod huius rei alterum exemplum esse volui. sed in hoc de Caco et ara maxima aliter disserere poetam atque ceteros auctores satis habeo indicasse, singula ipsi ut quaerant lectores benevolos adhortatus. sic igitur periegesi poeticis luminibus illustrata notas de urbe Roma eiusque re antiquaria fabulas poeta vel peritorum lectorum oblectationi commendare conatus est. ceterum qui carminibus periegesin composuerint, novimus praeter Scymnum, Dionysium, Avienum velut hos: Apollodorum Atheniensem (v. Strab. XIV p. 677), Alexandrum qui *Aίχνος* appellabatur (v. Strab. XIV p. 642), Lynneam Argivum (v. Pausan. I, 13, 8; II, 22, 2 Bekk.), Varronem Atacinum cuius e chorographia reliquias collegit Alexander Riesius post Varronis Satur. Menipp. pp. 263 sqq.

His expositis iam decet carminis illius quod V, 1b esse iussimus quale tandem fuerit argumentum et consilium e fragmentis eruere i. e. e V, 1 vv. 39—54; 87, 88; 109—118. atqui de Troiae eversione ita disputasse poetam, ut inde Romam bona ave ortam diceret, appareat e vv. 39 sqq. hoc autem argumentum ita videtur exornasse ut Cassandram (cfr. vv. 51 sq.) Priamo vaticinante faceret de Troiae Romaeque fatis. ad quod vaticinium, cum vv. 53 sq. nullo pacto possit absolutum videri, pertinent sine dubio vv. 87 sq. et vv. 109—118. at huic conjecturae videtur obstare v. 113 *nec redire tamen Danai propter perfectum verbi tempus quod a vaticinio abhorreat*. haec tamen difficultas recta huius versus interpretatione removetur. nimirum Calchas victoriam se

reportaturos esse olim Graecis vaticinatus erat; v. Il. B. vv. 300 sqq.; Ovid. Met. XII, 11 sqq. atque hoc ita eos intellexisse consentaneum erat quasi superatis Troianis victores domum reddituri essent. at iam Cassandra, eum equum Minervae urbi admoveri videat (cfr. v. 53), vitoriam quidem Graecos relatueros esse concedit (cfr. vv. 53 sq.; 113 sq.); sed eosdem nondum felicem quem speraverint redditum nactos esse admonet; cfr. v. 113 *nec redire tamen Danai.* neque unquam salvos omnes in patriam reddituros esse commemoratis periculis quae illis subeunda sint maritimis (cfr. vv. 113 sqq.) adseverat. at fore aliquando ut Roma urbe a Troianis in Italia condita renascatur diruta Troia pronuntiat vv. 53 sq.: *Illa telus vivet et huic cineri Iuppiter arma dabit.* et haec quidem de mutilatae huius elegiae argumento probabiliter exponi possunt. quae si a vero non plane aberrant, de eiusdem consilio dubitari vix potest. quid enim aptius erat quam exposita rerum necessitudine qua Troia et Roma coniunctae essent, antequam singula persequeretur, totius urbis Romae originem magnitudinem potestatem in universum hospiti a poeta monstrari? qua de causa hanc elegiam inter primas periegeseos urbis Romae partes fuisse suspicor. itaque iam imperfecti huius operis haec nobis servata esse invenimus carmina: V, 1a; 1b; 2; 4; 6b; 9; 10.

Postquam haec de carm. V, 1b magis divinavimus quam demonstravimus, nunc quid de carm. V, 1c consilio statendum sit videamus. atque quanto errore epicum opus condicōeptum a Propertio improbatum esse hoc carmine olim dixerint interpres, magis etiam nunc perspicie licet, ubi tota elegia non id agere horoscopum animadvertisimus, ut commendet poesin amatoriam, sed ut praedicat Propertio certae puellae nimis superbae gravem amorem. hanc vero non aliam esse puellam quam ipsam Cynthiam pro certo affirmari potest. namque eum totam Propertii vitam ante peractam diligenter perlustraret Horos, ut suo vaticinio fidem faceret, illam quoque se sua arte compertam habere simulans: qui Cynthiae amorem, quippe qui tam diu poetam tenuisset, non commemorare po-

terat, si quidem ille iam tum initium ceperat? sed eis etiam respondendum est, qui simili de causa horoscopum potius spectare dicant ad Lycinnam quae a Propertio IV, 15 vv. 5 sq. commemorata sit. at quoniam *illa rudes animos per noctes conscientia primas imbuit* tantum amore, huius puellae mentio necessaria non erat. practerea si Lycinna nova est amica quae veteres ultura esse dicitur, de quibusnam puellis rettulit Propertius victrices palmas quae vv. 139 sq. commemorantur? nam illam toga virili sumpta (cfr. IV, 15, 3 sqq.) primam neque ullam antea amavit poeta. ergo palmas victrices a Lycinna reportavit easque eludet Cynthia quam postea amore amplexus est (cfr. IV, 15, 7 sqq.) qui Cynthiae amor, quoniam Lycinna brevi tantum amore eruditiv poetam, non multum post illius primam familiaritatem i. e. post togam virilem sumptam initium cepisse putandus est. atqui in idem fere tempus eius puellae quam intellegat Horos consuetudinem primam incidere et v. 131 coll. vv. 139 sq. et eo demonstratur quod elegiarum scribendarum consilium solum, non scriptarum fama memoratur in nostro carmine (cfr. vv. 135 sq.). has autem componere coepit poeta, postquam toga virili sumpta mox Cynthiae amore captus est\*). huius igitur amorem pronuntiat horoscopus. attamen si quae de Apolline vv. 133 sqq. narrentur desumpta esse e carm. IV, 3 vere coniecit Heimreichius in symb. ph. B. p. 676, tota haec nostra disputatio iterum corruere videtur, quoniam illud earnien cum toto suo libro multo post Cynthiam amari coeptam scriptum est. at imitationis ne vestigium quidem est, cum praeter verborum dissimilitudinem sententiae etiam discrepent: namque Apollo illic ne bella carmine epico canat (cfr. vv. 3 sq.; 39 sqq.), hic ne in foro causas dicat (cfr. vv. 133 sq.), Propertium deterret \*\*). ergo Cynthiae amorem ab

\*) Cfr. quae capite quarto de temporibus quibus Lycinnae et Cynthiae amores comprehenduntur disseruimus.

\*\*) Ceterum patris Propertii mortem quam vv. 127 sq. commemoret e carm. I, 22 conjectura assecutum esse horoscopum censuit quidem Heimreichius in symb. ph. B. p. 675 neque tamen certis argumentis evinci potest; credibile enim est de hac re famam fuisse sat notam omnibus.

horoscopo praedici poetae evicimus. age iam considerate qualis sit iste horoscopus. ioci nonne amantissimum dicemus? an serio de gente sua gloriatur vv. 77 sqq.? an serio illud de Cinarae puerperio vaticinium refert vv. 99 sqq.? an serio vitam patriamque Propertii, res omnibus notas, decantavit vv. 121 sqq., quasi eas recondita arte acceptas teneret? denique vaticinio cavere, ne quis duram puellam amare coeperit, nonne lepide est inventum? iam vero quis est ille horoscopus? num ipse Propertius? cogitari profecto nequit quod magis sit ineptum absurdum ridiculum, quam ipsum Propertium vel serio vel iocose sibi suum Cynthiae amorem oraculo pronuntiare. præterea si ipse Propertius horoscopi personam assumpsit, eur qui tamen id sequatur, ut suis ipsius oraculis fidem habeat, non accuratius definit patriam suam quam nunc vv. 121 sqq. sat obscuris finibus circumscribit? at, inquis, transtulit hunc locum sine dubio e carm. I, 22 et quae illie scripsit noluit mutare. immo ipsum Propertium ita suas copias despoliare potuisse iure negavit Heimreichius in symb. ph. B. p. 675, quia talis translationis utilitas nulla cernitur. contra si alias sub horoscopi persona latet quem hominem multi ioci esse iam vidimus, hic translatis in suum usum versibus illis ad melius describendam poetæ patriam consulto nihil addidit, scilicet ut hanc non ex astris arte sua tantis laudibus elata se cognitam habere lepidissime proderet, sed e Propertii elegiis. quae cum ita sint, facetissimi alieuius amici est nostra elegia qua horoscopi persona indutus Propertium monet, ne Cynthiae amore, quo teneri coepitus, erat prorsus irretiatur. neque vero haec sententia eo revertitur quod hoc carmen ipso eo tempore quo coeperit Cynthiae amor compositum respicere Heimreichio concedimus ad carm. I, 22: quod libro continetur post illud tempus edito. etenim illud carmen, quod certo temporis signo

neque agrorum distributio (vv. 129 sq.), quae potest vel a Propertio III, 34, 55 sq. commemorata videri, per se certe habet quo falsa esse existimanda sit; nam Vergilii exemplum imitatum esse horoscopum qua ratione potest confirmari?

careat, quidni conicere liceat iam antea scriptum et si non omnibus poetae fautoribus, at certe Tullo cui inscriptum est aliisque amicis traditum esse? quid? quod vel conjectura ex hac re fieri potest cum qui nondum edito libro primo \*) carm. I, 22 utatur in earm. V, 1c ipsum esse Tullum. quem iuvenem et Propertio familiarissimum fuisse constat praeter cetera e I, 6, 1 sqq.; 19 sqq.; 22, 2. is autem si Propertium revocavit a Cynthiae amore, facile explicatur cur adversus hunc eum defendat poeta I, 14. quid vero? carm. I, 1, quod pulsum a Cynthia poetam seripsisse Lachmannus edit. Lipsiensis praef. pp. XXIII sq. probavit, illius vaticinii memor disertis fere verbis ad earm. V, 1c respicere videtur. nam I, 1 v. 25:

*aut vos, qui sero lapsum revocatis, amici —*

ad nostri carminis auctorem nonne quam maxime pertinet? atqui illa quoque elegia ad Tullum missa est (cfr. v. 9). quibus rebus quamvis ab hoc ipso id, de quo dicamus, carmen scriptum esse pro certo non evincatur, assequitur tamen nescio quam probabilitatis speciem haec suspicio, ut dolendum profecto sit quod de Tullo nihil fere certi compertum habemus. sed de his satis. amicus certe aliquis Propertio inscripsit carm. V, 1c.

Iam veniamus ad elegiam quintam, cuius argumentum quidem et per se perspicuum est et illustratur etiam comparato Ovidii amorum carm. I, 8. de eiusdem autem consilio facilius iudicium esset, si quaenam esset illa puella, a qua contemptum se dicit poeta, satis constaret. atque de Cynthia hic loqui poetam sibi persuasit Hertzbergius, at infirmis me iudice ductus argumentis. nam versus e earm. I, 2 ante v. 55 male repetitos, quibus documento usus est, eiciendos esse supra monuimus. deinde quod aliam atque Cynthiam a Propertio suam amicam (cfr. v. 61) appellari neget, nihil esse concedes, cum praeter eam nullam fere comminemoret. praeterea lenam immundam et pauperem cultae et divitis puellae dominam

---

\*) Cfr. quae capite quarto de libri primi editi et earm. V, 1c scripti temporibus disputavimus.

fuisse nemo facile eredet. hanc tamen difficultatem ita removere conatur, ut eam ministram tantum et custodem amicæ velut a potenti illo praetore (cfr. carm. I, 8; III, 16.) additam esse coniciat. at a tali amico num credibile est Cynthiam in pergula (cfr. v. 68) servatam esse? num Cynthiam ipsam talem custodiam toleraturam fuisse? atque si custos tautum est, non domina amicæ mulier, cur non in praepotentem potius amicum quam in illam invehitur poeta? præterea quis lenam et eam quidem potricem amicæ custodem faciet nisi insanus? neque vero vv. 71 sq.:

*et canis in nostros nimis experrecta dolores,  
cum fallenda meo pollice clatra forent*

in hanc sententiam nisi vi contorti trahi possunt. si libero animo leguntur, puellam a domina vel matre in pergula custoditam ostendunt. haec autem Cynthiae conditio vix erat; quam a nulla impeditus lena libere semper visit Propertius (cfr. carm. I, 3; III, 29.); quam si non reepperit amatorem, sua voluntate commotam esse, ut eum excluderet, innumeris locis testatur; quam libere peregre profectam esse narrat (cfr. carm. III, 32, 3 sqq.; III, 19). his igitur de causis posset explosa videri Hertzbergii opinio, nisi similem ei quae hoc carmine depingitur suam vitae conditionem ipsa Cynthia adumbraret carm. V, 7 vv. 15 sqq.:

*iamne tibi exciderant vigilacis furtæ Suburae  
et mea nocturnis trita fenestra dolis?  
per quam demissò quotiens tibi fune pependi  
alterna veniens in tua colla manu!  
saepe Venus trivio commissa est, pectore mixto  
fecerunt tepidas proelia\*) nostra vias.*

quibus versibus carmen quintum ad Cynthiam necessario referendum esse non demonstratur, at posse referri tamen ostenditur.

---

\* ) Sic enim memini codicium scripturam *pallia*, quae sententiam quam maxime languidam efficiat, olim a seminarii philologici Kilonensis sodale emendari.

Certiorem autem de carminis septimi consilio sententiam ferre possumus. scriptum enim hoc esse post Cynthiae mortem patet. atqui cum carm. IV, 25 a Propertio illa plane expulsa sit neque amorem postea continuatum esse ullis elegiis significetur, qui factum est, ut tamen Cynthiae mortuae honorificam hanc memoriam conderet? solet, ut aiunt periti, vetus amor ita inhaerere amantibus, ut ne maximis quidem amicæ iniuriis totus extingui possit. quod cum etiam Propertio evenisset, amoris memoria subita Cynthiae nuper excussae morte ita renovata est, ut somnii fortasse non ficti narrationem in eius honorem componeret.

Iam tertium carmen poeticarum epistularum, quas postea Ovidius ab heroinis scriptas simulavit, primum exemplum esse volunt, paulum tamen ut mihi videtur a vero aberrantes. namque cum epistulae illae e fabulis antiquis maxime argumenta sua hauserint, nostrum carmen memorato bello Parthico profecto ad ipsum hoc tempus quo scriptum esse feratur spectare putandum est. praeterea Arethusae et Lyctae coniugium nulla, nisi quid me fugit, fabula traditur. itaque his personis veri homines sine dubio subsunt. at Postumum et Gallam, de quibus est carm. IV, 12, sic notari, ut quidam suspiciati sunt, firmis argumentis neque evinci neque infringi potest. ergo Propertius intercedente uxore hanc epistulam misisse censendus est ad amicum quendam adversus Parthos stipendia merentem, ut illi et uxor et amicorum memoriae documentum esset. atque hoc in officio ficta nomina, quae dudum usu inter amicos nota recepisse aut nunc ipse excogitasse potest, adhibuit. quo lenocinio vel artificio etiam proximo ante nos saeculo amantes et amici in epistulis suis usi dicuntur.

Denique de carm. V, 6a, 8, 11 consilio per se satis perspicuo cur amplius disputemus idonea causa non adest.

---

## Caput III.

**Elegiarum quae quinto Propertii libro comprehenduntur et dispositiones et rationes strophicae describuntur.**

Postquam in universum carminum nostrorum consilium significavimus, nunc quibus partibus eorum argumenta distributa sint dispositionibus et rationibus strophicis expositis demonstrabimus. quare hæc carmina non solum absoluta fere omnia, sed etiam versibus aut traiectis aut eiectis probabiliter emendata esse fore spero ut evincatur \*). nam in imperfectis operibus concinnæ partes vix inveniuntur neque easu fit, ut omissis vel transpositis quibusdam versibus certus stropharum ordo evadat. nam quamvis incertum etiamnunc de strophica certorum carminum antiquorum compositione sit iudicium, tamen ut nobis nunc patet, ita ne antiquos quidem poetas ipsos fugisse vel propter probabilium exemplorum multitudinem putanda est. nimur illam, si insita ingenii vi uacti sunt, quae quidem opinio prorsus certe reicienda non est, tamen non potuit fieri ut non animadverterent et expolirent retractantes carmina in sechedas coniecta. sin autem scholastico usu, cuius apud poetas Romanos præ ceteris magnum erat momentum, vel propter modum et numeros, quibus aequabiles carminum partes maiore gratia aptantur, illam proprio studio affectabant, magis etiam ad nostram de perfecta et absoluta horum carminum arte sententiam defendendam ubi invenitur confert. ceterum nostra

---

\* ) Haec autem ita accipi nolo quasi quæsitæ responsonis causa unquam versus aut damnandos aut transponendos censeam.

carmina imprimis que ea quae ad periegesin urbis Romae pertinent vix certis modis instructa erant. itaque eorum distributiones strophicae alia potius causa ortae sunt. nam ut rhetores antiqui aequabili partium in orationibus divisioni et amplitudini, ita poetac concinuae carminum singularumque in eis sententiarum formae et expositioni multo magis indulserunt, quam ei plerumque qui hodie versibus condendis operam dant. hoc autem prae ceteris cadit in eas elegias quas de urbe Roma compositas esse vidimus ad Callimachi exemplum; nam Alexandrini quantum talibus artificiis gaudium perceperint notum est.

His praemissis ad rem illustrandam iam libri nostri carmina aliquot strophis disposita exprimenda curabo atque in his distributionis causas etiam copiosius explicabo: ceterorum autem formulas tantum apponam quibus dueti lectores singula ipsi si placet exquirant.

**Carmina e Sexti Propertii elegiarum libro quinto sublata.**

**Carmen Ia.**

- |                                                        |    |
|--------------------------------------------------------|----|
| A. a. Hoc quodcunque vides, hospes, qua maxima Romast, |    |
| ante Phrygem Aenean collis et herba fuit :             |    |
| atque ubi navali stant sacra Palatia Phoebo,           |    |
| Euandri profugae concubuerे boves.                     |    |
| b. Fictilibus crevere deis haec aurea templa           | 5  |
| nec fuit opprobrio facta sine arte casa,               |    |
| Tarpeiusque pater nuda de rupe tonabat,                |    |
| et Tiberis nostris advena bubus erat.                  |    |
| c. Qua gradibus domus ista Remi se sustulit, olim      |    |
| unus erat fratrum maxima regna focus ;                 | 10 |
| curia, praetexto quae nunc nitet alta senatu,          |    |
| pellitos habuit rustica corda patres.                  |    |
| d. Bucina eogebat priscos ad verba Quirites :          |    |
| centum illi in prato saepe senatus erat ;              |    |
| nec sinuosa cavo pendebant vela theatro,               | 15 |
| pulpita sollemnis non oluere crocos.                   |    |

|                                                     |    |  |
|-----------------------------------------------------|----|--|
| B. a. Nulli cura fuit externos quaerere divos,      |    |  |
| cum tremeret patrio pendula turba sacro,            |    |  |
| annua at accenso celebrare Parilia faeno,           |    |  |
| qualia nunc curto lustra novantur equo.             | 20 |  |
| b. Vesta coronatis pauper gaudebat ascellis,        |    |  |
| ducebant macrae vilia sacra boves;                  |    |  |
| parva saginati lustrabant compita porci,            |    |  |
| pastor et ad calamos exta litabat ovis.             |    |  |
| c. Verbera pellitus saetosa movebat arator,         | 25 |  |
| unde licens Fabius sacra lupercus habet.            |    |  |
| nec rudis infestis miles radiabat in armis:         |    |  |
| miscebant usta proelia nuda sude.                   |    |  |
| d. Prima galeritus posuit praetoria Lycon,          | 30 |  |
| magnaque pars Tatio rerum erat inter oves.          |    |  |
| hinc Titiens Ramnesque viri Luceresque coloni,      |    |  |
| quattuor hinc albos Romulus egit equos.             | 32 |  |
| C. a. Nil patrium nisi nomen habet Romanus alumnus: | 37 |  |
| sanguinis alticem non pudet esse lupam.             | 38 |  |
| optima nutricum nostris lupa Martia rebus,          | 55 |  |
| qualia creverunt moenia lacte tuo!                  |    |  |
| b. Moenia namque pio conor disponere versu:         |    |  |
| hei mihi quod nostro est parvus in ore sonus!       |    |  |
| sed tamen exiguo quodecumque e pectore rivi         |    |  |
| fluxerit, hoc patriae serviet omne meae.            | 60 |  |
| c. Ennius hirsuta cingat sua dicta corona:          |    |  |
| mi folia ex hedera porrige, Bacche, tua,            |    |  |
| ut nostris tumefacta superbiat Umbria libris,       |    |  |
| Umbria Romani patria Callimachi.                    | 64 |  |
| d. Roma, fave, tibi surgit opus: date candida cives | 67 |  |
| omina, et inceptis dextera cantet avis.             |    |  |
| sacra diesque canam et cognomina prisca locorum:    |    |  |
| has meus ad metas sudet oportet equus.              | 70 |  |

---

Carmen II.

- A. Quid mirare meas tot in uno corpore formas?  
accipe Vertumni signa paterna dei.

- B. a. Tuscus ego, et Tuscis orior, nec paenitet inter  
proelia Volsinios deseruisse focos.  
haec me turba iuvat, nec templo laetor eburno : 5  
Romanum satis est posse videre forum.
- b. Hae quondam Tiberinus iter faciebat, et aiunt  
remorum auditos per vada pulsa sonos:  
at postquam ille suis tantum concessit alumnis,  
Vertumnus verso dico ab amne deus. 10
- C. a. Seu, quia vertentis fructum preecepimus anni,  
Vertunni vulgus credidit esse sacrum. 12
- b. Nam quid ego adiciam, de quo mihi maxima famast,  
hortorum in manibus dona locata meis?  
caeruleus cucumis tumidoque cucurbita ventre  
me notat et iuncu brassica vineta levi. 14
- c. Nec flos ullus hiat pratis, quin ille decenter  
impositus fronti langueat ante meae;  
prima mihi variat liventibus uva racemis  
et coma lactenti spicca fruge tunet. 15
- d. Hic dulces cerasos, hic autumnalia pruna  
cernis et aestivo mora rubere die;  
insitor hic solvit pomosa vota corona,  
cum pirus invito stipite mala tulit. 15
- a!. Mendax fama, hospes, male fit mihi nominis index:  
de se narranti tu modo crede deo. 20
- C!. a. Opportuna mea est cunctis natura figuris:  
in quamcunque voles verte, decorus ero.
- b. Indue me Cois, fiam non dura puella:  
meque virum sumpta quis neget esse toga?  
da falcem et torto frontem mihi comprime faeno: 25  
iurabis nostra gramina secta manu.—  
arma tuli quandam et, memini, laudabar in illis:  
corbis in imposito pondere messor eram.
- c. Sobrius ad lites: at cum est imposta corona,  
clamabis capiti vina subesse meo. —  
cinge caput mitra, speciem furabor Iacchi:  
furabor Phoebi, si modo plectra dabis;  
cassibus impositis venor: sed arundine sumpta  
Faunus plumoso sum deus aucupio. 30

- |                     |                                                                                                                                                                                                                                                                              |    |
|---------------------|------------------------------------------------------------------------------------------------------------------------------------------------------------------------------------------------------------------------------------------------------------------------------|----|
| d.                  | Est etiam aurigae species Vertumnus, et eius,<br>traicit alterno qui leve pondus equo;<br>suppetat hoc, pisces calamo praedabor, et ibo<br>mundus demissis institor in tunicis. —<br>pastorem ad baculum possum simulare, vel idem<br>sirpiculis medio pulvere ferre rosam.  | 35 |
| a <sup>1</sup> .    | Sic mihi, quod formas nnus vertebar in omnes,<br>nomen ab eventu patria lingua dedit.                                                                                                                                                                                        | 40 |
| B <sup>1</sup> . a. | Et tu, Roma, meis tribuisti praemia Tuscis,<br>unde hodie vicus nomina Tuscus habet,<br>tempore quo sociis venit Lycomedius armis<br>atque Sabina feri contudit arma Tati.                                                                                                   | 47 |
| b.                  | Vidi ego labentes acies et tela caduca,<br>atque hostes turpi terga dedisse fugae.<br>sed facias, divum sator, ut Romana per aevum<br>transeat ante meos turba togata pedes.                                                                                                 | 50 |
| A <sup>1</sup> .    | Sex superant versus (te, qui ad vadimonia curris,<br>non moror.): haec spatis ultima meta meis.                                                                                                                                                                              | 55 |
| D.                  | Stipes acernus eram, properanti falce dolatus,<br>ante Numam grata pauper in urbe deus. —<br>at tibi, Mamuri, formae caelator ahenaæ,<br>tellus artifices ne terat Osca manus,<br>qui me tam docilis potuisti fundere in usus.<br>unum opus est, operi non datur unus honos. | 60 |

## Carmen Ic quod falso Propertii esse fertur.

- |       |                                                                                                                                                                             |    |
|-------|-----------------------------------------------------------------------------------------------------------------------------------------------------------------------------|----|
| A.    | „Quo ruis imprudens, mage, dicere fata Properti?<br>non sunt ah dextro condita fila colo.<br>aversis musis cantas: aversus Apollo:<br>poscis ab invita verba pigenda lyra.“ | 71 |
| A!    | Certa feram certis auctoribus: haud ego vates<br>nescius aerata signa movere pila.<br>me creat Archytæ suboles Babylonius Horops<br>Horon, et a proavo ducta Conone domus.  | 75 |
| B. a. | Di mihi sunt testes non degenerasse propinquos,<br>inque meis libris nil prius esse fide.                                                                                   | 80 |

|                                                         |     |
|---------------------------------------------------------|-----|
| b. Dixi ego, cum geminos produceret Arria natos,        | 89  |
| (illa dabat natis arma vetante deo.)                    | 90  |
| non posse ad patrios sua pila referre penates :         |     |
| nempe meam firmant nunc duo busta fidem. —              |     |
| quippe Lupercus, equi dum saucia protegit ora,          |     |
| heu sibi prolapsu non bene cavit equo :                 |     |
| Gallus at, in castris dum credita signa tuetur,         | 95  |
| concidit ante aquilae rostra cruenta suae.              |     |
| fatales pueri, duo funera matris avarae.                |     |
| vera, sed invito contigit ista fides.                   |     |
| c. Idem ego, cum Cinarae traheret Lucina dolores        | 100 |
| et facerent uteri pondera lenta moram,                  |     |
| „Iunonis votum facite impetrabile“ dixi :               |     |
| illa parit, libris est data palma meis.                 | 102 |
| — — — — —                                               |     |
| — — — — —                                               |     |
| — — — — —                                               |     |
| — — — — —                                               |     |
| — — — — —                                               |     |
| — — — — —                                               |     |
| B1. a. Hactenus historiae : nunc ad tua devehar astra : | 119 |
| inceipe tu sacris aequus adesse novis.                  | 120 |
| b. — — — — —                                            |     |
| — — — — —                                               |     |
| — — — — —                                               |     |
| — — — — —                                               |     |
| hoc neque arenosum Libyae Iovis explicat antrum,        | 103 |
| aut sibi commissos fibra locuta deos,                   |     |
| aut si quis motas cornicis senserit alas,               | 105 |
| umbrave quae magicis mortua prodit aquis :              |     |
| adspicienda via est caeli verusque per astra            |     |
| trames, et ab zonis quinque petenda fides.              | 108 |
| c. Nunc pretium fecere deis, et fallitur auro           | 81  |
| Iuppiter, oblique signa iterata rotae.                  |     |
| — — — — —                                               |     |
| — — — — —                                               |     |
| — — — — —                                               |     |
| felicesque Iovis stellas Martisque rapacis,             |     |
| et grave Saturni sidus in omne caput,                   |     |
| quid moveant pisces animosaque signa leonis             | 85  |
| lotus et Hesperia quid capricornus aqua.                | 86  |

|                                                                                                                                                                                                                                                                                                                                                                                                                                                                     |                                 |
|---------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|---------------------------------|
| d. Umbria te notis antiqua penatibus edit<br>(mentior? an patriae tangitur ora tuae?),<br>qua nebulosa cavo rorat Mevania campo<br>et lacus aestivis intepet Umber aquis<br>scendentisque Asisi consurgit vertice murus,<br>murus ab ingenio notior ille tuo. —<br>ossaque legisti non illa aetate legenda<br>patris, et in tenues cogeris ipse lares :<br>nam tua cum multi versarent rura iuvenci,<br>abstulit exultas pertica tristis opes.                      | 121<br>125<br>130               |
| e. Mox ubi bulla rudi dimissa est aurea collo,<br>matris et ante deos libera sumpta toga,<br>tum tibi pauca suo de carmine dictat Apollo<br>et vetat insano verba tonare foro : —<br>„at tu finge elegos, fallax opus, (haec tua castra)<br>scribat ut exemplo cetera turba tuo.<br>militiam Veneris blandis patiere sub armis<br>et Veneris pueris utilis hostis eris.<br>ei! bene cum fixum mento discusseris uncum,<br>nil erit hoc, rostro te premet ansa suo.“ | 135<br>138<br>141<br>142        |
| f. Iam tibi vietrices, quascunque in amore parasti,<br>eludet palmas una puella tuas :<br>illius arbitrio noctem lucemque videbis,<br>gutta quoque ex oculis non nisi iussa cadet.<br>nec mille excubiae nec te signata iuvabunt<br>limina : persuasae fallere rima sat est. — •<br>nunc tua vel mediis puppis luctetur in undis,<br>vel lieet armatis hostis inermis eas,<br>vel tremefacta cavo tellus diducat hiatum :<br>octipedis cancri terga sinistra time.  | 139<br>140<br>143<br>145<br>150 |

---

### Carmen III.

- A. Haec Arethusa suo mittit mandata Lycotae,  
   cum totiens absis, si potes esse meus.
- B. a. Siqua tamen tibi lecturo pars oblita deerit,  
   haec erit e lacrimis facta litura meis :  
   aut siqua incerto fallet te littera tractu,  
   signa meae dextrae iam morientis erunt.

- |                     |                                                                                                                                                                                                                                                                                 |    |
|---------------------|---------------------------------------------------------------------------------------------------------------------------------------------------------------------------------------------------------------------------------------------------------------------------------|----|
| b.                  | Te modo viderunt [iteratos Bactra per ortus]<br>te modo munito Neuriens hostis equo,<br>hibernique Getae, pictoque Britannia curru,<br>ustus et eos discolor Indus aqua.                                                                                                        | 10 |
| C. a.               | Haecne marita fides et pactae in savia noctes,<br>cum rudis urgente brachia victa dedi? —<br>quae mihi deductae fax omen praetulit, illa<br>traxit ab everso lumina nigra rogo,<br>et Stygio sum sparsa lacu, nec recta capillis<br>vitta data est, nupsi non comitante deo.    | 15 |
| b.                  | Omnibus heu portis pendent mea noxia vota:<br>texitur haec castris quarta lacerna tuis. —<br>occidat, immerita qui carpsit ab arbore vallum<br>et struxit querulas rauca per ossa tubas,<br>dignior obliquo funem qui torqueat Oculo<br>aeternusque tuam pascat, aselle, famem. | 20 |
| c.                  | Dic mihi, num teneros urit lorica lacertos?<br>num gravis imbellis atterit hasta manus? —<br>haec noceant potius quam dentibus ulla puella<br>det mihi plorandas per tua colla notas.<br>diceris et macie vultum tenuasse: sed opto,<br>e desiderio sit color iste meo.         | 25 |
| d.                  | Felix Hippolyte! nuda tulit arma papilla<br>et texit galea barbara molle caput. —<br>Romanis utinam patuissent castra puellis!<br>essem militiae sarcina fida tuae,<br>nec me tardarent Scythiae inga, cum pater altas<br>tetricus in glaciem frigore neectit aquas.            | 30 |
| e.                  | Omnis amor magnus, sed aperto in coniuge maior:<br>hanc Venus, ut vivat, ventilat ipsa facem. —                                                                                                                                                                                 | 35 |
| <hr/>               |                                                                                                                                                                                                                                                                                 |    |
| C <sup>t</sup> . a. | At mihi cum noctes induxit Vesper amaras,<br>siqua relicta iacent, oscular arma tua. —<br>tum queror in toto non sidere pallia lecto,<br>lucis et auctores non dare carmen aves;<br>noctibus hibernis castrensa pensa labore<br>et Tyria in radios vellera secta suos.          | 40 |
|                     |                                                                                                                                                                                                                                                                                 | 30 |

- b. Et disco qua parte fluat vincendus Araxes, 35  
   quot sine aqua Parthus milia currat equus. —  
   cogor et e tabula pietos ediscere mundos,  
   qualis et haec docti sit positura dei,  
   quaes tellus sit lenta gelu, quae putris ab aestu  
   ventus in Italiam qui bene vela ferat.
- c. Adsidet una soror, curis et pallida nutrix 40  
   peierat hiberni temporis esse moras.
- d. Nam mihi quo? Poenis tibi purpura fulgeat ostris 51  
   crystallusque meas ornet aquosa manus. —  
   omnia surda tacent, rarisque adsueta kalendis  
   vix aperit clausos una puella lares.  
   Glaucidos et catulæ vox est mihi grata querentis:  
   illa tui partem vindicat una toro.
- e. Flore sacella tego, verbenis compita velo 55  
   et crepat ad veteres herba Sabina focos. —  
   sive in finitimo gemuit stans noctua tigno,  
   seu voluit tangi parca lucerna mero,  
   illa dies hornis caudem denuntiat agnis,  
   succinctique calent ad nova lucra popae.
- B<sup>1</sup>. a. Ne, precor, adseensis tanti sit gloria Baetris,  
   raptave odorato carbasa lina duci,  
   plumbea cum tortae sparguntur pondera fundae, 65  
   subdolus et versis increpat arcus equis.
- b. Sed (tua sic domitis Parthae telluris alumnis  
   pura trinmphantis hasta sequatur equos)  
   incorrupta mei conserva foedera lecti.  
   hac ego te sola lege redisse velim.
- A<sup>1</sup>. Armaque cum tulero portae votiva Capenae,  
   subscribam „salvo grata puella viro.“ 70

---

### Carmen V.

- A. Terra tuum spinis obducat, lena, sepulcrum,  
   et tua, quod non vis, sentiat umbra sitim,  
   nec sedeant cineri manes, et Cerberus ulti  
   turpia iciuno terreat ossa sono.

|                                                                                                                                                                                                                                                                                                                                                                     |    |
|---------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|----|
| B. a. Docta vel Hippolytum Veneri mollire negantem<br>concordique toro pessima semper avis,<br>Penelopen quoque neglecto rumore mariti<br>nubere lascivo cogeret Antinoo.                                                                                                                                                                                           | 5  |
| b. Audax cantatae leges imponere lunae<br>et sua nocturno fallere terga lupo,<br>posset ut intentos astu caecare maritos,<br>cornicum immeritas eruit ungue genas.                                                                                                                                                                                                  | 13 |
| c. Consuluitque striges nostro de sanguine et in me<br>hippomanes fetiae semina legit equae.<br>exorabat opus verbis, eun blanda pererrat<br>saxos anque terit sedula lympha viam.                                                                                                                                                                                  | 15 |
|                                                                                                                                                                                                                                                                                                                                                                     | 20 |
| C. a. „Si te ea Dorozantum iuvat aurea ripa<br>et quae sub Tyria concha superbit aqua,<br>Eurypylique placet Coae textura Minervae<br>sectaque ab Attalicis putria signa toris,<br>seu quae palmiferae mittunt venalia Thebae<br>murreaque in Parthis pocula coeta focis,<br>sperne fidem, provolve deos, mendacia vinctant,<br>frange et dannosae iura pudicitiae. | 25 |
|                                                                                                                                                                                                                                                                                                                                                                     | 28 |
| b. Dum vernal sanguis, dum rugis integer annus,<br>utere, ne quid eras libet ab ore dies.<br>vidi ego odorati victura rosaria Paesti<br>sub matutino coeta iacere noto.                                                                                                                                                                                             | 57 |
|                                                                                                                                                                                                                                                                                                                                                                     | 60 |
| c. Supplex ille sedet: posita tu scribe cathedra<br>quidlibet. has artes si pavet ille, tenes.<br>semper habe morsus circa tua colla recentes,<br>litibus alterius quos putet esse datos.                                                                                                                                                                           | 37 |
|                                                                                                                                                                                                                                                                                                                                                                     | 40 |
| d. Nec te Medeae delectent probra sequacis<br>(nempe tulit fastus ausa rogare prior.),<br>sed potius mundi Thais pretiosa Menaudri,<br>cum ferit astutos comica moecha Getas.                                                                                                                                                                                       |    |
|                                                                                                                                                                                                                                                                                                                                                                     | 45 |
| e. In mores te verte viri: si cantica iactat,<br>i comes et voces ebria inunge tuas.<br>et simulare moram pretium facit: utere causis:<br>maior dilata nocte recurret amor.                                                                                                                                                                                         | 46 |
|                                                                                                                                                                                                                                                                                                                                                                     | 29 |
| f. Si tibi forte comas vexaverit utilis ira,<br>post modo mercata pace premendus erit.<br>denique ubi amplexu Venerem promiseris empto,<br>fae similes puros Isidis esse dies.                                                                                                                                                                                      | 30 |

|                                                                                          |    |
|------------------------------------------------------------------------------------------|----|
| g. Ingerat apriles Iole tibi, tundat Amycle<br>natalem maiis idibus esse tuum.           | 35 |
| ianitor ad dantes vigilet : si pulset inaus,<br>snrdus in obductam somniet usque seram.  | 36 |
|                                                                                          | 47 |
| a†. Nec tibi dispiceat niles non factus amori,<br>nauta nec attrita si ferat aera manu,  | 50 |
| aut quorum titulus per barbara colla pependit,<br>caelati medio cum saluere foro.        |    |
| aurum spectato, non quae manus afferat aurum.<br>versibus auditis quid nisi verba feres? |    |
| qui versus, Coae dederit nec munera vestis,                                              | 55 |
| istius tibi sit surda sine aere lyra.“                                                   | 56 |
| B†. a. His animum nostrae dum versat Acanthis amicae,                                    | 61 |
| horruit algenti pergula curta foco.                                                      | 68 |
| sed cape torquatae, Venus o regina, columbae                                             | 63 |
| ob meritum ante tuos guttura secta focos.                                                |    |
| b. Vidi ego rugoso tussim concrescere collo,                                             | 65 |
| sputaque per dentes ire cruenta cavos,                                                   |    |
| atque animam in tegetes pntrem expirare paternas;                                        | 67 |
| ossaque per tenues sunt numerata cutes.                                                  | 62 |
| c. Exequiae fuerant rari furtiva capilli                                                 | 69 |
| vincula et immundo pallida mitra situ,                                                   | 70 |
| et canis in nostros nimis experrecta dolores,                                            |    |
| cum fallenda meo pollice clatra forent.                                                  |    |
| A†. Sit tumulus lenae curto vetus amphora collo :                                        |    |
| urgeat hunc supra vis, caprifice, tua.                                                   |    |
| quisquis amas, seabris hoc bustum caedite saxis,                                         | 75 |
| mixtaque cum saxis addite verba mala.                                                    |    |

Atque ut ab eis elegiis exordiamur quae ad periegesin urbis Romae spectant, carm. V, 1a, quod vv. 1 — 70 exclusis vv. 33 — 36; 39 — 54; 65 sq. constare vidimus, *sacra diesque et cognomina prisca locorum* (v. 69) et *moenia* (v. 57) urbis Romae se cantaturum esse ceteris eiusdem generis elegiis Propertius

prooemiatur. Bipartito igitur opere partim regiones et aedificia, partim antiquitates sacras describet. quo consilio ductus ipsum argumentum quod vv. 37 sq.; 55 — 64; 67 — 70 laudata breviter urbis Romae magnitudine proponitur bifarium ita praeparat, ut vv. 1 — 16 quantum Romae tempa aliaque aedificia mutata atque aucta sint, vv. 17 — 32 qua ratione novi et lautiores deorum cultus apud Romanos deinceps in usum venerint maxime enarretur. itaque tres senorum denorum versuum partes habemus. quarum unaquaeque quater quaternos versus comprehendit. namque distichorum paria aut particulis additis aut ipsarum sententiarum vineculo coniecti facile perspicies. qua de causa huius carminis simplex est haec forma :

$$4 \times 4 | 4 \times 4 | 4 \times 4.$$

Hinc missis lacerati carm. V, 1b frustis transgrediamur ad carm. V, 2; de cuius dispositione ita disseruit Hertzbergius I p. 82, ut rerum rationem sensisse quidem neque tamen satis diligenter exposuisse censendus sit. hoc enim carmine, cuius vv. 41 — 46 post v. 12 inseruimus, id maxime agit poeta, ut, praefatus de falsa Vertumui nominis origine vv. 11, 12; 41 — 46; 13 — 20, veram eius explicationem tradat vv. 21 — 40; 47, 48. his igitur versibus cum duae primariae carminis partes contineantur, priori praecedunt (vv. 3 — 10.) posteriorem secuntur (vv. 49 — 56.) octoni versus. qui cum utrique Vertumnus a Tuscis Romam transmigrasse ibique ut semper sedem teneat optare ostendant, manifesto sibi respondent. denique restant in initio vv. 1 sq. quibus auditoris animum attendit deus, in fine vv. 57 sq. perorasse se neque diutius illum moratum iri dieit. hic autem accedunt vv. 59 — 62 Mamurium artificem laudantes. et haec quidem haec tenus de primariis elegiae partibus. ad singula ut veniamus, vv. 3 — 10 et vv. 49 — 56 utrique bis quaternos versus efficiunt vel particulis (cfr. v. 9 et 55) vel sententia ipsa (cfr. v. 51) coniugatos. neque aliter composita est de falsa Vertumni nominis fama enarratio. namque falsus de illo apud

vulgus rumor vv. 11 sq. significatur, vv. 19 sq. reicitur: quare hos sibi versus opponi manifestum est. in medio autem eur perperam de nomine suo statuerit fama ter quaternis versibus exponit Vertumnus, quoniam continentur vv. 15—18 anaphora (v. 15 *hic-hic*, v. 17 *hic*), vv. 45 sq. et 13 sq. pronomine primae personae (v. 46 *impositus fronti meae*; v. 13 *mihi variat*), vv. 41—44 commemoratis v. 43 hortorum fructibus quos v. 42 indicit. similis etiam alterius de vera nominis explicatione partis est dispositio. binis enim versibus (vv. 21 sq. et vv. 47 sq.) argumentum pronuntiatur et absolvitur. at interpositi sunt non ter quaterni, sed ter seni versus; quem quidem versuum numerum paulo maiores servato eodem stropharum numero Vertunno iam suam sententiam proferenti quivis, puto, facile concedet, praesertim cum ne hic quidem quaternarius numerus prorsus neglectus sit. in initio enim cum vv. 23—26 imperativis contineantur, his adieciuntur vv. 27 sq. qui propter similem in v. 28 et 26 sententiam ab illis separandi non sunt. in sequentibus autem duos vv. 29 sq. excipiunt vv. 31—34 deorum quos imitari se posse Vertumnus adseverat nominibus conexi. reliqui versus iterum sic probabiliter distribuuntur, ut quattuor versus duobus praeeedant. ergo singulis his strophis inter se comparatis ad chiascum versus compositos esse intelleges. denique etiam Mamuri laus ita comparata est, ut duos versus sequantur quattuor arctioribus vineulis cohaerentes. ergo totius carminis dispositionem hac tabula describere possumus:

2. | 2 × 4 | 2. 4. 4. 4. 2. | 2. 4 + 2. 2 + 4. 4 + 2. 2 | 2 × 4. | 2 | 2 + 4.

---

Iam transiliamus ad carm. V, 4, in quo vv. 71 sq. ante v. 27 inserendos, sed post v. 26 aliquot versus omissos esse docuimus. atque his rebus observatis, praeterquam quod vv. 1 sq., vv. 69 sq., vv. 93 sq. argumentum significatur in initio et fine carminis et ante eam narrationem in qua fabulae cardo vertitur, quattuor maxime huius carminis partes inveniuntur,

quarum distributionem et responcionem perspicies hac formula comparata:

$$\underline{2 \cdot | 4 + 2 \cdot 4 + 2 \cdot | (4 + x) \times 4 \cdot | 2 \cdot 9 \times 4 \cdot 2 | 2 | 2 + 4 \cdot 4 \cdot 4 \cdot 2 + 4 \cdot | 2 \cdot }$$

Nune venimus ad carm. V, 6b quod omissis vv. 45 sq. constat e V, 6 vv. 11—68. huius autem cum vv. 11 sq. et vv. 67 sq. argumentum solito more proferatur et absolvatur, cetera tripartita sunt in hunc modum:

$$\underline{2 \cdot | 4 \times (2 + 4) | 4 \times 4 | 2 \times (2 + 4) | 2 \cdot }$$

Age iam transeainus ad carm. V, 9, in quo vv. 43 sq. ante v. 67, sed vv. 67 sq. ante v. 33 inseruimus; praeterea electo v. 42 post v. 41 nec non post v. 64 aliquot versus deperditos esse concessimus. quibus rebus cum carminis integritas diminuta sit, tamen tribus partibus enarrari appetet primum vv. 1—20 fori Boarii originem, tum vv. 21—70 Herculis cum Bonae deae sacerdotibus certainam et arae maximaes originem cultumque, denique vv. 71—74 Sancti cognominis causam. itaque huius elegiae haec videtur esse forma:

$$\underline{6 \cdot 2 \times 4 \cdot 6 | 2 \cdot 2 \times \overbrace{4 \cdot 2 \cdot (2 + x) \times 6 \cdot 2 \cdot 2 \times \overbrace{4 \cdot 2 \cdot 2 \cdot 6 (?) \cdot 4 \cdot }}$$

Atque etiam carm. V, 10 distributio omissis aliquot ante v. 43 versibus incerta est. quanquam praeter vv. 1—4 et vv. 45—49 quibus argumentum proponitur et clauditur tres de spoliis opimis ter relatis narrationes facile discernuntur. qua de causa hanc elegiam ad hunc modum conditam esse putaverim:

$$\underline{4 \cdot | 6 \cdot 6 \cdot 6 \cdot | 8 \cdot 8 \cdot | 6 \cdot 6 \cdot 6 (?) | 4 \cdot }$$

His absolutis iam reliqua videamus carmina, et primum quidem carm. V, 1c quod complecti invenimus V, 1 vv. 71—80; 89—102; 119, 120; 103—108; 81—86; 121—138; 141, 142; 139, 140; 143—150. tres autem huius elegiae

partes nemo non agnoscet. initium enim carminis quattuor versibus adversarium de horoscopi arte dubitantem ostendit (vv. 71—75.): quem totidem versibus ita refellit ille, ut aversis musis aversoque Apollini opponat maiores suos, quibus certis auctoribus certa oracula datus sit. huic prooemio tum subiectiuntur duae principales elegiae partes. nam horoscopus usque ad v. 119 dubitationes de fide sua et arte prolatas perlustratis eis vaticiniis quae vera dederat refutat; inde ab hoc versu praemissa per oraculum de Propertii vita narratione ipsum Cynthiae amorem vaticinatur. atque altera pars, ab hac ut initium capiamus, quia minus mutilata videtur, uno disticho praeparatur vv. 119 sq. at, missis interim quos inter v. 120 et v. 121 inseruimus versibus, tum deceem versibus de ortu primaque iuventute Propertii disserit horoscopus vv. 121 — 130; deinde totidem versibus imperium ab Apolline adulescenti datum refert vv. 130 — 139; 141, 142; denique iterum deceem versibus superbae Cynthiae amorem praedicit vv. 139, 140; 143 — 150. hae autem denorum versuum strophae ad chiasmi modum ita conformatae sunt, ut in prima sex versibus quattuor subiciantur, in altera totidem versibus quattuor praecedant, in tertia rursus sex versus quattuor subsequantur. prioris autem partis item, ut alterius de qua modo locuti sumus, argumentum uno disticho pronuntiatur vv. 79 sq. atque de Arriae filiis oraeculum etiam decem versibus enarratur vv. 89 — 98. his pertractatis restant e priore parte vv. 99 — 102, e posteriore vv. 103 — 108 et 81 — 86; de quibus, quoniam vicini eorum versus exciderunt, certi nihil diei potest. tamen cum vv. 103 — 108 senarium, vv. 99 — 102 quaternarium numerum, quem in denorum versuum strophis illis observavimus, haud dubie exhibeant, hos versus olim similium stropharum membra fuisse cum aliqua probabilitatis specie conici licet. quibus de causis huius elegiae hanc formulam proponimus:

$$\underline{4 \cdot 4 \cdot | 2 \cdot (1 + x) \times 10 |} \underline{2 \cdot (x + 3) \times 10}$$

Minus turbata est carm. V, 3 dispositio. quanquam etiam in hoc vv. 43 — 50 post v. 28 insertis lacunas notavimus

ante v. 29 et ante v. 51. quae cum ita sint, tamen certa haec sunt. et primum quidem epistulae inscriptioni (vv. 1 sq.) respondet sine dubio armorum votivorum titulus (vv. 71 sq.). illam autem secuntur bis quaterni versus quibus Lycotae in bellis absentiam Arethusa deplorat (vv. 3 — 10.); totidemque huic praecedunt (vv. 63—70) quibus eadem absentem maritum ut Parthorum tela caveat et fidus uxori mox redeat monet. in medio autem carmine usque ad v. 28 Arethusam malis omnibus se nuptam duramque coniugis militiam queri, inde a. v. 29 tristem suam in relictis aedibus cum paucis ancillis vitam describere praetermissis interim vv. 41—56 observamus. in utraque autem parte senorum versuum strophae ita conformatae sunt, ut singulis distichis bina subiungantur. nam Arethusa vv. 11—16 invitatis deis se nuptam Lycotae plorat; vv. 17—22 armorum inventorem execratur; vv. 23—28 maritum dura militia vexatum ostendit; itemque vv. 29—34 quid deserta noctibus egerit narrat; vv. 35—40 se terrarum situm, in quibus versetur coniunx, ediscere refert; vv. 57—62 pro reditu coniugis cotidie vota se facere affirmat. his explicatis age iam redeamus ad vv. 41—56. quorum vv. 43 — 50 post v. 28 transtulimus. atque vv. 43—48 optat Arethusa ut asperae militiae consors esse possit maritum secuta. hoc autem votum ut manifesto ad priorem elegiae partem quae vv. 1—28 continetur pertinet, ita etiam ea sententia quam ad vv. 49 sq. intellegendos subaudiendam esse indicavimus, scilicet mariti amore omnia pericula militiae leniri, tamen arctis eum eadem parte vineulis conexa est, ut hi versus inde separari non possint. itaque prioris partis iam habemus quinque senorum versuum strophas: nam quattuor tantum post v. 50 omissos esse versus, dummodo hi sententiae satisfaciant, nostro iure statuimus, quoniam ne illud quidem certius evinci potest, plures quam quattuor excidisse. ab altera autem parte circumclusi sunt vv. 41, 42 et vv. 51—56; eidemque parti aperte tribuenda est querella qua ante vv. 51 sqq. Arethusam desertam de sordidis vestibus suis locutam esse coniecumus. atque haec etiam quattuor versibus absolvi poterat. itaque cum vv.

51 — 56 haud dubie senarium numerum repetant, in altera quoque parte quinques senos versus invenimus. quae cum ita sese habeant, totum carmen ita conformatum est:

2. | 2 × 4. | 5 × (2 + 4) | 5 × (2 + 4) | 2 × 4. | 2.

Iam adeamus carm. V, 5, cuius versus exclusis vv. 9 — 12 ita ordinavimus: 1 — 8; 13 — 28; 57 — 60; 37 — 46; 29 — 36; 47 — 56; 61; 68; 63 — 67; 62; 69 — 76. in medio carmine lenam post praecepta in universum data quibus artificeis irretiri et diripi possit amator docere supra observavimus. octo autem versibus (vv. 21 — 28.) ut pudicitiam abiecat divitiarum quaerendarum causa puella admonetur; quibus respondent quodammodo totidem versus qui in fine orationis et ipsi ad divitias captandas adhortantur (vv. 49 — 56.). interpositi iam sunt viginti quattuor versus quos utrum ter octonus an sexies quaternos efficere dicas dubitare potes. sed tamen cum vv. 57 — 60 et vv. 41 — 44 sua sententia conexi a ceteris separantur, reliquorum quoque praeceptorum quae singulis distichis continentur paria semper quaternis versibus coniungere praestabit. denique lenae oratio utrimque circumdatur senis denis versibus. quorum manifesto vv. 1 — 4 et vv. 73 — 76 sibi respondent, quoniam utrique in mortuac lenae exsecrationibus versantur. neque inter reliquos certa quaedam sententiarum necessitudo deest. nam vv. 5 — 8; 13 — 20 de lenae vi magica praefatus quid in ipsum commiserit poeta exponit; atque vv. 60 — 72 propter ipsa haec peccata mulierem a Venere subita morte punitam et mortuam turpi funere elatam esse refert. ceterum hos versus, praesertim cum vv. 5 — 8 et vv. 69 — 72 a reliquorum argumento paululum recedant, et in initio et in fine elegiae quaternorum versuum strophis dispositos esse facile concedes. itaque totius carminis hanc formam invenimus:

4. | 4.4.4. | 8.4.4.4.4.4.4.8. | 4.4.4. | 4.

Eadem fere dispositionis concinnitas deprehenditur in carm. V, 6a, quod e V, 6 vv. 1 — 10 et vv. 69 — 86 constare censemus, at omissis aliquot post v. 85 versibus. exhibit enim usque ad v. 82 sex quaternorum versuum strophas; indeque qui reliqui sint vv. 83 — 86 similium stropharum fragmenta esse veri est simile.

Multo autem magis perturbata est carm. V, 7 distributio versibus deperditis. nam translatis vv. 35 — 38 post v. 76 et vv. 51 — 54 post v. 22 lacunas invenisse videmur post v. 34 et 50. tamen harum rerum ratione habita probabiliter hanc partium seriem quamvis minus congruam statuemus:

2. 2×4|4×4|3×4+x|x+3×4|x+2.6.2|2.5×4.2|2×4|2.

Elegantiorum autem et concinniorum partium responsionem prae se fert carm. V, 8, cuius vv. 19 sq. post v. 2 reduximus. atqui bipartita est tota elegia: praemissa vv. 1 sq. et 19 sq. argumenti pronuntiatione vv. 3 — 18; 21 — 26 Cynthiae ad draconem Lanuvium iter describitur; vv. 27 — 88 quid absente amica poeta commiserit enarratur. atque posteriorem partem manifesto vv. 27 sq. praeparari, vv. 87 sq. absolvit nunc disertis verbis moneo propter eam emendationem quam illa horum versuum responsione confirmari supra contendi. cetera autem ut facile perspiciant lectores, haec tabula curabo:

4. 14.4.4.|2.6.2.6.|4+2.2+4.|4+4.4+4.|2+4.4+2.|4|2.

Denique carm. V, 11, cum aliis de causis imperfectum esse statuerimus, ne compositionem quidem certam ostendit. sed tamen si vv. 65 sq. post v. 60, vv. 97 sq. post v. 62 probabiliter inseruimus, certos versuum ordines sententiae vineulis arctissime coninnetos esse sentimus ad hunc modum:

$2 \times 4.2.4 \times 4.2.2 \times 4.5 \times 6.8.8.4.2 \times 6.4.$

at in hae compositionis specie quae versuum numero paria sunt sententia semper discrepant. itaque hoc quoque nou

perpoliti carminis documentum habemus. atque carm. V, 7,  
cum proxime ad hanc inconcinnitatem accedat, quanquam  
hoc utrum versibus deperditis deformatum an ab ipso poeta  
non satis diligenter conformatum sit dubium est, tamen non  
omnibus numeris absolutum esse concedere possum, quia in  
singulis etiam sententiis verbisque rudia quaedam et incon-  
dita nescio quo modo sentire mihi videor. sed ut ineustum  
hoc est, ita ceteras elegias perfectas esse pro certo probari  
censeo exposita partium concinnitate qua etiamnunc, ex parte  
versibus deperditis laceratae, excellant.

## Caput IV.

Quo tempore libri quinti carmina Propertius  
scripsisse videatur quaeritur.

Iam carminum nostrorum tempora definitur pauca prae-  
mittenda sunt et de annis quibus Propertius Cynthiae  
amore tenebatur, et de tempore quo quattuor  
libros priores in publicum emisit: quippe quibus de  
rebus neque inter se consentiant et quaedam etiam falsa dis-  
putaverint viri docti. atque priorem quaestionem inci-  
pere licet a carm. V, 1 vv. 129 sqq. haec autem de qua hie  
loquitur auctor agrorum adsignatio non nota illa a. 71<sup>3/4</sup> (40)  
est, sed a. 724 (30), quo post victoriam Actiacam Augustus  
veteranos donavit; ad hanc enim solam rationem cetera de  
Propertii vita testimonia accommodari possunt. itaque Pro-  
pertium, cum non ita multo post togam virilem sumpserit  
(cfr. v. 131.), cuius rei legitimum fuisse constat annum aetatis  
sextum decimum, natum esse consequitur a. fere 708 (46).  
quae quidem computatio, etiamsi iure negasset Hertzbergius  
ad h. v. *mox* particulam ad tempus spectare, tamen ab aliis  
testibus comprobaretur. congruit enim praeter ceteras ipsius  
Propertii de vita sua narrationes etiam Ovidius Trist. IV, 10  
vv. 45 sq. et vv. 51 sqq. nam Propertium, qui Ovidio a. 711  
(43) nato maior, sed Tibullo ut videtur circiter a. 700 (53)  
nato minor hic dicatur, fere a. 708 (46) natum esse conser-  
taneum est. atque quo tempore togam virilem naetus sit, a.  
724 (30) Lycinnae amore primo se flagrasse professus est poeta  
IV, 15, 3 sqq. iam vero cum Lycinna imbuisse tantum amore

rudes animos feratur, post breve tempus abdicata illa sine dubio Cynthiae amor coepit vel ipso a. 724 (30): quo solo iam per tres annos fere i. e. usque ad medium circiter a. 726 (28) ardere se dicit vv. 7 sq. nam statim post Lyciunae abdicationem eadere hos tres annos eluebit eis pertractatis quae praeterea de amore suo poeta refert. atqui quinque annos fideliter Cynthiae se serviisse narrat IV, 25 v. 2. hoc autem spatium quinquennale quem ad annum pertinuerit appareat e carm. III, 10. quod carmen ut veram sedem in libro quarto olim obtinuisse arbitramur\*), ita cum Lachmanno (cfr. edit.

\*) Nam Heimreichius quaest. Propert. pp. 22 sqq. carm. IV, 9 vv. 47—58, quos cum carm. III, 10 coniungendos esse intellexit, e libro quarto post carm. III, 10 v. 20 (nam carm. III, 10 vv. 21—26 ante v. 1 posuit) simulque reliquos carm. IV, 9 versus hue retraxit, sed probata secundi qui olim ferebatur libri divisione Lachmanniana carm. III, 10 vv. 21—26; 1—20; IV, 9 vv. 47—58 libri secundi epilogum, carm. IV, 9 vv. 1—46; 59 sq. libri tertii prologum esse voluit. nimurum Propertium discidio cum Cynthia facto promisso Augusto se res ab ipso gestas omissa poesi amatoria celebraturum esse carmine epico, sed eundem, postquam cum amica in gratiam redierit, carmine ad Maeccenatem scripto hoc munus detrectasse. at huic ratiocinationi Eschenburgius in lib. miscell. pp. 94 sqq. haec duo maxime argumenta iure suo opposuit. primum non a Maeccenate veniam petendam fuisse poeta, sed ab ipso Augusto propter reiectum eius operis consilium quod ipsi principi promiserit. idemque merito miratur quod non propter Cynthia recuperatam (id quod flagitat Heimreichii ratio) carmina amatoria se compositurum scribat poeta, sed quia ad elegias tantum faciendas aptus sit (cfr. IV, 9 vv. 43—46). praeterea autem quo pacto factum est, ut ne coram Maeccenate quidem epicis carminis quod Augusto pollicitus erat ullam mentionem iniciat eiusque omissi venian petat? nam epistula illa ad Maeccenatem missa ita comparata est, ut is primus a Propertio epicum carmen petuisse videatur (cfr. IV, 9 vv. 1 sqq.; vv. 21 sqq.). sed ne Augusti quidem res ut laudaret, rogavit ille, si quidem e carm. IV, 9 vv. 37 sqq.:

*non flebo in cineres arcem sedisse paternos  
Cadmi, nec septem proelia clude pari,  
nec referam Scacas et Pergama Apollinis arces  
et Danaum decimo vere redisse rates,  
moenia cum Graio Neptunia pressit aratro  
victor Palladiae ligneus artis equos —;*

Lipsiensis praef. pp. XXV sq.) scriptum esse censemus maxime propter vv. 7 sqq., postquam Propertius Cynthiam omnino

ex his igitur si conjecturam facere licet de illius quod optavit Maeenas carminis epicis argumento. nam si Augusti laudes postulavit amicus, cur veteres istas fabulas potius quam has ipsas suis viribus maiores esse poeta confessus est, praesertim cum haec cansam argumentis probabilioribus et in Augusti honorem compositis exornare posset? atqui si antiquas fabulas poetae commendaverat Maeenas, ne posse quidem eum id agere carm. IV, 9 perspicuum est, ut propter abiectum de Augusto opus veniam impetraret. quare cum inter carm. III, 10 et carm. IV, 9 ea non intercedat ratio quam voluit Heimreichius, nulla est causa cur carm. IV, 9 totum in librum tertium transponamus. ergone omnino veniam non petit Propertius, sed nullis prolatis cansis tertium de amore suo librū condidit? at profecto ita neglegere Augustum nullo modo potuit. qua de causa carm. III, 10 neque librum secundum clandere neque tertium incipere potest. nam in tertio libro non solum multis elegiis Cynthiam celebrat, sed etiam carm. III, 34 totius libri epilogi amatoriam poesin unice commendat poeta, quam in carm. III, 10, si prius huius libri locum obtinet, tanquam prooemio omissurum se esse dixerat. a secundi autem fine vel ea de causa excluditur haec elegia, quod quas nunc se cantaturum pollicetur laudes Augusti, easdem in initio suo ingenio maiores esse fatetur carm. II, 1 vv. 41 sq.:

*nec mea convenienti duro præcordia versu  
Caesaris in Phrygios condere nomen avos.* —

quibus versibus se Caesaris nomen laudibus cantatis avorum Troianorum qui factis præclari sint turbae in aeternam memoriam interponere posse negat. quae cum ita sint, nil reliquom est, nisi ut carm. III, 10 in librum quartum transferatur. nam hoc cum carm. IV, 9 vv. 47—58 conectendum esse auctore Heimreichio etiam post Eschenburgium in lib. miscell. p. 95 adn. teneo. qui cum universam illorum versuum sententiam cum carm. III, 10 consilio pugnare contenderit, non satis animum attendit ad *vel* particulam v. 47. atque hac transpositione qua carm. III, 10 in librum quartum transmigrat probata facilius intellegitur quomodo carm. III, 11, quod ad secundum librum pertinere vedit Heimreichius quaest. Propert. p. 26, ab illo separatum sit intruso e libro quarto carm. III, 10. quam difficultatem Heimreichius sua ratione commendata machinis artificiosioribus removere conatur. liber igitur secundus finitur carm. III, 11, tertius incipit carm. III, 12. nimirmus Propertius, postquam cum Cynthia in gratiam rediit (II, 3.), post varias pugnas (II, 5; 6.) pace iterum facta (II, 7) postremo tamen perfidiam amicæ tantum esse perspicit (II, 8; 9.) ut reliquam nunquam carminibus

abdicaverit. namque et ipsum carmen illa transpositione facta cum eis elegiis quae de expulsa Cynthia scriptae sunt (cfr. IV, 24 et 25.) uno eodemque libro comprehenditur et Hertzbergio I pp. 217 sq. qui illud propter v. 16:

*et domus intactae te tremit Arabiae*

discidio orto compositum esse a. 729 (25) voluit, satis iam respondit Eschenburgius in lib. miscell. pp. 94 sq. nos unum addimus: neque enim verisimile est Propertium illo carmine (cfr. III, 10 v. 15.) adlocutum esse absentem Augustum, qui tamen a. 729 (25) pugnabat adversus Cantabros; unde a. 730 (24) demum, ut Dio l. LIII, 28 commemorat, Romam rediit, itaque Eschenburgius l. l. p. 95 ipse carm. III, 10 fine a. 731 (23) aut initio a. 732 (22) scriptum esse suspicatur; quod tempus indicari putat vv. 13 sqq. de expeditione Parthica scriptis. sed nescio an longius etiam progrediendum sit usque ad a. 732 (22) finem. nam Dio l. LIV, 6 ἐν φόρῳ ταῦτα inquit ἔγιγνετο (i. e. dum Gaius Petronius in Aethiopiam expeditionem facit, de qua cfr. Mommsenus in reb. gest. divi Augusti pp. 73 sqq. et Peterus hist. Rom. III p. 27), ὁ Ἀνγούστος ήσε Σικελίαν ἤλθεν, ὅπως καὶ ξείνην καὶ τάλλα τὰ μέχρι τῆς Συρίας καταστήσῃται; inde autem per Graeciam in Syriam profectum illum a Parthis signa Crassiana recepisse a. 734 (20) idem Dio l. LIV, 8 scribit. ergo antequam in Siciliam profectus est Augustus Asiaticam quoque expeditionem paratus, non potuit scribere Propertius in carm. III, 10 Parthos metu percusos esse. atqui illue non potest abiisse Caesar

se ornatrum esse minetur (III, 11.). sed hanc ita multo post redintegrata amicae memoria carm. III, 12, quo Amorem de pectore suo nusquam evolare miratur, proemiatur quodammodo sequentibus de Cynthia elegiis. sed instans secundi libri epilogu, tertii prologum desideras; quos tamen deesse mirum non est, si hi libri una editi sint. qua de re mox plura proferemus. ceterum carm. III, 10, iam ei libro insertum quo Cynthia abdicavit poeta (cfr. IV, 24 et 25.), non est cur scriptum esse opinemur cum Heimreichio quaest. Propert. p. 39 per discidium aliquod, cuius aliud in elegiis Propertianis vestigium non adesse videbimus.

nisi a. 732 (22) exeunte propter diversas res quas eum antea Romae eodem anno administrasse Dio l. LIV, 1 sqq. auctor est. neque cum hoc tempore pugnat quod Indianum Augusti triumpho colla dare Propertius gloriatur. namque a. 734 (20) Indos legatis Samum missis Augusto amicitiam eamque antea nuntiatam obtulisse refert Dio l. LIV, 9. neque vero hanc amicitiam quae illo demum anno rata facta sit credibile est iam olim pronuntiatam esse ab eis legatis quos a. 728 (26) vel a. 729 (25) Tarragonem ad Augustum ab Indis missos esse narrat Orosius VI, 21. sed multo magis consentaneum est, ubi Caesarem in Siciliam et Graeciam profectum expeditionem orientalem apparare acceperint a. 732 (22), missos esse ab Indis nuntios ad amicitiam promittendam. neque tamen trans huius anni fines regredi possumus, quoniam Caesarem etiamtum Romae fuisse censemus, ubi ad eum miserit Propertius carm. III, 10. hoc igitur, quod expulsam ostendit Cynthiam, cum a. 732 (22) exeunte scriptum sit, hinc demendi sunt quinque anni, per quos duravit constans et certus Cynthiae amor. quo facto eum exeunte a. 727 (27) incepisse invenimus; cfr. Eschenburgius l. l. p. 93 et p. 97. sed per unum annum discidio orto a Cynthia contemptum se esse scribit Propertius IV, 16 v. 9. qui annus, quoniam *fideliter* se quinque annos amicæ serviisse immerito pronuntiaret poeta IV, 25 v. 2, si per unum eorum annorum propter peccatum nescio quod expulsus fuisset, Lachmanno edit. Lipsiensis praef. pp. XXIII et XXVI iure videtur incidere ante spatium illud quinquennale. an post hoc eum statues interpretes antiquos sectutus, ubi poeta ipse potius Cynthia in perpetuum excussit, quam ab illa in annum expulsus est? discidium igitur illud a. 726 (28) exeuntem et a. 727 (27) ineuntem comprehendit. ad medium autem a. 726 (28), quo factum est discidium, amoris tres primos annos qui post contemptam Lyceinam initium ceperint pertinere supra coniecimus. quod nostro iure ita suspicati sumus: neque enim post peccatum illud quo discidium ortum est poeta ausus esset scribere ad Cynthia, ut non fugit Lachmannum l. l. praef. p. XXVI, carm. IV. 15 vv. 7 sqq.:

*tertius haud multo minus est cum ducitur annus:  
vix memini nobis verba coisse decem.  
cuncta tuas sepelivit amor nec femina post te  
ulla dedit collo dulcia vincla meo.*

His pertractatis iam licet transgredi ad alterum locum quierat de singulorum librorum et conscriptorum et editorum tempore. atque e primo libro carmen primum per discidium quod saepius memoravimus compositum esse perspexit Lachmannus l. l. praef. pp. XXIII sq. neque sine probabilitate ad idem tempus rettulit eiusdem libri carmina 12, 13, 16, 17 Eschenburgius l. l. pp. 92 sq. adn. idemque quamvis incerta conjectura carm. I, 6 a. 724 (30) adscripsit. editus autem est totus liber uno mense antequam secundus scribi coepitus est, propter II, 2 vv. 1, 2 collatos cum II, 3 vv. 1 — 4; cfr. Lachmannus l. l. praef. pp. XXIV sq. et XXVII. secundi autem libri compositio initium cepit propter carm. II, 7, quod amicitiam redintegratam aperte prae se fert, post discidium illud, de quo locuti sumus, itaque a. 727 (29) medio. quacum ratione congruit quod Eschenburgius l. l. pp. 91 sq. alia ratiocinatione quamvis non tam firma carm. II, 7 eodem tempore conscriptum esse invenit. ergo liber primus medio fere a. 727 (27) in publicum emissus est. sed secundum librum una cum tertio publici iuris factum esse accurata interpretatione e carm. III, 24 vv. 1, 2 Lachmannus l. l. praef. p. XXVII elicuit. atque haec quidem eo firmatur sententia quod carm. III, 31 sine dubio non ita multo post Apollinis in Palatino templum cum porticibus dedicatum mense Octobri a. 726(28) conditum est; in idem igitur tempus referri potest quo libri secundi carmina prima scripta esse modo significavimus. sed secundum tertiumque librum una coniunetos etiam cum quarto publico usui propositos esse a poeta a. 732 (22) fere frustra suspiciati sunt propterea quod, ut carm. IV, 24 et 25, ita etiam carm. III, 10 Cynthiam prorsus abdicatam ostenderet. haec argumentatio nunc reiecto necessario in librum quartum carm. III, 10 nullo fundamento innititur neque eo stabilitur quod Eschenburgius l. l. p. 96 carm. IV, 20b Cynthia

recuperata i. e. eodem fere quo carm. II, 7 tempore confectum esse coniecit, argumentis ille usus, ut infra exponemus, parum probabilibus. verum aliud etiam obstat. nam illud ut praetermittam quod liber quartus suum prologum habet: qui carm. III, 13b vv. 25 sq.:

*sat mea sat magna est si tres sint pompa libelli,  
quos ego Persephonae maxima dona feram,*

quos versus ad poetae ipsius libros spectare evicit Lachmannus l. l. praef. pp. XXI sq., scribere vel tertio libro inserere potuit poeta, si post primum tres sequentes libros coniunctos edidit itaque iam non tres, sed quattuor libros se confecisse lectoribus monstravit? ergo primo libro antea edito coniunctos secundum tertiumque, postea quartum separatum addidit. atque illos quidem a. 729 (25) fere editos esse demonstrat carm. III, 34 quod epilogi eorum munere fungitur. nam Cornelius Gallus poeta, quem nuper mortem sibi concevisse significant vv. 91 sq., e vita decessit a. 728 (26), ut Dio l. LIII, 23 auctor est. atque ad idem fere tempus revocari possunt eiusdem elegiae vv. 61 — 79. quos Propertius, cum lectis scilicet aliquot imperfecti operis libris iudicium ferat de Vergilii Aeneide, certe ante a. 729 (25) scripsisse nequit, quoniam Aeneidis incohatae a. 725 (29) particulas aliquot a. 731 (23) demum Caesari quamvis instanti Vergilius recitavit; efr. Ribbeckii proll. Verg. p. 60. quartus denique liber exiguo post librum secundum tertiumque emissum spatio interiecto componi coepitus videtur. nam a. 731 (23) confectum est carm. IV, 18 non multo ut videtur post Marcelli, Octaviae filii, subitam mortem, de qua auctor est Dio l. LIII, 30. editum autem esse hunc librum brevi post a. 732 (22) exeuntem tempore intermisso demonstratur, ut saepius iam memoravimus, carmine quod olim erat III, 10 collato cum carm. IV, 24 et 25. atque intra eosdem fines continentur etiam carm. IV, 4; 5; 12 quae ad Parthicam expeditionem hoc tempore paratam pertinent. sed excedunt eos carm. IV, 15 et 20b et ni fallor etiam 20. nam carm. 15 ante annum illud discidium quod saepe tractavimus confectum esse iam monuimus. tum ne

carm. 20b quidem eo tempore quo cetera libri quarti carmina scriptum esse perspexit Eschenburgius l. l. pp. 93 et 96. sed eundem hanc elegiam non multo post Cynthiae reconciliatio nem compositam esse suspicatum redarguant vv. 15 sq. et vv. 24 sq. quo enim pacto amica reconciliata tantum amorem et torum *novum* poeta dicere potuit? quo pacto uno iam discidio facto, ut *prima* omnia fidem continerent, rogare potuit? ergo hoc carmen ego quidem in id tempus retraxerim, ubi Cynthia prima consuetudine contracta poetae *primam noctem* (cfr. v. 11.) concessit. neque vero illud ideo librum secundum tertium quartum eodem tempore emissos esse demonstrare potest: immo vel ante secundi tempus confectum est. eodem autem tempore conscriptum esse videtur carm. 20 quo ni fallor Cynthia a vetere amico in Africam profecto desertam sibi conciliare studet Propertius. nam de Cynthia verba fieri docet *doctus avus* v. 8 collatis earm. III, 13 vv. 9 — 12. atque hoc carmen post discidium scriptum vix dici potest, quia nullum adest redintegrati amoris signum. tria igitur haec carmina contra temporis ordinem in libro quarto collocata esse manifestum est, quia poeta primas elegias Cynthiae inscriptas, quas olim librum primum editurus retinuerat, nunc abdicata omnino amica ultimis ad illam missis (carm. IV, 24 et 25) opponere voluit, simul omnia quaecunque de illa scripsérat comprehensurus. an ut temporis ordinem non neglexisse eum probes, quattuor libros omnes una editos esse conicies? id quod refutari firmissimis argumentis vidimus. namque quominus ab amicis librum quartum post Propertii mortem editum et ab eis omnia quae in scrieniis eius invenerint carmina evulgata esse spreto temporis ordine statuamus, praeter alias causas vel prologus impedit quo huic libro prooemiantur poeta. ergo librum quartum non multo post a. 732 (22) separatim emissum esse tenemus. itaque ut quae invenisse nobis videamur breviter comprehendamus: Propertius

a. 708 (46) fere natus est;

a. 724 (30) toga virili sumpta cum Lycianna, postea cum Cynthia primam amoris consuetudinem contraxit;

- a. 724 (30) usque ad medium a. 726 (25) Cynthiae amore tenebatur;
- a. 726 (28) usque ad a. 727 (27) medium a Cynthia pulsus erat;
- a. 727 (27) medio lib. I edidit prioribus annis scriptum simulque lib. II et III recuperata Cynthiae gratia scribere coepit;
- a. 729 (25) lib. II et III edidit;
- a. 730 (24) lib. IV componere coepit;
- a. 732 (22) exeunte vel paulo post Cynthia excussa lib. IV edidit.

His iactis fundamentis iam eam quae reliqua est disquisitionem superstruere possumus de tempore quo libri quinti singula carmina scripta sint. ac primum quidem carm. V, 11 quin a. 738 (16) scriptum sit, dubium esse vix potest; cfr. Hertzbergius I p. 30 et p. 228. verum etiam haud ita multo post, fere a. 740 (14), e vita discessisse poetam idem carmen ostendit, quippe quod sit imperfectum; neque quae illum annum egrediantur, ulla inveniuntur carmina Propertiana. an subito obmutuisse vatem adolescentem probabilius est? — iam vero de carm. V, 1a, 1b, 2, 4, 9, 10 tempore virorum doctorum adeo inter se differunt sententiae, ut Hertzbergio I p. 17 adn. et p. 223 ante Cynthiae amorem, Eschenburgio l.l. pp. 83 sqq. post Cynthiam abdicatam scripta esse videantur. atqui carm. V, 1a post a. 726 (28) mensem Octobrem compositum esse demonstrat templi Apollinis Palatini mentio facta v. 3. qua quidem re, cum Cynthiam iam ante hoc tempus sat multis elegiis laudatam videamus, Hertzbergii sententiam expposit Eschenburgius. quid? quod Horos V, 1 vv. 135 sqq. quamvis suo more, sed si reete intellegitur certo testimonio Propertium, ubi primum misso causidici munere carmina facere coeperit, elegias amatorias, non periegesin condidisse refert. neque vero per annum illud discidium hoc poematum genus tractavit, quoniam ne hoc quidem tempore Cynthiae amorem cantare (cfr. carm. I, 1) desiit, sed ipsum primum de eo librum edidit. atqui dum Cynthiam

amet post a. 726 (28), hanc periegessin incohatum esse a Propertio Eschenburgius l. l. pp. 97 sq. firmis argumentis negat. itaque ipse prorsus excussa Cynthia a. 732 (22) haec carmina scribi copta esse contendit. quam sententiam ut ferret, adductus est etiam metricis in eis elegantiis quas explicari non posse censem, nisi confecta sint post ceteros libros, qui quidem hac re minus praestent. quanquam harum observationum exiguum pondus esse concedet propter tantum inter eorum versuum, quos inter se contulit, numeros disserimen. sed Eschenburgii rationem nos, ni fallor, et confirmare et accuratius etiam ita definire possumus, ut quo fere post a. 732 (22.) anno haec carmina composita sint appareat. idque assequimur duobus argumentis. quorum prius inde deductum est, quod ea quae habemus carmina frustula tantum sunt operis non perfecti. quod tamen cum post Cynthiae abdicationem incohatum esse constet, ne absolveret eius amore non abstinebatur poeta. itaque cum ne aliam quidem cunctandi causam invenianus, quid tandem veri similius est, quam Propertium morte impeditum esse, quominus illud non ita multo ante incohatum ad finem perduceret? ergo haud ita multo ante a. 740 (14) haec periegeseos fragmenta scripta esse videntur. atque haec quidem computatio illustrabitur etiam altero argumento. id autem ut persequamur, age nunc transeamus ad carm. V, 6. quod Hertzbergius I p. 228 a. 738 (16) adsignavit, spectare illud ratus ad ludos quinquennales propter Actiacam victoriam illo anno celebratos; eodemque tempore Sycambros devictos esse (cfr. v. 77) putavit. at, ut quae alia supra de hac sententia animadverti nunc praetermittam, Sycambri superati nondum diei poterant, si eo tempore quod Hertzbergius statuit hoc carmen scriptum est. id enim appetet his Dionis locis inter se comparatis. is l. LIV, 19 haec scripsit: *καὶ μετὰ ταῦτα ἐς τὴν Γαλατιὰν Λουχίον τε Δομιτίον καὶ Ποντιλίον Σκιπίωνος ὑπατευόντων* (i. e. a. 738 = 16) ὥρμησε (ὁ Ἀνγονστος) πρόφασιν τοὺς πολέμους τοὺς κατ' ἔκεινο κινηθέντας λαβών. tum non nullis interiectis ad eandem rem reversus l. LIV, 20 Sycambros narrat cum Usipetis et Tenchteris Rhe-

num transgressos devastata Gallia equitatum Romanorum Loliuumque praefectum a. 738 (16) superasse, sed de ipsius Augusti adventu certiores factos detrectato proelio in deditio-  
nem venisse. denique addit l. LIV, 21 haec: τῶν μὲν οὖν  
ὅπλων οὐδὲν διὰ ταῦτα ὁ Ἀγονστος ἐδεήθη, τὰ δὲ δὴ ἄλλα  
καθιστάμενος τοῦτον τε τὸν εὐαντὶὸν κατανάλωσε καὶ τὸν  
ὑστερον, ἐν ᾧ Μάρχος τε Λίβων καὶ Καλπούρνιος Πίσων  
ὑπάτενσαν (i. e. a. 739 = 15.). quibus efficitur Sycambros ipso a. 738 (16) fine domitos esse. antea autem ludos quinquennales celebratos esse, quod non fugit Frankium in fast. Horat. pp. 207 sq., eiusdem Dionis accurata interpretatione probari potest. namque postquam l. LIV, 19 Augustum in Galliam profectum esse dixit, paulo post: πρὶν δὲ ἡ ἀφορ-  
μᾶσθαι inquit τὸν τοῦ Κυριον ναὸν καθιέρωσεν ἐκ καινῆς  
οἰκοδομήσας etc.; deinde ita pergit: καὶ οὕτω τὸ μὲν ἄστυ  
τῷ Ταύρῳ μετὰ τῆς ἄλλης Ἰταλίας διοικεῖν ἐπιτρέψας — —  
τὸν δὲ δὴ Τιβέριον καίτοι σιριτηγοῦντα παραλαβὼν ἐξώρ-  
μησεν. — — ἐξελθόντων δ' οὖν αὐτῶν τὸ τῆς νεύτητος μέ-  
γαρον ὑπὸ τὴν ἐπιοῦσαν νύκτα κατεκαύθη καὶ διά τε τοῦτο  
καὶ διὰ τάλλα προγενόμενα — — ενχάς ὑπὲρ τῆς ἐπανόδου  
τοῦ Ἀγονότον ἐποιήσαντο. καν τούτῳ καὶ τῇ πενταετῷδα  
τῆς ἀρχῆς αὐτοῦ διεώρετασαν τοῦ Ἀγρίππον — — διὰ τῶν  
συνιέρεων ἀναλώσαντος. hoc igitur loco demonstratur eodem  
tempore (καν τούτῳ ut l. LIV, 5; 8; 28 init.) quo propter pro-  
digia in ipso exitu principis facta pro reditu eius vota suscepta  
sunt, ludos illos quinquennales habitos esse. at aliquanto post  
exitum Augusti temporis spatio interiecto Sycambros pacem  
et foedus petuisse prorsus certum est, quoniam id eos tum  
fecisse Dio l. LIV, 20 testatur, cum Augustum in Galliam  
venisse adversus ipsos expeditionem facturum acceperint.  
ergo huius rei mentio fieri plane non potest iu hoc carmine  
quo ludos illos pronuntiari censem. namque haec elegia ad  
hos ludos indicendos composita non potest non paulo etiam  
ante ipsos confecta esse. sed hanc ut effugeret difficultatem,  
posset quis conicere eosdem ludos etiam post a. 738 (16) cele-  
bratos tangi, nisi carm. V, 11 eodem fere tempore huius libri

auctorem e vita discessisse probaret. neque tamen hoc carmen adsignare liceret a. 742 (12), quo quidem etiam ludi illi facti sunt: cfr. Mommsenus in reb. gest. divi Augusti pp. 25 sq. nam eodem anno Sycambri rebellarunt: cfr. Dio l. LIV, 32 et Mommsenus l. l. p. 92. quos cum demum a. 746 (8) victos esse Dio l. LV, 6 testetur, post hunc annum regrediendum esset. at inter a. 738 (16) et a. 746 (8) num nihil scripsisse poetam credes? nulla enim ex his annis carmina habemus\*). quae cum ita sint, propter Sycambros devictos, quorum mentione certum temporis signum continetur, nostrum carmen ineunte fere a. 739 (15) post ludos quinquennales celebratos conditum esse videtur. qua ratione probata Apollinis Palatini laus eiusdemque templi mentio sine iusto consilio illata est: harum enim rerum certa quaedem necessitudo cum ludorum tantum pronuntiatione est. ergo praeter ceteras causas quas supra exposuimus etiam propter hanc difficultatem vv. 11—68 ad periegessin revocandi sunt; ceteris autem profitetur poeta omissis bellis hilariora argumenta se esse tractaturum. iam vero utriusque carminis tempus facile definiri potest: nam carm. V, 6a Sycambri devicti post a. 738 (16) exeuntem revocant. atque carm. V, 6b vel Apollinis templo Palatino v. 11 commemorato, ut cetera eiusdem generis carmina, post a. 726 (28) scriptum esse demonstratur. iam vero etiam post a. 732 (22) haec carmina retrahenda esse aliis etiam argumentis adhibitis supra docuimus. nunc, ut tandem alterum quod promisimus argumentum comprehendamus, haud ita multo ante poetae mortem, quae fere in a. 740 (14) incidit, ea condita esse hac quoque re confirmatur. namque carmen de bellis ab Augusto gestis epicum fere a. 732 (22) incohatum

---

\*) Neque vero Heimreichii opinio probabilis est, qui in symb. ph. B. p. 676 propter Gai Caesaris in Orientem expeditionem vv. 81 sq. tangi visam post a. 753 (1) hoc carmen scriptum esse sibi persuasit. nam cum Gai Caesaris ipsius mentio nulla habita sit, talem qualem hi versus continent sententiam etiam antea proferre licuit, si quidem Augusto liberi vivebant. Gaius autem a. 734 (20) natus dicitur a Dione l. LIV, 8.

esse a poeta supra diximus propter carm. III, 10. id autem non absolutum ab eodem abiectum esse paulo ante a. 738 (16) finem, postquam per aliquantum temporis spatium ei operam dederit, supra etiam animadvertisimus carm. V, 6a fere illo tempore conditi v. 69, quo *bella satis* inquit *cecini*, collato cum vv. 77 sqq. itaque inter a. 732 (22) exeuntem et a. 738 (16) exeuntem bellis canendis occupatus erat poeta neque facile hoc argumentum reliquise censendus est propter Augusti frigus et iram. ergo ante a. 739 (15) ineuntem vix periege-seos urbis Romae conficienda consilium cepit. quibus de causis carm. V, 1a; 1b; 2; 4; 6b; 9; 10 inter a. 739 (15) et a. 740 (14) scripta esse videntur.

Hinc revertimur ad carm. V, 1c, cuius tempus facillime definitur. nam id eum eo tempore quo Propertius primum Cynthiam adamaret ab amico aliquo ad eum scriptum esse supra viderimus, propter ipsam hanc rem incidit in a. 724 (30).

Nunc igitur transgredimur ad carm. V, 3. de cuius tempore quaedam monuit Merkelius ad Ovid. fast. p. CCLIII. sed tamen quod *Noricum hostem* v. 8 propter Tiberii expeditionem a. 739 (15) factam commemoratum esse putat, nil hoc ad nos attinet, qui *Neuricus* potius scribendum (cfr. Hertzbergius ad h. l.) aut certe scripturam incertam esse censemus. neque iam *iteratos Bactra per ortus*, quae interpolatori deberi scimus, ad expeditiones a. 734 (20) et a. 740 (14) respicere concedemus. Hertzbergius autem I p. 228 carmen nostrum in a. 734 (20) incidere statuit. attamen quartum militiae adversus Parthos annum significari v. 18:

*texitur haec castris quarta lacerna tuis*

tam certum non est. quidni enim, cum complures expeditiones Lycotas fecerit (cfr. vv. 7 sqq.), quartam eius expeditionem potius intellegamus, singulis singulas lacernas tribuentes? praeterea tam gravia qualia vv. 65 sqq. indicantur proelia cum Parthis hoc bello non committenda esse, ipso a. 734 (20), quo sine ullo labore signa Crassiana ab eis Augustus recepit, haud dubie audiverat Arethusa. itaque haec non potest non scripsisse ante hunc annum aliquo tempore quo vehementissimum

cum Parthis bellum instare videbatur. quod cum ita sit, ego quidem hanc epistolam fere a. 733 (21) ad Lycotam datam esse crediderim; hoc enim tempore ille Augustum comitatus, qui a. 732 (22) Romam reliquerat, in Syriam advenisse et expeditionem Parthicam apparasse potest. neque huic sententiae obstat videtur vv. 23 sqq., at favere etiam vv. 35 sqq.

Iam vero multo incertius est tempus quo carm. V, 5 conditum sit. namque si non de Cynthia, sed de alia puella scriptum est, incidit in a. 726 (28) finem aut a. 727 (27) initium aut post a. 732 (22), quibus temporibus ab illius amore poeta vacabat. sin ad Cynthia potius spectat haec elegia, aut inter a. 724 (30) et a. 726 (28) aut inter a. 727 (27) exeuntem et a. 732 (22) exeuntem scripta est: nam his annis huius amore tenebatur. atque is cui haec sententia probabilior videatur potest cum aliqua veritatis specie suspicari eo tempore, quo praetoris illius divitis pecunia (cfr. carm. I, 8; 8b; III, 16.) Cynthia paulum a Propertio ab alienata sit, potissimum hoc carmen compositum esse. sed quis dubia haec omnia esse negabit?

Certum autem de carm. V, 7 tempore iudicium ferre licet. hoc enim ut in Cynthiae honorem scriberet, poetam veteris, sed iam abdicatae amicae morte motum esse supra diximus. eundem tamen obitu eius ita affectum fuisse vix credibile est, ubi iam olim eius amorem ex animo expulerit. nam nova amica inventa plerumque veteris memoria evanuit. itaque Cynthia non multo post a. 732 (22) exeuntem quo pulsa est diem supremum obiisse videtur. brevi autem tempore praeterlapso, a. 733 (21) fere, scripta est ea elegia, de qua loquimur.

Restat unum carm. V, 8; quod Hertzbergius I p. 229 tantum monet ante a. 732 (22) confectum esse. sed ad tempus accuratius definiendum duplarem illud praebat ansam. primum enim cadit in tempus aliquod quo Propertius Cynthiae amicus fuit. qui si tum, ubi hanc elegiam confecit, non fuisset, vv. 27 sq.:

*cum fieret nostro totiens iniuria lecto,  
mutato volvi castra movere toro*

de se ipse non scripsisset. neque a Cynthia in peccato deprehensus tanto metu pereussus esset, qualem vv. 50 sqq. describit. neque vero Cynthiam v. 15 suam appellasset aut v. 48 animum suum a scortillis istis ad Lanuvii portas evagatum esse confessus esset. denique ne Cynthia quidem poetae irata esset. itaque aut inter a. 724 (20) et a. 726 (28) finem aut inter a. 727 (27) finem et a. 732 (22) finem haec elegia scripta est. utrum autem eorum temporum spatium praeferendum sit ostendit Esquiliarum a Maecenate cultarum mentio facta vv. 1 sq. atqui horti Esquilini exaedificari a Maecenate coepti sunt ante a. 719 (35). hoc enim anno vel paulo post prior sermonum Horatianorum liber, in quo illos memorat auctor I, 8, 14 sqq. editus est: cfr. Frankius in fast Horat. pp. 21 sqq.; 103 sqq. perfectam autem fuisse hortorum illorum adornationem fere a. 723 (31) docet Horatius serm. II, 6, 30 sqq.: quem locum illo anno scriptum esse demonstrat Frankius l. l. pp. 119 sqq. nam habitasse iam Maecenatem Esquiliarum aedes et hortos his versibus significat Horatius. nostram igitur elegiam neque ante a. 723 (31), quoniam novos agros ab hominum turba occupatos et ipse narrat v. 2 et vv. 59 sq., neque multo post a. 723 (31) scripsit Propertius, quia de *novis etiam tum agris loquitur* et Esquiliis adeo *aquosas* vocat: quam veram ipsarum naturam sine dubio mutassent, si iam per longius tempus exculti essent. ergo potius prius temporis spatium, quod ab a. 724 (30) usque ad a. 726 (28) finem pertinebat, huic elegiae eligemus. atque accuratius etiam, si coniecturis probabilibus ut in re incerta indulgere licet, ipse compositionis annus circumscribi potest. nam cum v. 27 illatam totiens lecto suo a Cynthia iniuriam et v. 88 notum eiusdem torum dicat, Propertius Cynthiae amore non solum satis longum tempus usus, verum etiam perfidiam multis exemplis expertus videtur. itaque hoc carmen, quod sane haud ita multo post a. 723 (31) confectum est, tamen vix ipsi a. 724 (30) attribui potest, quo Cynthiae amor modo coepit,

sed ad posteriorem aliquem retrahendum est, qui tamen a. 726 (28) fines exceedere non debet. ergo fere a. 725 (29) hanc elegiam a Propertio conditam esse veri est simile.

Quae cum ita sint, haec invenisse videmur. Propertius a. 724 (30) accepit ab amico aliquo carm. V, 1c.

a. 725 (29) fere ipse scripsit carm. V, 8.

a. 733 (21) " " carm. V, 3; 7.

post a. 738 (16) finem fere ipse scripsit carm. V, 6a: 11.

post a. 739 (15) initium " " carm. V, 1a; 1b;  
2; 4; 6b; 9; 10.

a. 740 (14) fere mortuus est.

Itaque omnia haec carmina quae libro quinto comprehenduntur non potuit libro quarto inserere, quem a. 732 (22) edidit, praeter unum carm. V, 8. hoc autem viva etiamtum Cynthia retinuit, quia hac elegia eius mores minus honesti quam ceteris priorum librorum carminibus depinguntur; neque suam ipsius in hac elegia conditionem nescio quo paeto ridiculam palam ostendere voluit. atque carm. V, 1c, quod ne a Propertio quidem profeetum est, in horum carminum ordinem illapsum est, quia hic liber post poetae mortem sine dubio ab amicis emissus est. an Propertium ipsum imperfectae periegeseos fragmenta aut non perpolitum carm. V, 11 edidisse credibilis est?

---

## Caput V.

Quis libri quinti Propertiani sit auctor  
quaeritur.

Restat ut dijudicemus libri quinti carmina omnia a Propertio certe non, fortasse a Passenno Paullo, Plinii minoris aequali, conscripta esse utrum certis argumentis demonstraverit an temere concicerit Heimreichius in symb. ph. B. pp. 674 — 679. cuius quidem ratiocinatio Hauptium non adduxit, ut in novissima sua editione haec Propertii non esse aliquo modo significaret.

Et per se minime probabile est ab interpolatore quodam, si quidem ille ut falleret lectores egisse putandus sit, Propertio has elegias suppositas esse. nam qui poterat ille lectoribus se impositurum esse sperare confectis maxime elegiis topographicis et antiquariis vel epistula poetica, quibus nunquam verum Propertium operam deditse sat multi scivisse censendi sunt? tutius erat interpolatori elegiis amatoriis, quibus notus erat verus Propertius, Cynthiam cantare. praeterea num tam impudentem fuisse illum credes, ut opera non absoluta velut periegeseos illa fragmenta et carm. V, 11 emittere auderet? an impostor nimis callidus haec in poetae seriniis imperfecta sese invenisse enuntiavit? uteunque hanc difficultatem effugere studes, aliae coniecturae aliis eisque nullo fundamento innisis cumulandae tibi sunt. namque Passennus Paullus, qui ut *municeps* et so-

*boles* Propertii talia vel primus fingere poterat, certe non est auctor horum carminum, si quidem a Propertio aliena sunt. nam cum in eis vocalis *o* finalis nisi in vocabulis iambicis velut *modo* nunquam correpta sit, sed semper producta (cfr. velut V, 3, 35; 57; 71; 5, 53; 6, 14; 7, 53; 81; 8, 17; 23; 49; 9, 35; 10, 3; 11, 27; 73.) praeter V, 5, 75 ubi tamen facillime pro *caedito* scribitur *caedite*, non possunt illa post Claudii Neronisque tempus composita esse; quo tempore correptae illius vocalis licentiam auctam esse docet Lucianus Muellerus de re metr. p. 42 et p. 339. an etiam in hac metrica observantia Propertium a Paullo summa cum diligentia expressum esse credes? quid? quod ne eiusmodi quidem carmina qualia maxima ex parte liber quintus continet, sed elegos illum scripsisse Plinius duobus locis (epist. VI, 15; IX, 12) testatur. ergo si revera non sunt Propertii, carmina nostra certe neque a Plinii aequali Paullo, sed haud ita multo post Propertium scripta neque eius carminibus malo consilio ab aliquo interpolatore interposita, sed casu aliquo adnexa sunt. quae tamen sententia ideo probabilis non est, quod Cynthia in aliquot carminibus commemorata haec, si a Propertio profecta non sunt, ad eius exemplum interpolata esse evineit.

Praeterea, id quod gravissimum est, ne ad hanc quidem suspicionem sustentandam sufficiunt quae in illis notavit Heimreichius. et primum quidem imitationum a vero sane Propertio alienarum multitudinem, quam indagasse sibi visus est, ego quidem nullam esse puto. neque enim, ut supra iam monuimus, V, 1 vv. 127 sqq. e Propert. I, 22, 7 aut V, 1 vv. 133 sqq. e Propert. IV, 3 aut V, 2 vv. 1 sqq. ex Ovid. fast. I, 63 sqq. expressi sunt. praeterea et noster poeta V, 6b et Vergilius Aen. VIII, 675 sqq. in pugna Actiaca describenda versatur. hinc autem rerum, ut par est vel propterea quod de proelio Actiaco mox certae sine dubio ferebantur narrationes, exigua quaedam est similitudo; at plane nulla est singulorum verborum congruentia. nam, ut singula videamus quae comparavit Heimreichius, Propertius V, 6, 29 sq.:

*adstitit Augusti puppim super et nova flamma  
luxit in obliquam ter simuata facem*

de Apolline, at Vergilius Aen. VIII, 680 sq.:

*stans celsa in puppi; geminas cui tempora flammus  
laeta vomunt patriumque aperitur vertice sidus*

de Augusto (efr. v. 678) loquitur; deinde ille flamas per portentum visas in Apollinis capite, hic cassidis insigne ut Agrippae vv. 682 sqq.:

*parte alia ventis et dis Agrippa secundis  
arduos agmen agens: cui (belli insigne superbum)  
tempora navalii fulgent rostrata corona,*

ita etiam Augusti commemorat. denique et Propertius vv. 49 sqq. et Vergilius Aen. X, 195 Centauros saxa minantes, quale sat multas naves insigne habuisse credere licet, e rerum veritate sumpsisse videntur. sed si quidem revera noster auctor imitatus est Vergilium, cur perturbato id animo eum fecisse dicit Heimreichius, cum *Centaurica saxa* non immania, sed quae Centauri insigne iaculari videatur, dici manifestum sit propter id quod sequitur *pictos metus?* postremo ne vv. 81 sqq. quidem:

*sive aliiquid pharetris Augustus parcat eois,  
differat in pueros ista tropaea suos.  
gaude, Crasse, nigras si quid sapis inter arenas:  
ire per Euphraten ad tua busta licet*

expressos esse concedi potest ex Ovid. art. amat. I, 177 sqq.:

*ecce, parat Caesar domito quod defuit orbi,  
addere. manc, oriens ultime, noster eris.  
Parthe, dabis poenas. Crassi gaudete sepulti  
signaque barbaricas non bene passa manus.  
ultor adest primisque ducem profitetur in annis,  
bellaque non puer tractat agenda puer.*

nam verborum non maior est similitudo quam quac necessario evenit, si duo auctores de Crassi clade verba faciunt; sententia

autem ipsa etiam dissimilis est propter diversam nominis *puer* apud Propertium et Ovidium significationem. neque vero hos versus ad a. 754 (1) spectare supra iam animadvertisimus. praeterea non contra artis normam, ut Heimreichio visus est, V, 6, 83 in easu obliquo *niger* vocabuli primam syllabam corripuit poeta. accedit quod vocabulum fortasse corruptum in documentum adhibere non decet. neque enim satis facile explicari hoc posse etiam Hertzbergii ad h. l. adnotatio ostendit. an *nigrae* arenae dicuntur propter cladem ibi acceptam? deinde carmina, quibus urbis Romae periegessin conficere coepit Propertius, iniuria Heimreichius contendit non novisse Ovidium qui in fast. II vv. 3 sqq. haec scripserit:

*nunc primum velis, elegi, maioribus itis :  
exiguum, memini, nuper eratis opus.  
ipse ego vos habui faciles in amore ministros,  
cum hasit numeris prima iuventa suis.  
idem sacra cano signataque tempora fastis :  
ecquis ad haec illinc crederet esse viam?*

quibus versibus Ovidius comparatis aliorum ante se ipsum poetarum carminibus cum fastorum magnitudine elegos nuper exiguum opus fuisse ni fallor Heimreichio profiteri videtur. at hunc locum ut ita potius interpretemur quasi ad sua ipsius carmina amatoria respiciens illam sententiam tulerit, vel *illinc* vox suadet quae Ovidii elegias amatorias aperte significat. ergo utrum ea carmina, de quibus quaerimus, noverit Ovidius necne, ex his versibus probari nequit. quid? etiamsi ad priorum poetarum carmina animum attendebat Ovidius, tamen illi necessario ratio habenda non erat operis a Propertio non absoluti; quo quidem certe elegi exiguum opus esse non desiderunt. denique qua tandem ratione, ubi haec scripserit Ovidius, iam editum fuisse librum quintum demonstrari potest? quem post poetac mortem quo tempore emiserint amici non constat. sed incertum sane hoc argumentum neque vero, cum illa quae attulimus sufficient, necessarium est. an Heimreichius Ovidium fastos maxime conditum ad haec carmina

de eodem argumento scripta, si iam legisset, sine dubio respectum fuisse censem? at non fastorum illa, sed urbis Romae periegeseos fragmenta esse nunc docuimus. postremo de edictis illis, quibus carmina nostra „excepto ultimo puerilem omnia sapere et scholasticum poetam crassaque Minerva esse composita“ vel non modo „spurcissima“ continere et „inelegantissima“, sed quae etiam a vera Propertii et Cynthiae imagine abhorreant, professus est Heimreichius, de quibus cum ad singulorum sensum redeant, libera est sententia: — de his igitur quid nobis iudicandum videatur eis satis edoctus es quae de horum carminum consilio et compositione strophica supra disputavimus. quae cum ita sint, argumentum unum tantum stat, quo V, 1 vv. 121 sqq. ab ipso Propertio e Propert. I, 22 translatos esse negavit. id autem eadit in illud carmen quod Heimreichio certius nos evicisse speramus non esse Propertii.

Cetera tamen cum non videamus causas cur huic poetae abiudicemus, tum quasdam habere nobis videamus cur ei vel attribuamus, repetitas illas maxime e re metrica\*). seclusi autem a ceteris carm. V, 1c quod Propertio abiudicandum esse duxi; quanquam in paucis his versibus non inveniuntur quae a ceterorum consuetudine differant. et primum quidem quales inter spondeorum et dactylorum in singulis libris usum intercedant rationes paucis exemplis illustrabimus. itaque nunc hexametrorum quattuor pedes priores hac tabula ita conferamus, ut liber quintus et quartus facile comparari possint. conformati autem sunt ad formas quas praescripsi hexametri

\*) In his autem animadversionibus leves quidam numerorum errores, quos vereor ut prorsus effugerim, excusandi mihi sunt; sed eos numerandi negotio denuo suscepto removendi magis etiam me cepit taedium, cum vel sic universae rationes satis constent.

| in libro                        | IV  | V   | IV   | V     |
|---------------------------------|-----|-----|------|-------|
| inter hexametros . . . . .      | 495 | 441 |      |       |
| 1) — —   — —   — —   — —        | 30  | 13  | 1/16 | 1/34  |
| 2) — ~ ~   — —   — —   — —      | 79  | 83  | 1/6  | 1/6   |
| 3) — - -   — ~ ~   — —   — —    | 51  | 42  | 1/9  | 1/10  |
| 4) —   — —   — ~ ~   — —        | 12  | 11  | 1/41 | 1/40  |
| 5) — - -   — —   — —   — ~ ~    | 20  | 7   | 1/24 | 1/63  |
| 6) — ~ ~   — ~ ~   — —   — —    | 52  | 61  | 1/9  | 1/7   |
| 7) — —   — ~ ~   — ~ ~   — —    | 23  | 17  | 1/21 | 1/26  |
| 8) — —   — —   — ~ ~   — ~ ~    | 10  | 9   | 1/49 | 1/49  |
| 9) — ~ ~   — —   — ~ ~   — —    | 48  | 48  | 1/10 | 1/9   |
| 10) — —   — ~ ~   — —   — ~ ~   | 24  | 15  | 1/30 | 1/29  |
| 11) — ~ ~   — —   — —   — ~ ~   | 42  | 50  | 1/11 | 1/9   |
| 12) — ~ ~   — ~ ~   — ~ ~   — — | 29  | 21  | 1/18 | 1/21  |
| 13) — —   — ~ ~   — ~ ~   — ~ ~ | 12  | 6   | 1/30 | 1/73  |
| 14) — ~ ~   — —   — ~ ~   — ~ ~ | 23  | 21  | 1/41 | 1/21  |
| 15) — ~ ~   — ~ ~   — —   — ~ ~ | 29  | 26  | 1/17 | 1/17  |
| 16) — ~ ~   — ~ ~   — ~ ~   — — | 11  | 11  | 1/45 | 1/40. |

hac e tabula in quarto et quinto libro pariter praeferri eas hexametri formas perspicitur quas secundo tertio sexto nono undecimo loco posuerimus. atque haec congruentia cum elucceat in eis libris qui minimo temporis spatio interiecto separantur, ceteros in examen vocare opus non est; nam etiamsi inter illos et librum quintum certa discrimina invenirentur, haec tamen facile explicarentur maiore temporis spatio quod inter utrosque interpositum est. sed inter hos etiam eandem aequabilitatem observari confirmant Hertzbergii I p. 182 animadversiones. is enim adseverat ad secundam nostram figuram in libro primo ex hexametris 353 factos esse versus 58; in secundo tertioque ex hexametris 681 versus 116: ergo huic sextam partem attribuit. ad tertiam autem refert conformatos esse in libro primo 47 versus, in libro secundo tertioque 74 versus: qui in illo libro octavam, in his nonam omnium hexametrorum partem efficiunt. praeterea qui ad sextam normam conditi sint, eos in his libris numero non multum distare narrat ab eis qui tertiam sequantur. rariores autem esse hexametros

qui ad tertiam decimam aut quartam decimam formam comparati sint, rarissimos qui octavum aut sextum decimum exemplar expresserint. et haec quidem omnia cum nostra tabula accuratissime convenire videmus. hac autem iterum inspecta praeterea animadvertisimus continere hexametros

| in libro                                   | IV  | V   | IV            | V               |
|--------------------------------------------|-----|-----|---------------|-----------------|
| ex hexametris . . . . .                    | 495 | 441 |               |                 |
| singulos dactylos et ternos spondeos . . . | 162 | 143 | $\frac{1}{3}$ | $\frac{1}{3}$   |
| binos et dactylos et spondeos . . . .      | 199 | 200 | $\frac{1}{2}$ | $\frac{1}{2}$   |
| ternos dactylos et singulos spondeos . . . | 93  | 74  | $\frac{1}{5}$ | $\frac{1}{6}$ . |

iam addam rationes quae inter dactylos et spondeos in priore pentametri hemistichio exhibitos intercedunt comparatis inter se omnibus Propertii libris. qua de re usus sum quaestionibus metricis quas de poetarum Latinorum usque ad Augusti aetatem distichis instituit Ernestus Eichnerus in dissertatione Vratislaviensi a. 1866; sed tamen in quarto quintoque libro meas promam observationes. sunt igitur ad formas quas praemisi comparati pentametri

| in libro .          | I   | II  | III | IV  | V   | I              | II            | III           | IV            | V               |
|---------------------|-----|-----|-----|-----|-----|----------------|---------------|---------------|---------------|-----------------|
| e pentametris . . . | 353 | 177 | 504 | 495 | 441 |                |               |               |               |                 |
| — —   — —   —       | 28  | 33  | 83  | 70  | 62  | $\frac{1}{12}$ | $\frac{1}{5}$ | $\frac{1}{6}$ | $\frac{1}{7}$ | $\frac{1}{7}$   |
| — —   — — ~   —     | 45  | 28  | 78  | 84  | 60  | $\frac{1}{7}$  | $\frac{1}{6}$ | $\frac{1}{6}$ | $\frac{1}{6}$ | $\frac{1}{7}$   |
| — ~ ~   — —   —     | 197 | 72  | 242 | 229 | 230 | $\frac{1}{2}$  | $\frac{1}{2}$ | $\frac{1}{2}$ | $\frac{1}{2}$ | $\frac{1}{2}$   |
| — ~ ~   — — ~   —   | 83  | 44  | 101 | 112 | 89  | $\frac{1}{4}$  | $\frac{1}{4}$ | $\frac{1}{5}$ | $\frac{1}{4}$ | $\frac{1}{5}$ . |

idem Eichnerus l. l. p. 7 adn. p. 8. p. 10 adn. hexametri prius usque ad caesuram semiquinariam hemistichium in examen vocavit. cuius animadversionibus de libro quinto emendatis illud ad modos praescriptos conditum exhibit hexametri

| in libro               | I   | II  | III | IV  | V   | I             | II            | III           | IV            | V             |
|------------------------|-----|-----|-----|-----|-----|---------------|---------------|---------------|---------------|---------------|
| inter hexametros . . . | 353 | 177 | 504 | 495 | 441 |               |               |               |               |               |
| - - -   - - -   -      | 78  | 36  | 98  | 102 | 105 | $\frac{1}{4}$ | $\frac{1}{5}$ | $\frac{1}{5}$ | $\frac{1}{5}$ | $\frac{1}{4}$ |
| - - -   - - -   -      | 121 | 56  | 169 | 178 | 189 | $\frac{1}{3}$ | $\frac{1}{3}$ | $\frac{1}{3}$ | $\frac{1}{3}$ | $\frac{1}{3}$ |
| - -   - - -   -        | 86  | 34  | 102 | 99  | 73  | $\frac{1}{4}$ | $\frac{1}{5}$ | $\frac{1}{5}$ | $\frac{1}{5}$ | $\frac{1}{6}$ |

similiter autem correximus Eichneri observationes quibus pedum in distichis formas et rationes ita composuit, ut maxime prius hexametrorum qui caesuram semiquinariam prae se ferunt hemistichium cum priore pentametri compararet. ita tria distichorum genera invenit: nam in illis versuum partibus aut neutri hexametri pedi in pentametro respondet eiusdem generis pes, aut alteram sedem pares, contrarii alteram tenent pedes, aut plane pares exhibentur pedes. atque composita sunt disticha

| in libro             | I   | II  | III | IV  | V   | I             | II            | III           | IV            | V             |
|----------------------|-----|-----|-----|-----|-----|---------------|---------------|---------------|---------------|---------------|
| inter disticha . . . | 353 | 177 | 504 | 495 | 441 |               |               |               |               |               |
| ad primam normam .   | 85  | 34  | 101 | 96  | 78  | $\frac{1}{4}$ | $\frac{1}{5}$ | $\frac{1}{5}$ | $\frac{1}{5}$ | $\frac{1}{5}$ |
| ad secundam normam   | 158 | 74  | 215 | 218 | 196 | $\frac{1}{2}$ | $\frac{1}{2}$ | $\frac{1}{2}$ | $\frac{1}{2}$ | $\frac{1}{2}$ |
| ad tertiam normam .  | 92  | 52  | 139 | 128 | 125 | $\frac{1}{4}$ | $\frac{1}{3}$ | $\frac{1}{4}$ | $\frac{1}{4}$ | $\frac{1}{4}$ |

praeterea singulorum distichorum compositio in illis hemistichiis hae tabula illustrari potest. namque condita sunt

| in libro                     | I                                                                                                                | II                                                                                                               | III                                                                                                              | IV | V  | I  | II | III | IV             | V             |
|------------------------------|------------------------------------------------------------------------------------------------------------------|------------------------------------------------------------------------------------------------------------------|------------------------------------------------------------------------------------------------------------------|----|----|----|----|-----|----------------|---------------|
| inter primae normae disticha | 85                                                                                                               | 34                                                                                                               | 101                                                                                                              | 96 | 78 |    |    |     |                |               |
| ad                           | $\left( \begin{array}{ c c c } \hline - & - & \\ \hline - & - & \\ \hline - & - & \\ \hline \end{array} \right)$ | $\left( \begin{array}{ c c c } \hline - & - & \\ \hline - & - & \\ \hline - & - & \\ \hline \end{array} \right)$ | $\left( \begin{array}{ c c c } \hline - & - & \\ \hline - & - & \\ \hline - & - & \\ \hline \end{array} \right)$ | 12 | 4  | 20 | 11 | 3   | $\frac{1}{7}$  | $\frac{1}{8}$ |
| has                          | $\left( \begin{array}{ c c c } \hline - & - & \\ \hline - & - & \\ \hline - & - & \\ \hline \end{array} \right)$ | $\left( \begin{array}{ c c c } \hline - & - & \\ \hline - & - & \\ \hline - & - & \\ \hline \end{array} \right)$ | $\left( \begin{array}{ c c c } \hline - & - & \\ \hline - & - & \\ \hline - & - & \\ \hline \end{array} \right)$ | 6  | 7  | 15 | 14 | 13  | $\frac{1}{14}$ | $\frac{1}{5}$ |
| for-                         | $\left( \begin{array}{ c c c } \hline - & - & \\ \hline - & - & \\ \hline - & - & \\ \hline \end{array} \right)$ | $\left( \begin{array}{ c c c } \hline - & - & \\ \hline - & - & \\ \hline - & - & \\ \hline \end{array} \right)$ | $\left( \begin{array}{ c c c } \hline - & - & \\ \hline - & - & \\ \hline - & - & \\ \hline \end{array} \right)$ | 21 | 10 | 23 | 34 | 25  | $\frac{1}{4}$  | $\frac{1}{3}$ |
| mas                          | $\left( \begin{array}{ c c c } \hline - & - & \\ \hline - & - & \\ \hline - & - & \\ \hline \end{array} \right)$ | $\left( \begin{array}{ c c c } \hline - & - & \\ \hline - & - & \\ \hline - & - & \\ \hline \end{array} \right)$ | $\left( \begin{array}{ c c c } \hline - & - & \\ \hline - & - & \\ \hline - & - & \\ \hline \end{array} \right)$ | 46 | 13 | 43 | 37 | 37  | $\frac{1}{2}$  | $\frac{1}{3}$ |
|                              |                                                                                                                  |                                                                                                                  |                                                                                                                  |    |    |    |    |     |                | 7*            |

ex his iam in adhibitis spondeis dactylisque quam maxima inter librum quintum et ceteros aequabilitas satis elucet. ubi tamen paullum ille recedit a reliquis, hoc eo maxime factum est quod spretis spondeis poeta praetulit daetylos. atque hoc in quinto libro fieri, quippe quem tempore ultimum conscripserit,

nemo mirabitur, quoniam quo quisque poeta aut tempore Augusto propior aut ipse in re metrica usu scribendi elegantior exstitit, eo magis spondeorum duritiem et gravitatem fugit.

Sed eandem nostro cum ceteris libris similitudinem esse in admissa synaloepha nunc nostris iterum observationibus nisi decebimus. et primum quidem exemplorum in singulis libris numerus sic se habet:

| in libro | inter versus | quot versus synaloepham patiuntur? | quotusquisque versus synaloepham patitur?       | quot versus bis synaloepham patiuntur? | quot versus ter synaloepham patiuntur? | quot versus quater synaloepham patiuntur? |
|----------|--------------|------------------------------------|-------------------------------------------------|----------------------------------------|----------------------------------------|-------------------------------------------|
| I        | 706          | 118                                | 6 <sup>ius</sup> quisque.                       | 6                                      | 1                                      | —                                         |
| II       | 354          | 107                                | 3 <sup>ius</sup> quisque.                       | 9                                      | —                                      | 1                                         |
| III      | 1008         | 293                                | 3 <sup>ius</sup> —<br>4 <sup>ius</sup> quisque. | 24                                     | 2                                      | —                                         |
| IV       | 990          | 277                                | 3 <sup>ius</sup> —<br>4 <sup>ius</sup> quisque. | 24                                     | 4                                      | —                                         |
| V        | 882          | 210                                | 4 <sup>ius</sup> quisque.                       | 13                                     | 3                                      | —                                         |

imminuuntur autem in singulis libris singulae vocales et syllabae *m* littera terminatae, quas Lucianus Muellerus de re metr. p. 278 medias appellavit, in hunc modum, ut occupet synaloephas

| in libro              | I   | II  | III | IV  | V   | I     | II    | III   | IV    | V     |
|-----------------------|-----|-----|-----|-----|-----|-------|-------|-------|-------|-------|
| ex omnibus exemplis . | 118 | 107 | 293 | 277 | 210 |       |       |       |       |       |
| syllaba media . . .   | 25  | 37  | 74  | 75  | 59  | 1/4   | 1/3   | 1/4   | 1/4   | 1/3   |
| ä                     | 19  | 21  | 55  | 59  | 41  | 1/6   | 1/5   | 1/5   | 1/5   | 1/5   |
| é                     | 66  | 37  | 105 | 104 | 80  | 1/2   | 1/3   | 1/3   | 2/5   | 2/5   |
| í                     | 1   | 1   | 8   | 3   | 7   | 1/18  | 1/167 | 1/36  | 1/92  | 1/30  |
| ó                     | 1   | 1   | 3   | 2   | 4   | 1/18  | 1/107 | 1/97  | 1/130 | 1/52  |
| ă                     | —   | 1   | 3   | 4   | 1   | —     | 1/107 | 1/97  | 1/69  | 1/210 |
| ë                     | 1   | 2   | 18  | 4   | 4   | 1/18  | 1/53  | 1/16  | 1/69  | 1/52  |
| í                     | 2   | 4   | 7   | 9   | 8   | 1/39  | 1/36  | 1/41  | 1/30  | 1/25  |
| ó                     | 2   | 1   | 17  | 14  | 5   | 1/59  | 1/107 | 1/17  | 1/20  | 1/42  |
| ü                     | —   | —   | 1   | —   | —   | —     | 1/293 | —     | —     | —     |
| ae                    | 1   | 2   | 2   | 3   | 1   | 1/108 | 1/53  | 1/146 | 1/92  | 1/210 |

eandem autem quam hic ostendunt similitudinem tres ordines priores summis numeris insignes omnes libri piae se ferunt in sede versus quae potissimum synaloepham admittit. idque hac tabula declarabitur, in qua a. arsin, t. thesin, h. hexametrum, p. pentametrum significat. nimirum accepit synaloephas

| in libro              | I   | II  | III | IV  | V   | I     | II   | III   | IV    | V     |
|-----------------------|-----|-----|-----|-----|-----|-------|------|-------|-------|-------|
| ex omnibus exemplis . | 118 | 107 | 293 | 277 | 210 |       |      |       |       |       |
| a. 2. h.              | 20  | 22  | 45  | 42  | 27  | 1/6   | 1/5  | 1/7   | 1/6   | 1/8   |
| a. 2. p.              | 20  | 22  | 47  | 55  | 44  | 1/6   | 1/5  | 1/6   | 1/5   | 1/5   |
| a. 3. h.              | 3   | 7   | 17  | 17  | 10  | 1/39  | 1/15 | 1/17  | 1/16  | 1/21  |
| a. 3. p.              | —   | —   | 6   | 5   | 5   | —     | —    | 1/48  | 1/55  | 1/42  |
| a. 4. h.              | 3   | 5   | 17  | 18  | 11  | 1/39  | 1/20 | 1/17  | 1/15  | 1/19  |
| a. 4. p.              | 1   | —   | 1   | 1   | —   | 1/118 | —    | 1/203 | 1/277 | —     |
| a. 5. h.              | —   | —   | 3   | 4   | 1   | —     | —    | 1/97  | 1/70  | 1/210 |
| a. 5. p.              | —   | —   | 5   | 4   | 3   | —     | —    | 1/58  | 1/70  | 1/70  |
| t. 1. h.              | 19  | 9   | 59  | 28  | 39  | 1/6   | 1/12 | 1/5   | 1/9   | 1/5   |
| t. 1. p.              | 14  | 15  | 27  | 29  | 25  | 1/8   | 1/7  | 1/10  | 1/10  | 1/8   |
| t. 2. h.              | 3   | 3   | 12  | 9   | 8   | 1/39  | 1/35 | 1/24  | 1/30  | 1/26  |
| t. 2. p.              | 1   | 2   | 5   | 3   | 5   | 1/118 | 1/53 | 1/58  | 1/90  | 1/42  |
| t. 3. h.              | 4   | 2   | 3   | 3   | 9   | 1/29  | 1/53 | 1/97  | 1/90  | 1/23  |
| t. 3. p.              | 6   | 7   | 13  | 19  | —   | 1/19  | 1/15 | 1/22  | 1/14  | —     |
| t. 4. h.              | 13  | 10  | 22  | 32  | 20  | 1/9   | 1/10 | 1/13  | 1/9   | 1/10  |
| t. 4. p.              | —   | —   | —   | 2   | —   | —     | —    | —     | 1/138 | —     |
| t. 5. h.              | 11  | 3   | 11  | 6   | 4   | 1/10  | 1/35 | 1/26  | 1/46  | 1/42  |

simul thesin paulo maiorem synaloepharum numerum quam arsin ostendere animadvertes. cadunt enim

| in libro           | I   | II  | III | IV  | V   |
|--------------------|-----|-----|-----|-----|-----|
| ex synaloephis . . | 118 | 107 | 293 | 277 | 210 |
| in arsin . . . .   | 47  | 56  | 141 | 146 | 100 |
| in thesin . . . .  | 71  | 51  | 152 | 131 | 110 |

ex eis autem synaloephis quae in thesin incident vocalem alteram qua imminuitur prior exhibit

| in libro             | I  | II | III | IV  | V   | I             | II            | III           | IV            | V             |
|----------------------|----|----|-----|-----|-----|---------------|---------------|---------------|---------------|---------------|
| ex synaloephis . . . | 71 | 51 | 152 | 131 | 110 | $\frac{1}{4}$ | $\frac{1}{3}$ | $\frac{1}{3}$ | $\frac{1}{3}$ | $\frac{1}{3}$ |
| longam . . . .       | 16 | 19 | 50  | 44  | 32  | $\frac{3}{5}$ | $\frac{2}{3}$ | $\frac{2}{3}$ | $\frac{2}{3}$ | $\frac{2}{3}$ |
| breve in . . . .     | 55 | 32 | 102 | 87  | 78  | $\frac{3}{4}$ | $\frac{2}{3}$ | $\frac{2}{3}$ | $\frac{2}{3}$ | $\frac{3}{4}$ |

hae autem breves in thesi vocales ita distribuuntur, ut occupent

| in libro                  | I  | II | III | IV | V  | I             | II            | III           | IV            | V             |
|---------------------------|----|----|-----|----|----|---------------|---------------|---------------|---------------|---------------|
| ex synaloephis . . .      | 55 | 32 | 102 | 87 | 78 | $\frac{3}{5}$ | $\frac{2}{5}$ | $\frac{2}{3}$ | $\frac{2}{3}$ | $\frac{2}{3}$ |
| thesis brevem priorem .   | 31 | 14 | 63  | 60 | 54 | $\frac{2}{5}$ | $\frac{3}{5}$ | $\frac{2}{3}$ | $\frac{2}{3}$ | $\frac{2}{3}$ |
| thesis brevem posteriorem | 24 | 18 | 39  | 27 | 24 | $\frac{1}{3}$ | $\frac{2}{5}$ | $\frac{1}{3}$ | $\frac{1}{3}$ | $\frac{1}{3}$ |

praeterea vocalium quae synaloepha coniunguntur ea est ratio, ut, si mediae syllabae brevibus adduntur, imminuantur

| in libro                | I   | II  | III | IV  | V   | I              | II             | III            | IV             | V              |
|-------------------------|-----|-----|-----|-----|-----|----------------|----------------|----------------|----------------|----------------|
| in synaloephis . . .    | 118 | 107 | 293 | 277 | 210 | $\frac{1}{2}$  | $\frac{1}{3}$  | $\frac{1}{3}$  | $\frac{1}{3}$  | $\frac{1}{3}$  |
| breves sequente brevi . | 54  | 32  | 96  | 82  | 69  | $\frac{1}{2}$  | $\frac{1}{3}$  | $\frac{1}{3}$  | $\frac{1}{3}$  | $\frac{1}{3}$  |
| breves sequente longa . | 58  | 65  | 149 | 161 | 122 | $\frac{1}{2}$  | $\frac{2}{3}$  | $\frac{2}{3}$  | $\frac{2}{3}$  | $\frac{2}{3}$  |
| longae sequente brevi . | 2   | —   | 10  | 6   | 8   | $\frac{1}{59}$ | —              | $\frac{1}{29}$ | $\frac{1}{46}$ | $\frac{1}{26}$ |
| longae sequente longa . | 4   | 10  | 38  | 28  | 11  | $\frac{1}{29}$ | $\frac{1}{10}$ | $\frac{1}{9}$  | $\frac{1}{10}$ | $\frac{1}{19}$ |

denique inter breves vocales quae exhaustiuntur subsequente iterum brevi inveniuntur

| in libro              | I  | II | III | IV | V  | I             | II             | III            | IV             | V              |
|-----------------------|----|----|-----|----|----|---------------|----------------|----------------|----------------|----------------|
| in exemplis . . . .   | 54 | 32 | 96  | 82 | 69 | $\frac{1}{7}$ | $\frac{1}{8}$  | $\frac{1}{8}$  | $\frac{1}{6}$  | $\frac{1}{5}$  |
| syllabae mediae . . . | 8  | 4  | 12  | 14 | 15 | $\frac{1}{9}$ | $\frac{1}{6}$  | $\frac{1}{6}$  | $\frac{1}{6}$  | $\frac{1}{7}$  |
| ā                     | 6  | 5  | 16  | 12 | 9  | $\frac{1}{9}$ | $\frac{1}{6}$  | $\frac{1}{6}$  | $\frac{1}{6}$  | $\frac{1}{7}$  |
| ē                     | 40 | 21 | 60  | 54 | 42 | $\frac{3}{4}$ | $\frac{2}{3}$  | $\frac{2}{3}$  | $\frac{2}{3}$  | $\frac{2}{3}$  |
| ī                     | —  | 1  | 6   | 2  | 1  | —             | $\frac{1}{32}$ | $\frac{1}{16}$ | $\frac{1}{16}$ | $\frac{1}{69}$ |
| ō                     | —  | 1  | 2   | —  | 2  | —             | $\frac{1}{32}$ | $\frac{1}{48}$ | —              | $\frac{1}{69}$ |

easdem autem rationes satis erit adnotare esse vocalium brevium quae longis subsequentibus copulentur, ita tamen ut hic non brevis e, sed a brevis maximum necessario sibi vindicet exemplorum numerum.

Quae cum ita sint, et in spondeorum dactylorumque et in synaloephae usu tam similis ceteris est liber quintus, ut non possit non esse Propertianus. nimirum ea quibus a reliquis paululum discrepat in remetrica facilem habent explicationem per temporis spatium inter hunc et illos interiectum, quo quae inclegantiora visa sunt poeta fugere consuevit. denique vero nemo qui librum quintum libero animo leget non agnoscet idem quod in ceteris Propertii carminibus cernimus dicendi genus paullo illud difficilius et laboriosius, sed grave et nervosum. quem tamen locum nunc copiosius persecuturus non sum, praesertim cum Hertzbergius I pp. 104—186 singula aequabilitatis exempla sat multa composuerit. hic verbo tantum monebo de ablativo illo vere Propertiano qui ut III, 18b, 26; IV, 6, 24; 22, 13, ita invenitur etiam V, 8, 10; 10, 18.

His igitur causis adducimur, ut vel post Heimreichii disputationem etiam librum quintum, qui ipse V, 1, 63 sq. Umbri poetae nomen sibi vindicet, non editum quidem, at scriptum a Propertio censemus praeter carm. V, 1c. quod tamen carmen ut sibi inscriptum Propertius inter schedas suas reposuisse erendum est. inde autem a librariis quibus illas describendas tradiderant amici, cum mortui poetae carmina edenda curarunt, una cum ipsius elegiis illud emissum semelque evulgatum deinde per saecula circumlatum est cum ceteris de Cynthia elegiis, quibuscum ipso argumento conexum est.

---

Totus fere hic libellus typis expressus erat, cum mihi allata est Propertii Cynthia cum libro quarto qui Propertii nomine fertur a Dominico Carutti hoc ipso anno Hagae Comitum edita. is autem pp. XXXIV sqq. totum librum quintum praeter elegiam undecimam spurium et carm. V, 1 (vv 1—70.), 2, 4, 6, 9, 10 a Sabino, quem ut fastorum scriptorem memoret Ovidius ex Ponto IV, 16 vv.

15 sq., composita esse censet; neque tamen quidquam mihi persuasit. nam quae carm. V, 5, 7, 8 narrarentur iniuria visa esse a Propertii et Cynthiae moribus abhorre supra ostendimus. nimirum miratus ille, quod amicae funus neglexisse feratur Propertius carm. V, 7, hanc elegiam post Cynthiae abdicationem scriptam esse oblitus est\*). praeterea Lygdamus qui carm. V, 8 v. 37 Propertii minister dicitur vix Cynthiae unius, ut putat Caruttius, sed etiam Propertii servus erat; is enim illi carm. IV, 6 v. 5 et vv. 41 sq. libertatem promittit. denique cum mulieres in summo theatro sederent (cfr. Sueton. August. cap. 44.), Propertius certo inferiorem eis locum tenebat, etiamsi non in quattuordecim ordinibus sedebat; qua de causa iure monetur carm. V, 8 v. 77 ne illuc colla inflfeat\*\*). neque carm. V, 3 propterea a Propertio alienum est, quod Lycotae et Arethusae nominibus fortasse indicantur Postumus et Galla, de quibus etiam carm. IV, 12 dixit. atque etiam carm. V, 1, 2, 4, 6, 9, 10 iniuria vir egregius spuria iudicavit. haec enim cur in fastis non commemorata sint ab Ovidio supra exposui; idem autem remed. amor. vv. 763 sq. Cynthiam solam Propertii opus dicit, quoniam praecipuum quidem hoc amici opus erat et ipse illo loco in amatoriis tantum poetis enumerandis versatur. deinde ipse Propertius carm. IV, 3 cum opus aliquod epicum se olim incohasse diceret, cur etiam periegesin commemorare debebat, praesertim cum eius tum fortasse ne consilium quidem cepisset? porro pravam in his carminibus dicendi et narrandi artem sine ullo iure vituperari supra satis edocuimus. praeterea inter locos unde-

\* ) Ceterum etiam Caruttius carm. V, 7 vv. 35—38 suum locum non tueri perspexit, sed inseruit eos de philtris amatoriis interpretatus post v. 50; a quo loco, etiamsi interpretatio illa probari posset, tamen abhorrent. neque non sentit v. 55 in antecedentes non convenire, sed rem expedire conatus est vv. 57—92 hue retractis. at hi tamen neque a vv. 93 sq., quos sine ulla utilitate post v. 70 revocavit, neque a totius elegiae fine propter vv. 91 sq. cum v. 96 necessitudinem separari possunt. minus etiam perspicio cur vv. 41 sq. post v. 46 inseruerit.

\*\*) Immerito autem Caruttius carm. V, 8 vv. 3—26 alius carminis fragmentum esse voluit; respicit enim ad illos v. 48.

cunque collectos, quos nostrum scriptorem imitatum esse arguit ille, et has elegias aut nihil similitudinis est, aut, si quae est, eisdem rebus narratis satis explicatur. tum Herculem in Latio mortuum dici carm. V, 7 v. 64 non contendisset, nisi turpi errore hunc versum de poenis ab Hercule morte expensis intellexisset. duas autem Scyllas inter se confundens carm. V, 4 vv. 39 sq. Propertius tutus est Ovidii et Vergilii exemplo; idem enim quidni aliam hic, carm. IV, 19 vv. 21 sqq. aliam fabulac rationem sequatur?\*). quae cum ita sint, ne Caruttio quidem librum quintum a Propertio non compositum esse concedo. neque vaticinium astrologi, quod ne ego quidem a Propertio profectum censeo, ille probabilibus argumentis ab hoc poeta abiudicavit, nisi quod et ipse vv. 122 sqq. e carm. I, 22 expressos notavit. nam v. 121 propter notos penates a Propertio humili loco nato (efr. carm. III, 24 b, 37 sq.; III, 34, 55 sq.) abhorrente ratus horoscopum laudibus omnia exaugere neglexit. neque Propertius vv. 133 sq. rhetoriceis exercitationibus operam navasse iniuria dicitur, quia his solebant erudiri adulescentes Romani. praeterea propter victorias bello reportatas in Propertium non convenire vv. 139 sq. criticus noster censuit, quia his versibus non Veneri, sed Martis militiam commemorari sibi persuasit. denique quod ipse Propertius carm. I, 22 in plinitie, astrologus vv. 121 sqq. in loco edito patriam poetae posuit, id quivis diligenti horum locorum interpretatione expedibit.

---

\* ) Carm. V, 2 vv. 35 sq. damnavit Carnutins, quia Vertumnus se ipsum suo nomine appellare posse negat, at hoc quidem iniuria; eiusdem elegiae vv. 57 sq. ut infieitos expunxit, cum Vertunni facetas non intellegeret. sed eundem carm. V, 4 vv. 71 sq. alienam sedem tenere non fugit. quanquam transpositis eis post v. 56 et cursus mentio inepta est et vv. 55 sq. a vv. 57 sq. male divelluntur. eiusdem autem elegiae vv. 17 sq. propter orationem turbatam et sententiam perversam obelo notavit. at ubi vv. 15 sq. Tarpeiam virginis Vestalis numeri fungi narravit poeta, haud inepte hac ipsa re admonitus tanta ira exarsit, ut Tarpeiae quae, quamvis vel prima Vestam tueri deberet, tamen (*et v. 17 = et tamen.*) eius ignem fallere voluerit, triplicem mortem imprecatus sit. denique etiam carm. V, 6 vv. 11—68 cum ceteris male cohaerere intellexit, neque tamen hoc digressionum licentia satis excusavit.



# INDEX

locorum Propertianorum, de quibus in his  
commentationibus disputatum est.

|                                                        |                              |                                                              |
|--------------------------------------------------------|------------------------------|--------------------------------------------------------------|
| Carm. <u>I, 1</u>                                      | = p. <u>81</u> .             | Carm. V, 1, <u>87</u> sq. = p. <u>50</u> .                   |
| „ <u>I, 25</u>                                         | = p. <u>51</u> .             | „ V, 1, 103—118 = p. 24 sqq.                                 |
| „ <u>I, 6</u>                                          | = p. <u>81</u> .             | „ V, 1, 109—118 = p. <u>50</u> .                             |
| „ <u>I, 12</u>                                         | = p. <u>81</u> .             | „ V, 1, 120 = p. <u>25</u> .                                 |
| „ <u>I, 13</u>                                         | = p. <u>81</u> .             | „ V, 1, 121 sqq. = p. <u>53</u> sq.                          |
| „ <u>I, 16</u>                                         | = p. <u>81</u> .             | „ V, 1, 127 sq. = p. <u>52</u> adn.                          |
| „ <u>I, 17</u>                                         | = p. <u>81</u> .             | „ V, 1, 129 sq. = <u>p. 53 adn.; 76</u> .                    |
| „ <u>I, 22</u>                                         | = p. <u>53</u> sq.           | „ V, 1, 133 sqq. = p. <u>52</u> .                            |
| „ <u>II, 7</u>                                         | = p. <u>81</u> .             | „ V, 1, 139 = p. <u>11</u> .                                 |
| „ <u>III, 10</u>                                       | = p. <u>77</u> sqq. adn.     | „ V, 1, 141 sqq. = p. <u>35</u> sqq.                         |
| „ <u>III, 13 b, 25</u> sq. = p. <u>82</u> .            |                              | „ V, ta = p. <u>47</u> sqq.; <u>67</u> sq.;                  |
| „ <u>III, 31</u>                                       | = p. <u>81</u> .             | „ <u>84</u> sqq.; <u>95</u> sqq.                             |
| „ <u>III, 34</u>                                       | = p. <u>82</u> .             | „ V, ta, 1 sq. = p. <u>47</u> .                              |
| „ <u>IV, 4</u>                                         | = p. <u>82</u> .             | „ V, ta, <u>63</u> sq. = p. <u>48</u> sq.                    |
| „ <u>IV, 5</u>                                         | = p. <u>82</u> .             | „ V, 1b = p. <u>47</u> sqq.; <u>50</u> sq.;                  |
| „ <u>IV, 9</u>                                         | = p. <u>77</u> sqq. adn.     | „ <u>84</u> sqq.; <u>95</u> sqq.                             |
| „ <u>IV, 12</u>                                        | = p. <u>82</u> .             | „ V, 1b, 113 = p. <u>50</u> sq.                              |
| „ <u>IV, 15</u>                                        | = p. <u>82</u> .             | „ V, 1c = p. <u>47</u> sqq.; <u>51</u> sqq.;                 |
| „ <u>IV, 15, 3</u> sqq. = p. <u>76</u> sq.             |                              | „ <u>70</u> sq.; <u>88</u> .                                 |
| „ <u>IV, 15, 7</u> sqq. = p. <u>77</u> ; <u>80</u> sq. |                              | „ V, <u>2</u> = p. <u>47</u> sq.; <u>48</u> ; <u>68</u> sq.; |
| „ <u>IV, 16, 9</u>                                     | = p. <u>80</u> .             | „ <u>84</u> sqq.; <u>95</u> sqq.                             |
| „ <u>IV, 18</u>                                        | = p. <u>82</u> .             | „ V, <u>2, 19</u> = p. <u>14</u> sq.; <u>47</u> sq.          |
| „ <u>IV, 20</u>                                        | = p. <u>83</u> .             | „ V, <u>2, 39</u> = p. <u>7</u> sq.                          |
| „ <u>IV, 20b</u>                                       | = p. <u>83</u> .             | „ V, <u>2, 41</u> — <u>46</u> = p. <u>34</u> sq.             |
| „ <u>IV, 25, 2</u>                                     | = p. <u>77</u> ; <u>80</u> . | „ V, <u>2, 42</u> = p. <u>16</u> sq.                         |
| „ V, <u>1, 39</u> sqq. = p. <u>50</u> .                |                              | „ V, <u>3</u> = p. <u>56</u> ; <u>71</u> sq.; <u>88</u> sq.  |
| „ V, <u>1, 39—54</u>                                   | = p. 2b sq.                  | „ V, <u>3, 8</u> — <u>10</u> = p. <u>4</u> adn.              |
| „ V, <u>1, 40</u>                                      | = p. <u>17</u> .             | „ V, <u>3, 43</u> — <u>52</u> = p. <u>37</u> sqq.            |
| „ V, <u>1, 65</u> sq. = p. <u>43</u> .                 |                              | „ V, <u>4</u> = p. <u>47</u> sqq.; <u>49</u> sq.;            |
| „ V, <u>1, 81</u>                                      | = p. <u>13</u> .             | „ <u>69</u> sq.; <u>84</u> sqq.; <u>95</u> sqq.              |
| „ V, <u>1, 81</u> — <u>88</u> = p. 23 sq.; <u>25</u> . |                              | „ V, <u>4, 27</u> sq. = p. <u>39</u> sq.                     |

- |                               |                                   |
|-------------------------------|-----------------------------------|
| Carm. V, 4, 59 = p. 20.       | Carm. V, 7, 37 = p. 17.           |
| „ V, 4, 63 = p. 17.           | „ V, 7, 51–54 = p. 41.            |
| „ V, 4, 71 sqq. = p. 39 sqq.  | „ V, 7, 57 = p. 9.                |
| „ V, 4, 72 = p. 10.           | „ V, 7, 59 = p. 5.                |
| „ V, 4, 85 = p. 10.           | „ V, 7, 69 = p. 15.               |
| „ V, 4, 93 sqq. = p. 19.      | „ V, 8 = p. 74; 89 sqq.           |
| „ V, 5 = p. 54 sqq.; 73; 89.  | „ V, 8, 2 = p. 31 sqq.            |
| „ V, 5, 9–12 = p. 43 sqq.     | „ V, 8, 19 sqq. = p. 31 sqq.      |
| „ V, 5, 29 = p. 13.           | „ V, 8, 58 = p. 20.               |
| „ V, 5, 29–60 = p. 33 sqq.    | „ V, 8, 87 sqq. = p. 21 sqq.; 74. |
| „ V, 5, 62 = p. 39 sqq.       | „ V, 9 = p. 47 sqq.; 50; 70;      |
| „ V, 5, 75 = p. 93.           | 84 sqq.; 95 sqq.                  |
| „ V, 6 = p. 27 sqq.; 85 sqq.  | „ V, 9, 3 = p. 6 adn.             |
| „ V, 6, 22 = p. 4.            | „ V, 9, 42 sqq. = p. 41 sqq.      |
| „ V, 6, 45 sqq. = p. 44 sqq.  | „ V, 9, 65 sq. = p. 30 sqq.       |
| „ V, 6, 81 sqq. = p. 94 sqq.  | „ V, 9, 70 = p. 5.                |
| „ V, 6, 83 = p. 95.           | „ V, 9, 73 = p. 17 sqq.           |
| „ V, 6, 85 = p. 42.           | „ V, 10 = p. 47 sqq.; 70; 84.     |
| „ V, 6a = p. 74; 87.          | sqq.; 95 sqq.                     |
| „ V, 6b = p. 47 sqq.; 70; 84. | „ V, 10, 8 = p. 6.                |
| sqq.; 87; 95 sqq.             | „ V, 10, 27 = p. 5.               |
| „ V, 6b, 29 sqq. = p. 93 sqq. | „ V, 10, 42 = p. 12 sqq.          |
| „ V, 6b, 49 sqq. = p. 94.     | „ V, 10, 43 = p. 42.              |
| „ V, 7 = p. 74 sqq.; 89.      | „ V, 11 = p. 46; 74; 84.          |
| „ V, 7, 20 = p. 55 adn.       | „ V, 11, 65 sq. = p. 46.          |
| „ V, 7, 35–38 = p. 40 sqq.    | „ V, 11, 97 sq. = p. 46.          |

---

### Corrigenda.

| P. 28 l. 9 | pro | perscriptum    | legas | perscriptum    |
|------------|-----|----------------|-------|----------------|
| „ 52       | 7   | quo            | „     | qua            |
| „ 53       | 15  | lam            | „     | iam            |
| „ 44       | 25  | unt            | „     | sunt           |
| „ 49       | 29  | usitam         | „     | usitatam       |
| „ 53       | 27  | coepitus, erat | „     | coepitus erat, |
| „ 68       | 28  | moratum iri    | „     | morari         |
| „ 70       | 8   | vv. 67 sq.     | „     | vv. 65 sq.     |
| „ 86       | 31  | iu             | „     | in             |
| „ 90       | 26  | exulti         | „     | exulta.        |

---





DUE OCT '66 H

111 5566

Lp 45.265  
Commentationes Propertianae /

Widener Library

005875330

3 2044 085 225 746